

Akissut:

Soorlu Brexit pillugu tusagassiortut allaaserinninnerannit takuneqarsinnaasoq illuatungeriit akornanni siunissami siunissami attuumassuteqarnerit pillugit EU-p aamma Tuluut Nunaata akornanni isumaqatigiinniarnit suli ingerlanneqarput.

Tamanna pissutigalugu isumaqatigiinniarnit qanoq inerneqarumaarnersut maannakkut ilisimatitsissutiginnissaat ajornarpoq. Taamaalilluni kontomi pingaarnermut matumunnga Brexit qanoq kinguneqassanersoq siulittuutigineqarsinnaanngilaq, tassunga ilanngullugu Kalaallit Nunaata Tuluut Nunaannut siunissami attuumassuteqarnissaanut tunngatillugu isumaqatigiinniarnit nukissanik atuiffiusussat eqqarsaatigalugit.

b) *Joint Committeep sulinera sumut killippa?*

Akissut:

Kalaallit Nunaata USA-llu akornanni suleqatigiinnerup sakkortusineqarnissaa, taamaalilluni Amerikamiut nunami maani najuunnerisa Kalaallit Nunaannut naleqarnerulersinneqarnissaa Joint Committee-p suliassaraa. Kalaallit Nunaata USA-llu imminnut attuumassuteqarnerat sakkutuut nunatsinniisinneqarnerannik taamaallaat tunngaveqartinneqassanngitsoq tamatumami qulakkeerneqassaaq.

Joint Committeemi ataatsimiinneq kingulleq 7. oktober 2014-imi Washington, D.C.-mi ingerlanneqarpoq. Joint Committeemi ukiumoortumik ataatsimiinneq nalinginnaasumik Danmarkimi 2015-imi ukiakkut ingerlanneqarsimasussaagaluarpog, kisianni oktober 2014-imi Joint Committeemi ataatsimiinnissamut aggersaasoqarsimanngilaq suleqatigiissitani WG1-imi (siunissami suliariumannittussarsiuussinissami piumasaqaatit) aamma WG2-imi (Pituffimmi kiffartuussinissamut isumaqatigiissutip annaaneqarneranut tunngatillugu Kalaallit Nunaannut akuersineq) isumaqatigiinniarnit pissutigalugit.

Siumut sammisumik kiffartuussinissamik isumaqatigiissutitigut qanoq pisoqassanersoq paasineqariarpat suleqatigiissitani naammaginartumik aaqqiinermik nassaartoqariarpat Joint Committeemi suleqatigiinnerup aallarteqqinneqarnissaa naatsorsuutigineqarpoq.

c) *Konto pingaarnermut matumunnga suliassami kisitsisit ataatsimiititaliamit ujartorneqarput.*

Akissut:

Konto pingarneq 27.01.01 2019-imi ingerlatsinerni allani immikkut uku ingerlanneqarput:

1. Hans Egedep Illua
2. Nunanut allanut tunngasut

Ingerlatat taamaalillunilu Hans Egedep Illuani aningaasartuutit qaffasissusiannut apeqqutaavoq illumik atuneq. Nunanut Allanut Naalakkersuisoqarfiup aningaasartuutit illup atorneqarnerani isertitatigut sapinngisamik qulakkeerniartarpei. Ingerlatat ukiut ingerlaneranni allanngorarput naalagaaffinnilu allani attaveqaatit tikeraarnerisa amerlassusaannik Naalakkersuisullu illumik atuinerannik tunngaveqarluni.

Allatigut ingerlatsinerit eqqarsaatigalugit aningaasartuutit angisuut angalanernut, unnuinernut ullormusianullu tunngasuupput. Tamanna naalagaaffiit allat attaveqaataasa tikeraarnerinut il. il. atatillugu kiisalu Kalaallit Nunaata nunani allatigut naalackersuinikkut ingerlatsinerimi soqutigisaanik naalackersuisoqarfiup isumaginninneranut atatillugu atuuppoq. Ataatsimiinnerit amerlanertigut sivikitsuuaqqamik ilisimatitsinikkut pilersaarusiorneqartarput, taamaattumik ataatsimiinnermi sammisani ingerlatat missingersuusiornissaat sapernarluni, kisiannili ataatsimiinnerit angalanerni aningaasartuuteqartitsillutik taamaalillunilu aamma unnuinernut ullormusianullu aningaasartuutinut.

Pingaartumik ileqqulersuutissatigut suliani apeqqutaasarlutik tikeraarnerit annertussusaasigut atuineq aamma aningaasartuutini taakkuninnga naalackersuisoqarfik qanoq annertutigisunik akiliissanersoq assersuutigalugu nunap iluaneersunik angalaqataasut assartorneri, aamma ilassinninnikkut aaqqissuussinerit.

Ingerlatanut ataasiaannarluni pisunut aningaasaliissutinik immikkut naalackersuisoqarfik immikkoortitsinikuunngilaq.

6.2 Konto pingaarneq 27.01.02 Bruxellesimi Sinniisoqarfik

Matumani aningaasaliissutit ilaat qanoq amerlatigisut Brexitimut aammalu EU-mut tunngasunik suliassanut atorineqartarpat?

Akissut:

Kunngaqarfiimmu Peqatigiinnut 2019-imi ingerlatat qaffasissusiinut annertuumik apeqqutaassaaq Brexit pillugu EU aamma Kunngaqarfiit Peqatigiit isumaqatigiissuteqarsinnaanersut, isumaqatigiissullu taanna Kalaallit Nunaannut tunngasunik imaqaassanersoq.

EU-p aamma UK-p akornanni isumaqatigiinniarnerni kalaallit nunaanni pissutsit imaluunniit EU-p aamma UK-p akornanni OLT-mi pissutsit sillimaffigineqassappata pisariaqartitsineq killeqartussaassaaq. Inernermi piumasarineqarpat Kunngaqarfiit Peqatigiit aamma Kalaallit Nunaata akornanni niuernerimi sinaakkusiussat nutaat isumaqatiginniniutigineqassallutik pisariaqartitsineq taana annertunerujussuussaaq aamma Nuummi, Københavnimi aamma Londonimi arlalinnik ataatsimiittoqartassalluni. Taamaattoqassappat piareersarnerit aamma kalaallit nunaata niuernikkut Londonimi pilersaanissaanik pisariaqartitsineq aamma naatsorsuutigineqassaaq.

Ukioq manna ingerlatanut ilaasimapput Londonimut angalaneq aamma suli angalanerit allat marluk pilersaarutaallutik.

6.3 Konto pingaarneq 27.01.03 Northern Periphery and Arcticimut Kalaallit Nunaata tapiissutai

Matumani aningaasaliissutit sunik tigussaasunik angusaqarfiusarnerisut ataatsimiititaliamit ujartorneqarpoq.

Akissut:

Kalaallit Nunaata NPA programmimut peqataanera inuussutissarsiutitigut ineriartortitsinerimut aamma nutaaliornermut tapiiffigineqarsinnaanerat, NPA-mi nunanit peqataasunit allanik pilersaarutit pillugit suleqatigiinnermut peqataalernikkut kalaallit namminersortunik ingerlatsinerat aamma pisortat suliffeqarfiutaat periarfissippaat.

Suliniutinit aningaasatigut sulianullu tunngasutigut iluanaarutit pilersaarutit iluanni suleqatigiinnikkut Kalaallit Nunaata peqataanerani ilisimasatut katersorneqartutut paasineqassapput aamma nunani tamalaani suleqatigiinnerni annertunerusuni peqataanerit, tamatumalu Kalaallit Nunaata imminut pilersortuulernissaanut ilinniagaqarluarsimasunillu inuttaqarnerata qulakkeerneqarnissaa pillugu Naalakkersuisut politikikkut anguniagaannut naapertuulluni.

NPA-mi pilersaarutini arfineq marlunni Kalaallit Nunaat peqataavoq, tassunga ilanngullugit assersuutigalugu Circular Ocean Center for Arktisk Teknologi (ARTEK) kalaallini peqataasoralugu. Circular Ocean 2016-imi Europa-Kommissionip RegioStars Awardsimik pinnappoq. Pilersaarut RYE Connect Greenland Business kalaallini peqataasoralugu ilaatigut Arctic Awardsimi pilersaarutitigut unamminermi 2018-imi, ulloq 10. oktober 2018-imi Bruxellesimi ingerlanneqartumi issittormiut sanaartornikkut pilersaarutini pitsaanerpaatut nersorneqarpoq.

Nersornaatit pissarsiarineqartut Kalaallit Nunaata NPA-mi peqataasarnerata iluaqutaaneranut assersuutissaavoq takutinneqarlunilu Kalaallit Nunaat inuiaqatigiinnut kalaallinut iluaqutaasumik pilersaarutini patajaatsuni peqataasartoq.

Konto pingarneq 27.01.05 Nunani tamalaani ingerlatanut tapiissutit

Matumani aningaasaliissutit sunik tigussaasunik angusaqarfiusarnersut ataatsimiititaliamit ujartorneqarpoq.

Akissut:

Kalaallit Nunaat nunani tamalaani politikikkut inissisimanini qulakkeerniarlugu ersarissuutinniarlugulu suliuartariaqarpoq aamma niuernikkut aningaasaliissuteqartarnikkullu soqutigisani kiisalu nunanut tamalaanut atassuteqaatini siuarsartariaqarlugit. Sulineq taanna sivisuumik suliniuteqarnissamik pisariaqartitsivoq, aamma nunanut allanut tunngatillugu inuinaat peqataatinnerisigut. Aningaasaliissutit taakku atorlugit Naalakkersuisut taamaalillutik immikkoortunik, suliniaqatigiiffinnik assigiinngitsunik inunnillu ataasiakkaanik sulinerminni tapersorneqarnissamut periarfissaqarput, aningaasaliissutinit taakkunannga tapiissuteqarnikkut nunani tamalaani oqallifinni kalaallit soqutigisaat nittarsanneqassallutik.

6.5 Konto pingarneq 27.01.07 Inuit Circumpolar Council

Matumani aningaasaliissutit sunik tigussaasunik angusaqarfiusarnersut ataatsimiititaliamit ujartorneqarpoq.

Akissut:

ICC-mut aningaasaliissutit nunatta Amerikami Avannarlermi Sibiriallu Kangiani eqqarlitsinnut qaninnernut suli atassuteqarnissarput qulakkeerpaat. ICC-mut aningaasaliissuteqarnikkut nunat inoqqaavisa pisinnaatitaaffiinnut tunngasutigut Kalaallit Nunaata soqutigisaanik sunniuteqarneranillu sulineq nukittorsarneqarpoq, tassani pingaartumik Inuit pisinnaatitaaffii. Sunniut taanna NP-mi sunniuteqarpoq, tassani ICC nunat inoqqaavi pillugit ataavartumik oqalliffiup iluani suli suliaqarluni. Aammattaaq naalakkersuisoqarfik naliliivoq nunani issittuni Inuit akornanni suleqatigiinnermut ICC nukittorsaasoq, tassunga ilanngullugit Alaskami Canadallu avannarpasissuanik Kalaallit Nunaata atassuteqarnera nukittorsarlugu inuussutissarsiornerit, avatangiisit, kulturip, inuuniarnikkut atuartsinerullu iluanni il. il. suleqatigiinnissamut misilittakkanillu paarlaasseqatigiinnissamut periarfissaqarluni.

6.6 Konto pingarneq 27.01.09 Kalaallit Nunaata Washington D.C.-mi Sinniisoqarfia

a) *Matumani aningaasaliissutit sunik tigussaasunik angusaqarfiusarnersut ataatsimiititaliamit ujartorneqarpoq.*

Akissut:

Tigussaasumik angusaqarfiusoq siullermik tassaavoq Naalackersuisut soqutigisaannik, pingaarnersiugaannik qulakkeerinninneq aamma kalaallit nunaanni piviusut amerikamiut aqutsisuini aalajangiisartunut nittarsanneqarlutillu illersorneqarlutik. Naalackersuisunut aamma Kalaallit Nunaannut pingaarpoq toqqaannartumik uagut suliaavut illersorsinnaagatsigit, soqutigisavut illersorlugit nunamullu pingaarutilimmut USA-mut suleqatigiinnererput nittarsaallugu aamma Kalaallit Nunaata nunarsuarmi inissisimanermigut pingaaruteqarnera pissutigalugu. Taakku saniatigut sinniisoqarfik aamma niuernikkut suleqatigiinnerup annertunerulernissaanik suliaqarpoq. Qallunaat soqutigisaat niuernermut tunngasuni annertuumik naalagaapput, taamaattumik taakku atassutit qaangerneqarnissaat ingerlaavartumik sulissutigineqarpoq aamma amerikami niuernermut isigininneq sangutillugu.

Niuernermut tunngasuni Kalaallit Nunaata periarfissaanik nittarsaassineq ingerlatiinnarneqassaaq sinniisoqarfillu amerikami, canadami aamma kalaallit nunaanni peqataasut ingerlatseqatigiiffillu akornanni atassutitut sulissalluni.

b) *Matumani aningaasaliissutit ilaat qanoq amerlatigisut Canadamut aammalu USA-mut tunngasumik suliassanut atorneqartarpat?*

Akissut:

Sinniisoqarfik Washington D. C.-mi qallunaat aallartitaqarfianni inissisimavoq taamaalillunilu sulinerup annertunersaa USA-mik isiginnilluni. Aningaasaliissutit sisamararterutaasa missaat Canadami suliassanut atorneqarput.

c) *Matumani aningaasaliissutinit Reykjavikimi Sinniisoqarfimmut nuussisoqarpa?*

Akissut:

Naamik.

6.7 Konto pingarneq 27.01.10 Kalaallit Nunaata Reykjavikimi Sinniisoqarfia

a) *Sinniisoqarfik qaqugu ammartussatut Naalackersuisunit naatsorsuutigineqarpa?*

Akissut:

Kalaallit Nunaata Reykjavikimi Sinniisoqarfianik ammaaneq aallaqqaammut 2018-imi ukiup affaani siullermi pisussaasimagaluarpoq. Sinniisoqarfimmi pisortaq aatsaat 1. oktober 2018-imit sunniuteqalersumik toqqarneqarpoq. Inatsisartunullu qinersisoqarnissaa suaarutigineqarnera pissutigalugu toqqaanissaq kinguartinneqarpoq. Pisortatigoortumik ammaaneq pissaaq arfininngorneq 20. oktober 2018-imi.

Namminersorneq pillugu inatsit naapertorlugu Danmarkip aallartitaqarfigiriigaani imaluunniit nunani allani sinniisoqarfigisaani sinniisoqarfinnik aallaaviatigut Naalakkersuisut taamaallaat ammaasinnaapput. Qallunat aallartitaqarfianni Kalaallit Nunaata Sinniisoqarfianut inissamik nassaarnissaq ajornarsimavoq, taamaattumik nunanut allanut naalakkersuisoqarfik nammineq tulluurtumik attartugassamik nassaarsimalluni.

Tamanna suliatigut arlalitsigut piareersarnernik pisariaqartitsisimavoq, pisortatigoortumillu ammaanissaq kinguartissimallugu. Allaffik immikkoortoq allalippassuartigut iluaqusiivoq aamma Kalaallit Nunaata ataatsimoortumik immikkut politikikkikut nittarsaannissaanut periarfissiilluni.

b) *Sinniisoqarfik sumut atorneqartussatut naatsorsuutigineqarpa?*

Akissut:

Reykjavikimi aallartitaqarnek Naalakkersuisunit allaffissornikkullu pingartitanut, nukissanut piginnaasanullu naapertuuttuussaaq Islandimillu suleqateqarenermik ingerlatsiinnarnissamut iluaqutaassalluni kiisalu Islandimut naalakkersuinikkut niuernikkullu attaveqarnermut pingaarutilinnik ineriartortitseqqinnissamut nukittorsaanissamullu iluaqutaassallutik, tamannalu Kalaallit Nunaannut aningaasaqarnikkut iluaqusiissasoq naatsorsuutaavoq.

Taamaasilluni Reykjavikimi aallartitaqarfik Naalakkersuisut aamma allaffissornikkut ingerlatsisut pingartitaannut, nukissaanut piginnaasaannullu naapertuullutillu atassuserneqassasut peqataasinnaallutillu Islandimit suleqatigiinnerit pioreersut aserfallatsaalinnissaannut, kiisalu peqataaqataassalluni Islandimut pingaarutilittut naalakkersuinikkut niuernikkullu attaveqarnerit ineriartorteqqinnissaannut nukittorsarnissaannullu, tamakku naatsorsuutigineqarput Kalaallit Nunaannut inuiaqatigiit aningaasarsiorneratigut iluaqusiisinnaasutut. Tamanna UPA2017/122-mit aalajangiinissamut tunngavissiamut, Inatsisartut nunanut allanut sillimaniarnikkut ataatsimiititaliaata isumaliutissiisutaanut kiisalu AI2018-imut naapertuuppoq.

c) *Konsulinik atuinissaq Naalakkersuisunit naatsorsuutigineqarpa?*

Akissut:

Suleriaaseq naapertorlugu Naalakkersuisut sinniisoqarfimmi pisortamik kiisalu aallartitaqarfimmi allatsimik nunanut allanut atassuteqarnissamut pisinnaatitaasumik Washington D.C.-mi, Bruxellesimi aamma Reykjavikimi aallartitaqassaaq nunanut allanut ministereqarfik isumaqatigiissuteqarfigalugu. Atorfinni taakkunani konsulit atorneqassangillat.

d) *Suliassanut niuernermik tunngaveqanngitsunut sinniisoqarfiup atornissaa Naalakkersuisunit naatsorsuutigineqarpa?*

Akissut:

Naatsorsuutigineqarpoq sinniisoqarfik Naalakkersuisut pingartitaannut tapertaassasoq assersuutigalugu kulturikkut ilisimatusarnermullu tunngasuni, tassunga ilanngullugit ilisimatusarnikkut suleqatigiinnermi kiisalu kalaallit kulturiannik soorlu eqqumiitsulianik, isiginnaartitsissutinik, saqqummersitsinernik il. il. nittarsaalluni sulineri ikiuulluni. Tassunga ilanngullugit missingersuummut ilanngussami allaaneqartunit allaanerusut kulturikkut ingerlatat allat ingerlateqqinneri. Taakku

saniatigut sinniisoqarfimmi pisortaq Naalakkersuisut pisortatigoortumik sinniisuattut Kalaallit Nunaat pillugu paasissutissanik nalinginnaasunik siuarterillunilu ingerlatitseqqittassaaq. Suleriaaseq taanna sinniisoqarfinit allanit aamma ilisimaneqarpoq.

7. Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq - Suliassaqarfik 30

7.1 Konto pingaarneq 30.01.01-imut, Isumaginninnermut Inatsisinillu Atuutsitsinnermut Naalakkersuisoqarfik

Aningaasaliissutit 1.387.000-inik ikilineqarput. Tamatuma peqatigisaanik konto pingaarneq 30.30.05 aamma 30.30.06 naapertorlugit suliassat konto pingaarnermut uunga nuunneqarsimapput. Taakkunanga meeqqat tapersorsorneqarnissaannut Inatsisartut inatsisaannik atuutsitsilernermut atatillugu aningaasartuutaanerussutit matussuserneqarnissaannut 1 mio. kr.-t atorneqassapput. Suliassami kisitsisini sulisussatut naatsorsuutigisat ikilisiinanerannut suna tunngaviua?

Akissut:

Sulisunik atuinermi appariarneq naatsorsueriaatsimik pissuteqarpoq. N2017-imut, AIS2019-imut ukiunullu missingersuusiorfiusunut allanut sulisunut kisitsisit maannakkut qaammatit piviusunngortinneqartut naatsorsuutigineqartullu amerlassusaat aallaavigalugit naatsorsorneqarput sulisunut ataasiakkaanut akunnaallisaaneq atornameqarpoq.

7.2 Konto pingaarneq 30.01.02 Isumaginninnermut Aqutsisoqarfik

Konto pingaarneq una naapertorlugu suliniutigineqartunik Naalakkersuisut nalilersuisimappat?

Akissut:

Konto pingaarneq manna malillugu suliniutinik nalilersuisoqarsimangilaq. Isumaginninnermut Aqutsisoqarfik ulloq 1. januar 2017-imi pilersinneqarpoq, taamaattumik maannakkut suli nalilersuisoqarsimanani. Taamaattorli siunissami tulluartaussalluni.

Taamaattorli Naalakkersuisut allaffissornermi aningaasaliissutit nalinginnarmik missisorneqarnissaat kissaatigivaat, tassunga aqutsisoqarfiit pioreersut ingerlaannarnissaat pisariaqarnersoq ilanngullugu. Anguniarneqarpoq nalilersuinerat taakku ukiumi aggersumi ingerlanneqassasut.

a) Ilaqutariinnut højskolit periuseq qanoq ittoq malillugu ingerlanneqarpat?

Akissut:

Ilaqutariinnut højskolit kommuninit ingerlanneqarput taamaattumillu periuseq naleqqunnerpaatut isigisaminnik kommunit ataasiakkaat nammineq toqqaallutillu atuisinnaallutik.

b) Ulloq unnuarlu paaqqinnittarfinnik 11-nik aammalu innarluutilinnut paaqqinnittarfinnik 7-inik kommuninut nuunneqartussatut eqqarsaatigineqartunik Isumaginninnermut Aqutsisoqarfik ingerlatsivoq. Paaqqinniffiit Isumaginninnermut Aqutsisoqarfiup ataaniittut nuunneqassappata ingerlatsinerup ataavartuunissaa

aammalu periutsinik ineriartortitsinerup ingerlateqqinneqarnissaanik isumaginninneq ganoq qulakkeerneqalersaarpat?

Akissut:

Erseqqissaatigineqassaaq taamatut nuussisoqarnissaanik kommunit kisimik eqqarsaateqarmata. Ilaqutariinnermut Peqqissutsimullu Ataatsimiititaliamut siusinnerusukkut Naalakkersuisut akissuteqarnerminni erseqqissarpaat kommuninut nuussisoqassappat ulloq unnuarlu innarluutilinnullu paaqqinniffiit atajuarnissaanik ineriartortinnissaannillu Isumaginninnermut Aqutsisoqarfik qulakkeerisinnaassanngitsoq.

Nakkutilliiartortarnerit, KORA-p nalunaarusiaa aamma MIO-p angalatilluni nalunaarusiaa Naalakkersuisut ilumooruppaat, tamakkulu tunngavigalugit meeqqanut inuusuttunullu suliaasaqarfiup isumaginninnikkut aaqqissuusseqqiffiginissaa aallartissimallugu, matumani susassaqarfiit sisamat ukkataralugit:

- aaqqissuusinnikkut tungavigineqartut - inatsisit
- aaqqissuusaaaneq atuutilersitsinerlu - taakkununga ilanngullugu Isumaginninnermut Aqutsisoqarfimmik pilersitsineq
- kommunini meeqqanut ilaqutariinnullu atugarliortunut pisariaqartumik siusissukkut pinaveersaartitsiffiusumillu suliniuteqarnissaq tapersorsorniarlugu atortunik, neqeroorutinik periutsinillu ineriartortitsineq
- sulisunik isumaginninnikkut ilisimasalinnik ilinniartitsineq qaffassaanerlu

Ulloq unnuarlu paaqqinnittarfinnut suliaasaqarfik pillugu aallarniutitut erseqqissassallugu pingaaruteqarpoq, Naalakkersuisut isumaqarmata iluseq attaneqarsinnaasoq assigiimmillu pisussaaffeqartitsisoq tassaammat, ulloq unnuarlu paaqqinnittarfiit nuna tamakkerlugu atorneqarsinnaasut. Kommunit ulloq unnuarlu paaqqinnittarfinnik atuinerpaajusut taamaammat taakkuusariaqarput ingerlatsinerlutik akiliinerpaajusartut.

2015-imi Naalakkersuinikkut Ataqtigiissaarisartoqtigiit ataatsimiinneranni Isumaginninnermut Aqutsisoqarfik pilersinneqassasoq aalajangerneqarpoq, taannalu pisortanit ataatsimoorussamik aqutsisoqatigeeqassasoq. Aammattaaq ineriartortitsinerlutik siunnersuisoqatigiinnik Isumaginninnermut Aqutsisoqarfik attavilerneqassasoq. Taamatut aalajangiisoqarmalli aalajangiineq tamanna piviusunngortinniarlugu Naalakkersuisut sulisimapput. Inatsisartut taamaalillutik 2017-imi aningaasanik inatsimmik akuersissuteqarput, tassani Isumaginninnermut Aqutsisoqarfiup pilersinnissaanut aningaasaliissutigineqartussat pisariaqartinneqartut akuersissutigineqarlutik. Isumaginninnermut Aqutsisoqarfiup suliaasa pingaarnepaat ilagaat, ulloq unnuarlu paaqqinnittarfiit Namminersorlutik Oqartussanit pigineqartut ingerlanneqarnissaasa kiisalu pitsaasumik ineriartortinneqarnissaat qulakkiissallugu, tamannalu ulloq unnuarlu paaqqinnittarfiit kommuninit aamma ulloq unnuarlu paaqqinniffiit suliffeqarfinit imminut pigisunit ingerlanneqartut suleqatigalugit pissalluni. Ulloq unnuarlu paaqqinnittarfiit assigiimmik pisussaaffeqarneq nunalu tamakkerlugu oqartussaaffiusutut aallaavigalugu suliniuterpassuit aallartinneqarsimapput, tamakkulu suliarinissaannut atuutilernissaannullu piffissaq pisariaqartinneqartoq atorneqassaaq.

Kalaallit Nunaanni isumaginninnermik suliaasaqarfiup nukittorsavigineqarnissaanut qallunaat isumaginninnermi immikkut suliniutit aningaasalersornissaannut atatillugu isumaqtigiinniarnanni Kalaallit Nunaat 2017-imi 10 mio. kr.-nik tunineqarpoq. Ulloq

unnuarlu paaqqinnittarfinnut suliassa qarfiup nukittorsarneqarnissaata ukkatarineqarnissaa ilaavoq. Tamanna tunngavigalugu kalaallit isumaginninnermut aqutsisoqarfiata aamma qallunaat isumaginninnermut aqutsisoqarfiata akornanni qanimut suleqatigiinnermik aallartitsisoqarsimavoq, taakkualu ilaatigut ulloq unnuarlu paaqqinnittarfinnut suliassa qarfiup nukittorsarnissaanik siunertaqarput, matumani kalaallit qallunaallu ulloq unnuarlu paaqqinnittarfiisa akornanni piginnaasat pitsaassutsillu eqqarsaatigalugit suleqatigiinnissaq ilanngullugu.

Aammattaq Kalaallit Nunaanni ulloq unnuarlu paaqqinnittarfinni piginnaasat nukittorsarnissaat siunertaralugu qallunaat ulloq unnuarlu neqeroorutaannut attaveqaatigut suleqatigiinnissamik Kalaallit Nunaanni Isumaginninnermut Aqutsisoqarfik aallartitsisimavoq.

Ulloq unnuarlu paaqqinnittarfinnut suliassa qarfiup massakktut aqqissugaanerata aammattaq qulakkeerpa, kommunit tamarmik namminersorlutik oqartussat ulloq unnuarlu paaqqinnittarfiutaanni inissiisinnaanermik periarfissaqarnerat. Nuna tamakkerlugu atuuttunik ulloq unnuarlu paaqqinnittarfeqarnerup periarfissippaa ataatsimik ukkataqartumik katsorsaanermut, sullinniakkanut il. il. paaqqinniffiit neqerooruteqarsinnaalernerat. Annertuumik ataatsimik ukkataqartumik sullissisinnaaneq anguniagaqarfiusumillu suliniuteqarneq meeqqat ataasiakkaat pisariaqartitaasa naammassinissaanut pingaaruteqarluinnarpoq.

Naalackersuisut ulloq unnuarlu paaqqinnittarfinnut suliassa qarfirmik kivitseqataarusupput. Siunissaq ungasinnerusoq eqqarsaatigalugu suli siunertaavoq ulloq unnuarlu paaqqinnittarfinnut suliassa qarfik aamma tamakkiisumik ilaannakortumilluunniit kommuninut tunniunneqassasoq. Taamaattoq suliassa qarfirmik tunniussineq qaquguluunniit pitsaassutsimut, taamaalillunilu meeqqat inissineqartut ikiorneqarnerannut pilliutiginniffiussanngilaq.

Taamatuttaaq suliassa qarfiup erseqqissumik aningaasaqarnermi eqqumaffigineqarnissaa pisariaqarpoq.

7.3 Konto pingaarneq 30.01.03 Isumaginninneq pillugu pikkorissartitsinerit ilinniartitseqqinnerillu

a) *Kommunit pikkorissaanermik suliniuteqarnerat ataatsimoortumik ataqatigiissaariffigineqartapa?*

Akissut:

Kommuninik ataasiakkaani oqaloqateqarneq aallaavigalugu Isumaginninnermut Aqutsisoqarfik pikkorissarnernik neqerooruteqartarpoq. Ataatsimoortumik pikkorissaanikkut suliniutit ataqatigiissarnissaat ajornakusoorpoq, kommunit tallimaasut assigiinngitsunik pisariaqartitsisarmata. Maannakkulli meeqqanut tapersersuisarneq pillugu inatsimmi kiisalu Ilaqutariinnik siunnersuineri kommuninut tamanut pikkorissaasoqarpoq.

b) *Suliassa qarfinnut allanut sanilliullugu sulisumut ataatsimut naatsorsuullugu pikkorissarnermut aningaasartuutit qanoq ippat?*

Akissut:

Suliassaqarfini allani taamaasiortoqarnerseq Isumaginninnermut Aqutsisoqarfimmit ilisimaneqanngilaq, taamaattumik Isumaginninnermut Aqutsisoqarfik sulii allanik assersuussisimanani. Tamanna siunissami sulinnermut ilanngunneqassaaq.

c) *Innarluutilinnut tunngasunik pikkorissartitsinissamut aningaasanik immikkoortitsisoqarsimannginnera ilumoorpa?*

Akissut:

Naamik, eqqunngilaq. Pissassarfik aqutigalugu innarluutilinnut tunngasuni pikkorissarnermik ingerlatanut aningaasanik immikkoortitsisoqarsimavoq. Taaku saniatigut innarluutilinnut paaqqinniffinnut ingerlaavartumik pikkorissaasoqartarpoq, ilaatigut innarluutilinnut paaqqinniffinnut immikkut pikkorissaasoqartarluni ilaatigullu ulloq unnuarlu paaqqiffinnut tamanut ataatsimoortumik pikkorissaasoqartarluni. Inunnut innarluuteqartunut tapersersuineq pillugu inatsimmut siunnerfeqartumik inatsit pillugu pikkorissaanissat tassanngaanniit aningaasalersorneqassapput.

d) *Ilaqutariinnik paarsisartunut tunngatillugu pikkorissarnernut kisitsisit soq taama appasitsigisumik inissinneqarpat?*

Akissut:

Ilaqutariinnut paarsisartunut tunngasut pikkorissaanerit kukkusoqarneratigut ikinaarneqarsimapput. Amerlassusissaat iluarsineqassaaq, aningaasanut inatsisissap inaarutaasumik akuersissutigineqarnissaa sioqqullugu.

e) *Ilaqutariinnut paarsisartunut periusissaq qaqugu naammassineqartussatut naatsorsuutigineqarpa?*

Akissut:

Ilaqutariit pillugit ataatsimoortumik politikissamik 2019-imi saqqummiussinissaq Naalackersuisunit sulissutigineqarpoq, tassunga ilanngullugu ilaqutariit paarsisartut suliassaqarfiaat aamma ilaassalluni. Sulineq aallartinneqarsimavoq maannakkullu ilaqutariinnut paarsisartunut pikkorissartitsinissat amerlillugit iluarsineqarsimallutik.

f) *Konto pingaarnermut matumunnga oqaasertaliussaqarpoq, tassani atuinikinnerussutit ukiumut tullermut nuunneqarnissaannut piginnaatinneqarnissaq Naalackersuisunit kissaatigineqarluni. Nuussinerup Aningaasaqarnermut Akileraartarnermullu Ataatsimiititaliap siumoortumik akuersineratigut pisarnissaa ilanngunneqassasoq ataatsimiititaliamit kissaatigineqarpoq. Ataatsimiititaliap naatsorsuutigaa siunnersuutip aappassaaneernejarneranut imaluunniit pingajussaaneernejarneranut atatillugu tamanna pillugu Naalackersuisut allannguutissamik siunnersuuteqassasut.*

Akissut:

Apeqqutip 5.1 b)-p akissutaanut innersuussisoqarpoq.

7.4 Konto pingaarneq 30.01.04 Namminersorlutik Oqartussat illuutaannik aserfallatsaaliuineq

Assersuutigalugu Sungiusarfik Ikinngummi ullutsinnut naleqquttumik aserfallatsaaliisoqarnissaa anguniarlugu Naalackersuisut qanoq iliorpat?

Akissut:

Konto 30.01.04-mi aningaasat Isumaginninnermut Aqutisoqarfiup innarluutilinnut aamma meeqqanut inuusuttunullu ulloq unnuarlu paaqqinniffiutaanut tamanut 21-nut ukiut tamaasa agguarneqartarput. Aningaasat imatut agguarneqartarput silataani assiaqutit aserfallatsaaliorneqarneri illut iluinik aserfallatsaaliuinermit salliutinneqartarlutik. Aningaasat sinneqarpata taakku allangortiterinernut attuumassuteqartunut iluarsaassinernullu immikkoortinneqartarput. Aserfallatsaaliuinerne tamatigut sumiiffinni pissutsit eqqarsaatigalugit peqqinnissakkut ingerlatsinikkullu pitsaanerpaamik illunik qulakkeerisut atortut atorniarneqartarput.

Kontomi aningaasat allangortiterinernut nutarterinernullu annertunerusunut qaqutigootumik naammattarput, taamaalilluni paaqqinniffiit amerlanerit illutai innarluutilinnut kiisalu meeqqanut inuusuttunullu perorsaanikkut piumasaqaatinik pitsaanerpaamik pilersitsineq ajorput. Tamanna aamma Sungiusarfik Ikinngummut atuuppoq. Taamaattumik maannakkut paaqqinniffimmik nutaamik pilersaarusiortoqarluni.

7.5 Konto pingarneq 30.01.12 Danmarkimi eqqartuunneqarsimasunik oqaloqatiginnittartoqarneq

Danmarkimi eqqartuunneqarsimasunik oqaloqatiginnittartut pillugit nalunaarummik nutarterilluni sulineq aallartinneqarsimava?

Akissut:

Naamik, Danmarkimi eqqartuunneqarsimasunik oqaloqatiginnittartut pillugit nutarterineq aallartinneqarsimanngilaq, tassa nalunaarut atuuttoq nutaajummat. Taanna 19. april 2016-imeersuvoq allatigullu Kalaallit Nunaanni eqqartuunneqarsimasunik oqaloqatiginnittartunut aama atuulluni, tassani Kalaallit Nunaannut pinerluttulerinermi inatsisip malitsigisaanik eqqartuunneqarsimasunik oqaloqatiginnittartunut tunngasuummat. Inatsisinik atuutsitsinermut ministereqarfik nalunaarummik atulersitsisuvoq taamaalillunilu aamma taannaalluni nutarterisussa.

7.6 Konto pingarneq 30.10.32 Meeqqanut tapiissutit

Ullumikkut isertitat tunngavigalugit meeqqanut tapiissutit tunniunneqartarneranni suut unammilligassatut nalaanneqarsimappat?

Akissut:

Ullumikkut isertitanut ikaarsaarnerup tunngaviusumik kinguneraa kommunit nutaajunerusumik, taamaalillunilu aamma isertitanik qaffasinnerusunik atuilernerat, akileraartarnikkut isertitat atorneqarnerannut naleqqiullugu, ukiunik arlalinnik pisoqaasinnaasoq. Innuttaasut ineqartumut tapiissutisiaat taamaalilluni innuttaasut ullumikkut aningaasaqarnikkut inissisimanerannut pitsaanerusumik naapertuuppoq, ullumikkullu isertitanut ikaarsaarnerup aamma kinguneralugu ikiorsiissutinik atuinerup apparnera.

Meeqqanut tapiissutinut naleqqiullugu annerusumik unamminartoqarpoq:

- Innuttaasut ataasiakkaat ullumikkut isertitaannut naatsorsueqqinnerit sakkortuumik amerliartuinnartut. Tamannali naatsorsoqqissallugu ajornanngilaq.

- Taaguutip ullumikkut isertitat paasineqarnissaannik innuttaasut ajornartorsiuteqarnerat. Ikiorsiineq sorleq naatsorsorneqarneraq apeqqutaatillugu ikiorsiinissaq naatsorsorneqassatillugu isertitat arlallit kommuninit ilanngunneqarneq ajorput. Taakku saniatigut tassaasinnaapput ilanngaatit allallu ilaatinneqartussaangitsut. Ullumikkut isertitat naatsorsorneqassatillugit suna ilanngunneqarsimanersaq sunalu ilanngunneqarsimannginnersaq innuttaasq allakkani aalajangiiffiusuni ilisimatinneqarneq ajormat tamanna naammagittaalliuuterpassuarnik kinguneqartarpoq.

7.7 Konto pingarneq 30.10.37 Nuna tamakkerlugu meeqqanut inuusuttunullu angerlarsimaffiit

a) *Inissiivinnut akiliuteqariaaseq naliliiffigineqarsimava?*

Akissut:

a) Piviusumik naliliisoqarsimanngilaq. Namminersorlutik oqartussanit pigineqartut inissiiviinnut akigitat paaqqinniffimmut ataatsimut ingerlatsinermi aningaasartuutit aallaavigalugit aalajangersarneqartarput, ingerlatsinermilu aningaasartuutit allanngorsimappata iluarsineqartarluni. Suliassaqarfimmut eqqarsaatersuutitut ilaatinneqassaaq taamatut aaqquissuussineq aningaasartuutit appasitsinnissaannut kajumilersitsisinaanersaq.

b) *Akiliuteqariaaseq inissiiviusunit qanoq tiguneqarsimava?*

Akissut:

Namminersorlutik oqartussanit pigineqartut inissiisarfiit eqqarsaatigalugit meeqqat ulloq unnuarlu paaqqinnittarfimmi najugaqarneranut atasunut aningaasartuutitut kommunit akiliisarput. Isumaginninnermut Aqutsisoqarfiup isumaa malillugu taamatut aaqquissuussineq naammagisimaarneqarpoq.

7.8 Konto pingarneq 30.10.45 Meeqqat inuusuttullu immikkut ittumik suliniuteqarfigineqarnerat

a) *Kotomut pingarnermut matumunga atasumik oqaasertaliussaqqarpoq, tassani Naalackersuisut annikinnerusumik atuinerup ukiup tullianut nuunneqarnissaanut piginnaatinneqarlutik. Aningaasaliissutinit amerlanerpaamik 3.000.000 kr.-t nuunneqarsinnaapput. Nuussinerup Aningaasaqarnermut Akileraartarnermullu Ataatsimiititaliap siumoortumik akuersineratigut pisarnissaa ilanngunneqassasq ataatsimiititaliamit kissaatigineqarpoq. Ataatsimiititaliap naatsorsuutigaa siunnersuutip aappassaaneerqarneranut imaluunniit pingajussaaneerqarneranut atatillugu tamanna pillugu Naalackersuisut allannguutissamik siunnersuuteqassasut.*

Akissut:

Apeqqut 5.1 b-mut akissutigineqartumut innersuussisoqarpoq.

b) *Inersimasunut meeqqanullu katsorsaaniikkut suliniutinut suliassami kisitsisit ataatsimiititaliamit ujartorneqarput.*

Akissut:

a) Inersimasut atornerlunneqarsimanermikkut kingusissukkat malitseqartitsisunut angalaqatigiit manna tikillugu suliassani kisitsisit uku atorsimavaat:

Illoqarfik	Katsorsorneqartut
Aasiaat	25
Sisimiut	46
Upernavik	21
Qasigianniguit	28
Uummannaq	52
Qaqortoq	50
Qeqertarsuaq	49
Maniitsoq	38
Paamiut	20
Tasiilaq siullermik	26
Ilulissat	25
Kullorsuaq	26
Nuuk	200
Atammik	28
Tasiilaq aappassaannik	20
Katillugit	654

Meeqqanik kinguaassiutitigut atornerlugaasimasunik katsorsaasartut angalaqatigiit manna tikillugut illoqarfiit arfineq marluk nunaqarfillu ataaseq tikissimavaat: Qeqertarsuaq, Upernavik, Ilulissat, Uummannaq, Maniitsoq, Qaqortoq, Tasiilaq aamma Kullorsuaq.

Angalaqatigiinnut taakkununga sulianut kisitsisit allat maannakkut suliarineqarput, taamaattumik katsorsaanerit il. il. amerlassusaat pillugit takussutissiaq nassiunneqarsinnaanani. Siunnersuutip aappassaaneernejarneranut imaluunniit pingajussaaneernejarneranut atatillugu, tamanna ajornanngippat, suliani kisitsisit ilanngunneqarumaarput.

c) *Isummiussanik allanngortitsiniarluni suliniuteqarneq NAKUUSA-mut aningaasanik immikkoortitsinissamut piumasaqaatit suut atornejartarnersut paasissutissiisutiginEQassasoq ataatsimiititaliamit kissaatigineqarpoq.*

Akissut:

Aningaasat immikkoortinneqarsimasut atornejarnissaannut pingaarnertut piumasaqaat tassaavoq NP Meeqqat pillugit isumaqatigiissummut ilisimanninnerup siaruarternissaa.

d) *Arnanut meeralinnut persuttagaasimasunut nuna tamakkerlugu qimarnguiullunilu katsorsaavimmuut tunngatillugu suliniutit suut pingaarnersiuiernermit peernejarsimanersut kontonulluunniit allamut nuunneqarsimanersut paasissutissiisutiginEQassasoq ataatsimiititaliamit kissaatigineqarpoq. Pinaveersaartitsinerit siusissukkullu iliuuseqarnerit qanoq ilusillit atornejarpat?*

Akissut:

Suliniuteqanngilaq pingaarnersiuiernermit peernejarsimasunik imaluunniit kontonut allanut nuunneqarsimasunik.

Illernit tassaavoq nuna tamakkerlugu qimarnguik katsorsaavillu, arnanik meeraqartunik persuttagaasimasunik katsorsaasartuq. Illernit katsorsaaviummat pitsaaliuinermik suliniutinik suliaqartoqanngilaq.

e) 2018-imi aningaasanut inatsimmi 17.330.000 kr.-t AI 2017-ip ataani ilanngaaseereerluni aningaasartuutitut allassimapput. AIS 2019-imi matumani ukiup taassuma ataani 22.430.000 kr.-t ilanngaaseereerluni aningaasartuutitut allassimapput. Pissutsit taamaannerat sumik pissuteqarpa?

Akissut:

2017-imi immikkoortumut ilassutitut aningaasaliissutit marluusimapput, tak. Aningaasaqarnermut Akileraartarnermullu Ataatsimiititaliap aalajangiinera 20.03.2017-imeersoq suliaq nr. 17-747 aamma aalajangiineq 20.12.2017-imeersoq suliaq nr. 17-783. Aningaasaliissutit 3.000.000 kr.-upput aamma 2.100.000 kr.-upput. Aningaasaliinerit 3.000.000 kr.-upput aamma 2.100.000 kr.-ullutik. Aningaasaliissutit 20.03.2017-imeersut 3.000.000 kr.-t meeqqanut inuusuttunullu atugarliortunut taakkulu ilaqutaannut naleqqiullugu sumiiffinni pitsaaliuilluni suliniutit nukittorsarneqarnissaat siunertaralugu ilaqutariinnik katsorsaavinnut tapiissutaaqqittut tapiissutigineqarput. Aningaasaliissutit 20.12.2017-imeersut 2.100.000 kr.-t Kommuniq Qeqertallip aamma Avannaata Kommuniata pilersinneqarnerinut atatillugu meeqqanut inuusuttunullu suliassaqarfimmi immikkut ittumik suliniutitut tunniunneqarput. Suliniuteqarneq meeqqanut inuusuttunullu tunngatinneqarneruvoq, tassani aningaasaliissutit kommunini nutaani marlunni sanileqarluni ilinniartitsinerit iluaqutaasussat, suliassat pilerseqqinnerinut, kiisalu nalinginnaasumik annertunerusumik siunnersuinerit pilersaarusiortnerit atorineqarsimallutik, tassami Qaasuitsup marlungorluni avinneqarnerani kommunini nutaani aaqqissuusaaqarnermik allannguinermik ingerlatsisoqarsimanerani kinguneqarsimallutik.

7.9 Konto pingaarnaq 30.11.10 Ineqarnermut tapiissutit

a) *Ineqarnermut tapiissutinik aaqqissuusseqqinnissaq taaneqartoq itisilerneqassasoq ataatsimiititaliamit kissaatigineqarpoq.*

Akissut:

Siusinnerusukkut ineqarnermut tapiissutit pillugit malittarisassat arlalinnik sunniiveqatigiittunik ajornartorsiuteqarsimapput, ilaatigut Akileraartarnermut Atugarissaarnermullu ataatsimiititaliarsuarmit uparuarneqartunik. Malittarisassat kingunerisaannik isertitaq qaffariarnerinut atatillugu aningaasanik annikinnerusumik innuttaasut atugassaqalersinnaallutik. Ineqarnermut tapiissutit taamaalillutik isertitat qaffakkiartornerannut naleqqiullugu aningaasanik amerlanerusunik ikilineqartarlutik, tamannalu Akileraartarnermut Atugarissaarnermullu ataatsimiititaliarsuarmit tulluannigitsut uparuarneqarluni, tassa innuttaasut, assersuutigalugu tiimini amerlanerusuni sulilerusuttut taamaalillutik aningaasaqarnikkut pillagaasarlutik. Isertitat qaffannerini ineqarnermut tapiissutit ikilisikkiartorneri nutarterinermit allanngortinneqarput, taamaalilluni isertitat qaffatsinnissaat tamatigut imminut akilersinnaalerluni.

b) *Ineqarnermut nammineq akileeqataassutissat naatsorsorneqarneranni maanna isertitat atorineqartalerterat qanoq sunniuteqarsimava?*

Akissut:

Innuttaasumut ineqarnermut tapiissutit innuttaasup ullumikkut aningaasaqarnikkut inissisimaneranut pitsaanerisumik naapertuunnerulerput tamatumalu kinguneralugu isertitat ikileriarnerni innuttaasoq sukkanerusumik qaffasinnerusunik ineqarnermut

tapiissutisisinnaalluni. Ullumikkut isertitanut ikaarsaarneq aamma ineqarnermut tapiissutinik atuinermi appariarnermik kinguneqarpoq. Tamatumunnga pissutaavoq innuttaasut akissarsiaat ukiut tamaasa qaffakkiartorneri aningaasat naleerukkiartorneri aningaasarsiornikkullu pissutsit allanngorarnerat pissutigalugit, kisianni ineqarnermut tapiissutit ikiliskkiartornissaannut siusinnerusukku killiliussat allanngorneq ajorsimallutik.

Ullumikkut isertitanut ikaarsaarnermi kommunit nutaajunerusunik taamaalillunilu aamma qaffasinnerusunik isertitatigut kisitsisinik pissarsisartut, akileraarutaasussanik isertitat ukiunik arlalinnik pisoqaassuseqarsinnaasut atorneqarnerinut naleqqiullugu, Akileraaruserneqartussat isertitat appasinnerusut pinnagit ullumikkut isertitat qaffasinnerusut tunuliaqutaralugit kommunit ineqarnermut tapiissutinik naatsorsuippata ineqarnermut tapiissutit innuttaasunik pissarsiarineqarsinnaasut ikilissapput.

Ineqarnermut tapiissutit nutarterneqarnerannili aalajangiisoqarpoq siunissami ukiukkaartumik ikilissinnaannut killiliussat iluarsineqartassasut, taamaalilluni innuttaasut ajornartorsiummik taassuminnga misigisaqartarunnaarlutik. Aamma 7.6-imut akissut takuuk.

Suliat naammagittaalliuutaasut amerlassusaat qaffapput, tassa kommunit malillugit innuttaasut ullumikkut isertitat katitigaanerannik paasinninnissaannik ajornartorsiuteqarmata.

c) *Aningaasaliissutit ikilinerannut suna pissutaava?*

Akissut:

Kontomi pingaarnermi 2017-imi annertuumik annikinnerusunik atuisoqarsimavoq. 2017-imi atuneq aamma 2018-imi ingerlaavartumik naatsorsuutini kisitsisit tunuliaqutaralugit Naalakkersuisut aningaasaliissutinik iluarsisimapput taamaalillutik atuinissamut naatsorsuutigisamut tulluarnerulerlutik.

7.10 Konto pingaarneq 30.12.08 Utoqqalinermi pensionisiat

Kommunit aningaasartuutaasa 90 %-iinik utertitsisarnermik aqqissuussineq kommuninut siunertaanngitsumik sunniuteqarsinnaava?

Akissut:

Aallaaviatigut inatsisit tunngavigalugit aningaasartuuteqarfiusunut kommuninut tamatigut annertuumik utertitsisoqartarpoq, kommunit aningaasartuutit qaffasissusiinut sunniuteqarnatik. Kommunit utoqqalinersiutini aningaasartuutit qaffasissusiinut sunniuteqarnissamut periarfissaqanngillat, tassa 65-it sinnerlugit ukiullit innuttaasut amerlassusaannik aqutsinnaannginnamik. Utoqqalinersiutinik utertitsisarnermik procenti qaffasissuq taamaattumik kommunit aningaasaqarnikut aqutsinermi tunngaviinut nalinginnaasunut naapertuupput utertitsisarnermilu procenti qaffasissuq siunertaanngitsumik sunniuteqarnera nalilerneqarnani.

7.11 Konto pingaarneq 30.12.09 Siusinaartumik pensionisiat

a) *Siusinaartumik pensionisijaqartitsinermik aqqissuussinerup kommuninit assigiinngitsumik atorneqarneranut suna pissutaasinnaava?*

Assigiinngissuteqarnerujussua assigiinngitsumik siunnersuisoqarsimaneranut takussutissaasinnaava?

Akissut:

Sulinermi nalilersuinermi suliap ingerlanerani alloriarnerit tamaasa qanoq passunnissaannut kommuninut ilitsersuusiortoqarsimavoq. Tassani ilaatigut kommunimit naatsorsuutigineqartoq innuttaasunik sutigut siunnersuisoqarnissaa aalajangersarneqarpoq. Ilitsersuummi allanneqarsimapput siusinaartumik pensionisianik qinnuteqarnerit nalilersuinerillu suliarinissaat pillugu suliat ingerlanneqarnissaat. Peqatigisaanik siusinaartumik pensionisiat pillugit sulianik suliarinninnermut tunngatillugu kommunini sulianik suliarinnittunut, suliatigut pisortanut il. il. pikkorissaasoqartarpoq. Tamatuma sulianik suliarinninnermi kommunini tamani assigiiaarneq pitsaassuserlu qulakkiissavaa. Ilitsersuutininik taakkuninnga kommunit qanoq annertutigisumik malinninersut taamaalillunilu assigiiaartumik kiffartuussinersut maannakkut ilisimaneqanngilaq. Aamma nutarterinermik kommunit qanoq annertutigisumik passussinersut imaluunniit sulisunik amerlanernik atorfinitsisisimanersut ilisimaneqanngilaq. Qulaani taaneqartup nalilersuinerup tamanna qulaajassavaa. Nutarterineq siunertaq naapertorlugu ingerlanneqarnera qulakkeerniarlugu suli allanik suliniutinik pisariaqartitsisoqarneranik nalilersuinissamut nalilersuineq tunngavigineqassaaq.

b) *Siusinaartumik pensionisiaqartitsinermik aaqqissuusseqqinneq sunniuteqarsimava?*

Akissut:

Siusinaartumik pensionisiatigut nutarterinermi siunertaq tassaasimavoq ikaarsaarnermi aaqqissuusinnermi 60-it inorlugit ukioqartut tamarmik nalilersorneqarnissaat, siusinaartumik pensionisiaqartut amerlanerusut suliffeqarfinnut qaninnerulersinnissaat siunertaralugu. Isumaginninnermut Naalakkersuisoqarfik 2016-2017-imut paasissutissanik taamaallaat pigisaqarpoq.

Ulloq 1. december 2017-imi malittarisassat nutaat atuutilerneranniit ukiup affaata qaangiunnerani katillugit siusinaartumik pensionisiaqartut 2.426-iupput (takuuk tabel qupperneq 4-imi). Taakkunanga katillugit siusinaartumik pensionisiaqartut 1.164-it malittarisassat nutaat malillugit nalilersuiffigineqarsimapput, tassa 48 %-it. Taakku saniatigut siusinaartumik pensionisiaqartut 357-it, tassa 14 %-it, 60+ aaqqissuusinnermiippat taamaattumillu qaffasissumik ukioqarnertik pissutigalugu nalilersuiffigeqqinneqartussaanaatik. Siusinaartumik pensionisiaqartut 905-it, tassa 38 %-it, malittarisassat nutaat malillugit nalilersuiffigeqqinneqarnissartik amigaatigaat.

2017-ip naanerani siusinaartumik pensionisiaqartut marluinnaat akunnattumik siusinaartumik pensionisiaqartut sulilersinnissaat iluatsinneqarpoq. Taakku saniatigut utoqqalinersiutillit 40-it akunnattumik imaluunniit appasinnerpaamik siusinaartumik pensionisiaqartussatut nalilerneqarsimasut killeqartumik suliffissamik neqeroorfigineqarput. Innuttaasut suliffeqarfimmut qaninnerulersinnissaannut anguniakkamut atatillugu nutarterineq 2017-ip naanerani innuttaasut ikitsuinnaat siusinaartumik pensionisianut akunnattumik appasinnerpaamullu nalilerneqarput. Naalakkersuisoqarfiulli ilisimavaa nalileeqqinnermut atatillugu siusinaartumik pensionisiaqartunik suliffimmi nalinginnaasumi suliffeqarfinnut uteqqissimasunik taamaalillutillu siusinaartumik pensionisiaqartarneq qimassimallugu. Taakku qassiunersut suli ilisimaneqanngillat.

Tabeli. Siusinaartumik pensionisiallit naliliiffiqinnerini killiffik

Kommunit katillugit 2017	1. jan.	1. apr.	1. juuli	1. okt.	1. dec.
Siusinaartumik pensionisiat appasinnerpaat	0	0	0	0	0
Siusinaartumik pensionisiat akunnattut	2	2	2	2	2
Annerpaamik siusinaartumik pensionisiarineqarsinnaasut	100	115	168	168	181
Annerpaamik siusinaartumik pensionisiarineqarsinnaasut, utaqqiisaasumik, killeqartumik suliffiusumik utaqqisut	24	26	32	40	40
Paaqqinniffimmi najugaqartut	149	153	153	148	154
Annerpaamik siusinaartumik pensionisiarineqarsinnaasut 60-it sinnerlugit ukiullit	397	389	373	363	357
Ikaarsaariarnermut aaqqissuussineq	1222	1183	1041	920	905
Annerpaamik siusinaartumik pensionisiarineqarsinnaasut, sulisinnaassuseqanngitsut, sulisinnaanerannik naliliiffiqinnerisimangitsut	499	523	647	775	787
Katillugit	2.393	2.391	2.416	2.416	2.426

Isumaginninnermut Inatsisinillu Atuutsitsinnermut Naalackersuisoqarfiup Aningaasaqarnermut Naalackersuisoqarfik aamma Suliffeqarnermut Aatsitassanullu Naalackersuisoqarfik suleqatigalugit naatsorsuutigaa siusinaartumik pensionisiaqarnermik nutarterineq aamma majoriamik itinerusumik nalilersuisoqassasoq. Tassani ilaatigut siusinaartumik pensionisiatigut nutarterinerup suliffinnillu tulluarsakkanik aaqqissuussinermi killiffik sunniutillu sunaanersut qulaajarneqassallutik. Taakku saniatigut nalilersuinnermi aaqqissuussinernik kommunit piviusumik passussinerannik itinerusumik misissuisoqassaaq.

c) *Kommunini sulianik ingerlatsisunut aningaasat immikkut immikkoortitat sulianik ingerlatsisunik amerlanerusunik atorfinitsitsisoqarneranik kinguneqarsimappat?*

Akissut:

Apequt a)-mut akissut takuuk.

d1) *Piginnaasat suut pisariaqartinneqarnermut aammalu siunnersuineq qanoq ittoq kissaatigineqarnermaq pillugit piunasaqaatinik aalajangersaasoqarsimava?*

Akissut:

Apeqquut a)-mut akissut takuuk.

d2) *AI 2017-ip aammalu AI 2018-ip akornanni aningaasaliissutit amerleriaataat sumut atorneqarsimappat?*

Akissut:

Aningaasaliissutit qaffasinnerusut siusinaartumik pensioninik tunniussinermut atorneqarsimapput. Atuinerup qaffasinneruneranut ilaatigut pissutaavoq tunngaviusumik pensioninut aapparisaq/inooqataasup isertitaasa apeqquutaajunnaarnerisa malitsigaa, taamaallaalli siusinaartumik pensionisiaqartup pensionit saniatigut nammineq isertitai apeqquutaalerlutik.

e) *Kommunini assigiinngitsuni innuttaasunut sullississutitut neqeroorutigineqartut pitsaassusaannik assigiisaarinissaq suliniutigineqarsimava?*

Akissut:

Apeqquut a)-mut akissut takuuk.

f) *Aaqqissuussinerit amerlanersaat aningaasartuuteqarfiusimapput. Ilisimasat aaqqissuusseqqinnermillu suliniutit assigiiaartumik pitsaassuseqarnissaat, atuutsinneqalernissaat il. il. qanoq qulakkeerneqartarpa? Aaqqissuusseqqittoqalernera eqqarsaatigalugu tamanna pitsaanerpaamik ingerlasariaqarpoq kissaatigineqartunillu sunniuteqarluni.*

Akissut:

Apeqquut a)-mut akissut takuuk.

g) *Piginnaanngorsaaqqinneq aammalu tulluarsakkanik suliffeqarsinnaaneq pillugu inatsisissat kinguartooqqapput. Amerlanerit sulilernissaat pingaaruteqarpoq. Malitsitut inatsisit qaqugu piareernissaat Naalakkersuisunit naatsorsuutigineqarpa?*

Akissut:

Siusinaartumik pensionisiaqarnermik nutarterinermik nalilersuinerit atasumik sulisinnaalersitseqqinniaanermik killeqartumillu suliffinnik tulluarsakkanik aaqqissuussineq pillugu apeqquut qaqinneqarumaarpoq, tassunga ilanngullugu malittarisassanut atuuttunut naleqqiullugu inatsisip allanngortinneqarnissaanut pisariaqartitsisoqarnermaq.

h) *Siusinaartumik pensionisiallit sulisinnaassuseqartut maleruagassanit sukangasunit unitsinneqaratik piginnaasaminnik atorluaasinnaasariaqarput. Inuit assigiinngitsunik sulisinnaassusillit naleqquttunik suliffittaartinniarlugit qanoq sulisoqarpa? Suliffinnut tulluarsakkanut aamma tamanna atuuppoq?*

Akissut:

Apeqquut b)-mut akissut takuuk.

i) *Nalilersueqqinnerit qassit maannamut ingerlanneqarsimappat? Suliaq tamanna sumut killippa? Suliffiit tulluarsakkat pillugit aaqqissuussineq sumut killippa?*

Akissut:

Apeqqu b)-mut akissut takuuk.

7.12 Konto pingaarneq 30.13.41 Innarluutilinnut angerlarsimaffiit

a) *Sungiusarfik Ikinngummut Naalackersuisut qanoq pilersaaruteqarpat?*

Akissut:

Sungiusarfik Ikinngummut taartaasussamik paaqqinniffimmik nutaamik sanaartortoqarnissaanik pilersaaruteqanngilaq. Tamatuma saniatigut 7.4 b)-mut akissut takuuk.

b) *Inissiisarnerit ikilisinniarlugit suliniarneq qanoq ingerlava?*

Akissut:

Kalaallit Nunaata avataani inissiisarnerit sapinngisamik ikitsuutinnissaannut Naalackersuisut sulipput. Kalaallit Nunaata avataani inissiisarnernik ingerlaavartumik ikilisitsiniaasoqarpoq. Inissiinernut apeqqutaasarpoq innarluutip qanoq annertutiginera. Kalaallit Nunaata avataani inissiinerit tamarnik utaqqiisaajugallarput.

c) *Innarluutit assigiinngitsut pillugit ilisimasanik katersineq, suliarinninneq ingerlatitseqqinnerlu qanoq ingerlava?*

Akissut:

Pissassarfiup ammarneqarnerata kingorna ukioq manna ingerlatsineq kinguaattoorsimavoq. Innarluutit assigiinngitsut pillugit ilisimasat ingerlateqqinneqarsinnaaneri siunertaralugu ilisimasanik katersilluni suliarinnillunilu sulineq siumut ingerlavoq aamma kommunit suleqatigalugit ingerlanneqarluni.

d) *Annertuumik innarluutillit suliffeqarnermut akuulersinniarnissaat qanoq siuarsarneqarsinnaava?*

Akissut:

Isumaginninnermut Aqutsisoqarfik naliliivoq kommunip sumiiffimmilu inuussutissarsiortut akornanni suleqatigiinneq amerlasuunik innarluutillit amerlanerusut suliffeqarfinnut appakaassinnaanernut periarfissaqalernissaannut iluaqutaajumaartoq.

e) *Innarluutilinnut angerlarsimaffiit illutaasa aserfallatsaalineqarnerat qanoq ippa?*

Akissut:

Aserfallatsaaliuinerit najugaqartunut sulisunut peqqinnartumik sinaakkuserneqarnissaasa qulakkeerneqarnissaannut nalinginnaasumik naammattarput. Illulli sumiiffinni arlalinni pisoqaapput tulluanngitsumillu aaqqissugaallutik. Taamaattumik aningaasanut inatsimmi konto 83.30.13-imi maannakkut pilersaarutit pingasuupput allannortiterinermut imaluunniit innarluutilinnik paaqqinniffinnik pioreersunik nutaanik sanaartoqqinnernut tunngasut.

7.13 Konto pingaarneq 30.13.43 Pissassarfik

Pissassarfinnut innersuussisarnerit amerlassusaat naatsorsuutigisat malillugit ineriartorpat?

Akissut:

Pissassarfik paaqqinniffinnut innersuussineq ajorpoq, kommunilli Pissassarfimmu innersuussinissamut periarfissaqarlutik. Innuttaasunik innarluuteqartunik aserfallatsaaliilluni sungiusarnissamut innersuunneqartut ilimagisaq malillugu ingerlapput. Taakku saniatigut Pissassarfik suliatigut ilitersuussinermik siunnersuinermillu, atuartitsinermik pikkorissartitsinermillu il. il. neqerooruteqartarpoq, tamannalu aamma ilimagisat malillugit ingerlalluni.

7.14 Konto pingaarneq 30.14.29 Isumaginninnermi suliniutit

a) *Illoqarfiit suut qimarngueqarpat suullu peqanngillat?*

Akissut:

Illoqarfinni ukunani qimarngueqarpoq: Ilulissat, Qeqertarsuaq (taaneqartoq nuna tamakkerlugu qimarnguik, Illernit), Aasiaat, Kangaatsiaq, Nuuk, Paamiut, Qaqortoq, Narsaq aamma Tasiilaq. Illoqarfinni allani qimarngueqanngilaq, tassunga ilanngullugu Sisimiuni peqarnani, nunami illoqarfiit annersaasa tulliani.

b) *Nunatsinni tamarmi qimarnguinnik pilersitsinissaq qanoq qulakkeerneqarsinnaava?*

Akissut:

Qimarnguiviup Illernit katsorsaariaasiannik Naalakkersuisut pitsaasunik misilittagaqarput. Tassani arnat persuttagaasimasut meeqqatik ilagalugit katsorsarneqartarput kiisalu toqqissimanartumik ineriartorfiusunillu sinaakkutini ilaqtariinni peqqissunik pilersitsinissaq siunertaralugu siunnersorneqarlutillu ilitersuunneqartarlutik. Illernini katsorsaariaaseq kommunini ataasiakkani nuna tamakkerlugu atuutsilersinneqarsinnaavoq. Tamanna ilaatigut aqqissugaanerit pioreersut aallaavigalugit pisinnaavoq soorlu meeqqanik ilaqtariinnillu katsorsaavinni, najugaqarfinnik amerlanernik suliatigullu katersuuffiusunik pilersitsisoqarneratigut. Aaqqiineq alla tassaasinnaavoq nunap immikkoortuini qimarnguinnik pilersitsineq, kommuni ilaani immikkoortunut imaluunniit kommunimut tamarmut qimarnguinni inissanik pisariaqartinneqartunik matussusiinissamik suliassaqartunik. Kalaallit Nunatta immikkoortuni tamani qimarnguinni inissat qulakkeerneqassappata iluaqutaasumik piunasaqaatigineqarsinnaavoq angutunut arnanullu pisariaqartitsisunut qimarnguinni inissanik qulakkeerininnissamut kommunit tamarmik akisussaaffeqassasut. Nunap immikkoortuini qimarnguinnik kommuninit ingerlanneqartunik pilersitsinikkut Isumaginninnermut Aqutsisoqarfik naliliivoq qimarnguinni inissat tamatuma amerlisissinnaagai peqatigisaanillu illugiimmik siunnersuinermut, misilittakkanik periutsinillu paarlaasseqatigiinnissamut periarfissiisoqarluni kiisalu sullinniakkat pillugit ilisimasat katersorneqarneri pitsaanerulerluni.

c) *Kotomut pingaarnermut matumunga atasumik oqaasertaliussaqarpoq, tassani, Naalakkersuisut annikinnerusumik atuinerup ukiup tullianut nuunneqarnissaanut piginnaatinneqarlutik. Aningaasaliissutinik amerlanerpaamik 3.000.000 kr.-t nuunneqarsinnaapput. Nuussinerup Aningaasaqarnermut*

Akilerartarnermullu Ataatsimiititaliap siumoortumik akuersineratigut pisarnissaa ilanngunneqassasoq ataatsimiititaliamit kissaatigineqarpoq. Ataatsimiititaliap naatsorsuutigaa siunnersuutip aappassaaneernejarneranut imaluunniit pingajussaaneernejarneranut atatillugu tamanna pillugu Naalakkersuisut allannguutissamik siunnersuuteqassasut.

Akissut:

Apeqqut 5.1 b-mut akissutigineqartumut innersuussisoqarpoq.

7.15 Konto pingarneq 30.14.31 Meeqqat pisinnaatitaaffii pillugit suliffik

a) *Aningaasaliissutit atorneqarnerannut suliassami kisitsisit ataatsimiititaliamit amigaatigineqarput.*

Akissut:

Tulliupput 2017-imut aningaasaliissutit atorneqarnerinut kisitsisit naatsorsuutigineqartut.

Isertitat	N2017
Aningaasanut inatsimmi	-6.096.000
Isertitat allat	-43.000
Sulisunut aningaasartuutit	3.118.000
Aningaasartuutit allat	2.513.000
Oqimaaqatigiissitsineq	508.000

Ingerlatat pillugit ingerlatanut kisitsisit sukumiisut eqqarsaatigalugit Miop nittartagaani www.mio.gl-imi ukiumut nalunaarusianut innersuussisoqarpoq.

2017-imiit ukiumut nalunaarusiaq maannakkut suli naammassineqanngilaq, taanna suli kukkunersiuisumiimmat. Nalunaarusiaq maannakkut naatsorsuutigineqarpoq qaammatip ataatsip ingerlanerani tamanut saqqummiunneqarsinnaassasoq.

b) *Ilanngaaseereerluni aningaasartuutit suuppat?*

Akissut:

Aningaasartuutini annersaasoq tassaavoq paaqqinniffimmi sulisunut akissarsianut aningaasartuutit. "Allatigut aningaasartuutiniippat" nakkutiginninnermik misissuinernullu atatillugu suliffimmut atatillugu angalanernut aningaasartuutit. Taassuma ataaniippat meeqqanut atuakkat, nalunaarusiat, kaammattuutit, nittartakkat assigisaallu aqqutigalugit ilisimasanik avitseqatigiinnermi pilersaarutit, meeqqat paasiniaaffiit aqqutigalugit misissuinerit, meeqqat pisinnaatitaaffiinut attuisunik pissutsinik assigiinngitsunik misissuinerit annertunerusut assersuutigalugu siunnersortit avataaneersut suliarisaat. Kiisalu aamma ininut aningaasartuutit, naatsorsuusiorneq, allaffimmi aningaasartuutit assigisaallu allaffimmik ulluinnarni ingerlatsinermut tunngasut.

7.16 Konto pingarneq 30.30.04 Innarluutillit Illersuisuat

a) *Aningaasaliissutit atorneqarnerannut suliassami kisitsisit ataatsimiititaliamit amigaatigineqarput.*

Akissut:

Tulliuttumi takuneqarsinnaapput 2018 pillugu ingerlatanut kisitsisit naatsorsuutigineqartut. Innarluutillit Illersuisuat aatsaat 2017-ip naanerani toqqarneqarmat sulilermallu N2017-imut ingerlatanut kisitsisit eqqortumik takutitsissanngillat.

Suliassami kisitsisissatut	AI 2018
Aningaasanut inatsimmi	-2.500.000
Ingerlatsineq akissarsiallu	2.100.000
Attaveqaqatigiinneq pilersaarutillu	200.000
Pikkorissarneq ataatsimeersuarnerillu	20.000
Ilisimasassarsiorluni angalanerit	40.000
Atorfinitsitsinerit	90.000
Aallartisarneq	50.000
Katillugit	2500.000

b) *Ilanngaaseereerluni aningaasartuutit suuppat?*

Akissut:

Ilanngaaseereerluni aningaasartuutit tasaanerupput ingerlatsineq akissarsiallu kiisalu aallartisarnermut atasut aningaasartuutit. Tulliullutik tassaapput attaveqaqatigiinneq, pilersaarutit angalanerillu.

c) *Innarluutilinnut Illersuisoqarfup Tiliup aningaasaliissutinut kissaatit qanoq ittut Naalakkersuisunut nassiuppai?*

Akissut:

Tilioq AIS2019-imut atatillugu 2,5 mio.-init 4,5 mio.-inut aningaasanut inatsimmi aningaasaliissutit qaffanneqarnissaat pillugu Naalakkersuisunut noqqaassummik nassiussimavoq. Aningaasanut inatsisissamut siunnersuutip aappasaaneernissaata pingajussaaneernissaatalu tungaanut tamanna Naalakkersuisut eqqarsaatigissavaat, tassa taamatut annertutigisumik aningaasaliissutinik qaffaaneq soorunami illersuisup sunik suliaqarnissaanik siumoortumik paasisaqarnissamik tunngaveqassammat mannaluni tikillugu aningaasartuutigisimasanik nalilersuisoqarluni. Sulineq tamanna ingerlavoq.

8. Suliassaqarfik 34 – 35 Peqqissutsimut Ilisimatusarnermullu Naalakkersuisoq

8.1 Konto pingarneq 34.01.02 Napparsimasunut taarsiissutit

a) *Peqqinnissaqarfimmi naammagittaalliutinik aqutsinerup misissorneqarnissaa pisariaqartinneqarpoq?*

Akissut:

Napparsimasut naammagittaalliuteqarnerisigut taarsiissutissat pillugit sulianik suliarinninnermi peqataasorpasut aqqusaarneqartarput, taamaattumik pissusissamisoortumik suleriaatsimut eqaannerusumut periarfissaqarpoq. Peqqissutsimut Naalakkersuisoqarfik pilersaarummik aallartisisimavoq, tassani takuneqarsinnaalluni naammagittaalliutinik aamma taarsiissuteqarnissamut sulineq tamarmi takuneqarsinnaalluni, tassunga ilanngullugu pisariinnerulersinneqarsinnaanersoq.

b) *Taarsiissuteqarnissamut piumasaqaatit suut atorineqartarpat?*

Akissut:

Taarsiissummi pissarsinissamut inatsisitigut piumasaqaatit nalinginnaasut naammassineqarsimassapput. Tassa imaappoq ilaatigut akisussaannermut tunngaveqassaaq, pissutaasut ataqatigiissallutik, naatsorsuutigineqarsinnaassusia aamma annaasaq.

c) *Napparsimasunut ilitseruinissamut periarfissat qanoq ippat?*

Akissut:

Naammagittaalliuuteqarnissamut periarfissat pillugu ilitseruut peqqik.gl-imi nassaarineqarsinnaavoq. Aammattaaq suliap suliarinerata ingerlanerani napparsimasut ilitseruunneqarnissaat siunertaralugu napparsimasunut ilitseruussisussamik atorfinitsitsisoqarsimavoq, tassunga ilanngullugu taarsiissutissat pillugit naammagittaalliuutit. Tamatuma saniatigut Peqqissutsimut Pitsaaliuiner Mullu Aqutsisoqarfik aamma Nakorsaaneqarfik innuttaasoq saaffiginnikkaangat ilitseruussisarlutik.

d) *Aningaasaliissutit amerleriarnernunut suna pissutaava?*

Akissut:

Amerleriarnerninut pissutaanerupput suliat aalajangersimasut, aningaasat taarsiissutaasussat siusinnerusumut naleqqiullutik malunnartumik qaffasinnerusimallutik. 2016-imi pingaartumillu 2017-imi taarsiissuteqarnikkut akisusimapput, amerlassusii pissutiginaqit kisianni annertussusai pissutigalugit. 2018-imi oktoberip qiteqqinnerani pissusiusimasoq ukioq manna ingerlaqqinngitsutut isikkoqarpoq.

Taarsiissutit pillugit suliat amerlassusissaasa siuliuttuutiginissaat ajornakusoorpoq, soorlu aamma taarsiissutit annertussusaat suliamiit suliamut ukiumiillu ukiumut annertuumik allangorartut. Pissutsini allani eqqaaneqarsinnaapput pissutsini suni katsorsaasoqarsimanersoq, aarlerinartut, sulisoqarnikkullu inissisimanerit il. il.

8.2 Konto pingaarneq 34.10.01 Peqqissutsimut Pitsaaliuiner Mullu Aqutsisoqarfik

Peqqissutsimut suliaasaqarfimmi digitaliseeriinermut periuseq nutartigaq Naalakkersuisunit qanoq qulakkeerneqassava?

Akissut:

Peqqissutsimut suliaasaqarfimmut ilaavoq nuna tamakkerlugu digitalinnngorsaanermi 2018-2021-imut periusissiami nutaami sammisat arfernat, "Inuiaqatigiit digitaliusut". Sammineqartut arlallit ilanngullugit, soorluttaaq ineriartortitsinerup ingerlannera aammalu elektronikkikkut napparsimasunik misissoriikkanik allattuiffiup (EPJ) annertunerusumik atulerneranut tele medicin atorlugu aaqqiinerit (soorlu Pipaluk) aammalu elektroniskiusumik pigaartunik pilersaarusiorneq.

(8.3 Konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit

a) *Tarnimikkut nappaatilinnut pinerluuteqarsimasunut eqqartuunneqarnerminnut atatillugu paaqqinnittarfimmiittunut aningaasartuutit amerliartornerat pissutigalugu aningaasaliissutit 20 mio.-it missaannik amerleriarsimasut ataatsimiititaliamit maluginiarneqarpoq. Tamanna pissutigalugu konto pingaarneq siunertamut tassungaannaq 2019-imit 12,0 mio. kr.-nit qaffaavigineqarpoq. Suliassami kisitsisit pillugit takussutissiaq ilanngunneqartoq tamakkiisuusutut ataatsimiititaliamit isigineqarunnaarpoq. Tarnimikkut nappaatilinnut eqqartuunneqarsimasunut suliassaqarfimmi sooq taama annertutigisumik qaffariartoqarnera soq paasissutissiissutigineqassasoq ataatsimiititaliamit kissaatigineqarpoq. Tassunga atatillugu tarnimikkut nappaatilinnut eqqartuunneqarsimasunut suliassaqarfimmut suliassami kisitsisit immikkut takussutissianngorlugit inissinneqarnissaat ataatsimiititaliamit kissaatigineqarpoq. Inissinneqarnissamik aammalu katsorsarneqarnissamik eqqartuunneqarsimasut amerlassusiat kiisalu taakkununnga aningaasartuutit takussutissiami takutinneqassapput.*

Akissut:

Konto 34.11.02-miippat napparsimasunut assigiinnigitsunut marlunnut taakkununnga aningaasartuutit:

- R3-mi tarnimikkut nappaatillit eqqartuunneqarsimasut assersuutigalugu
 - Inissinneqarnissamut eqqartuunneqartut
 - Angerlarsimaffiup avataani paarnaarussat
 - Tigummineqartussatut eqqartuunneqartut, Herstedvesterimiit katsorsagassanngorlugit nuunneqarsimasut
 - Katsorsagassanngorlugit eqqartuussinerit
- Tarnikkut nappaatillit imaluunniit silamikkut inortut, paaqqinniffimmi pillagaasussatut eqqartuunneqartut, assersuutigalugu inissiisarfimmi pillagaasinnaanngimmata.

Kingullertut taaneqartut peqqinnissaqarfiup allaavittut susassarinnilai. Eqqartuussut eqqartuussivimmi nalunaarutigineqarpat paaqqinniffimmik tulluurtumik nassaarnissamik isumaginninnermut aqutsisoqarfik suliassinneqartarpoq. Akiliinissamut pisussaaffik kisimi peqqinnissaqarfimmiippoq, tak. pinerluttulerinermi inatsit.

Ullumikkut kontop kontonut pingaarnernut marlunnut avinneqarnissaa eqqarsaatigineqarpoq. Ataaseq tarnimikkut nappaatilinnut eqqartuunneqarsimasunut ataaserlu paaqqinniffinnut inissinneqarsimasunut. Aammattaaq eqqarsaatigineqarpoq paaqqinniffinnut inissinneqarsimasut inatsisinut pituttugaasumik aningaasaliissutinngortinneqassanersut.

Soorlu tabelimit ataaniittumit takuneqarsinnaasoq paaqqinniffinni inissinneqarsimasunut naleqqiullugu konto 5 mio. kr.-t missaannik annikinaarlugu missingersuusiorneqareersimavoq.

t.Kr.	N2017	AI2018	AIS2019	UM 20	UM 21	UM 22
Tarnimikkut nappaatilit eqqartuunneqarsimasut	35.382	24.254	36.889	37	37	37
Paaqqinniffinnut inissinneqarsimasut	7.350	19.550	19.550	20	20	20
	42.732	43.804	56.439	56	57	57

Ineriartornissamat maannakkut naatsorsuutigineqartumut naleqqiullugu inissinneqarsimasunut tabeli. Taanna AIS 19-imut aningaasaliissutinut naapertuutinnigilaq. Peqqinnissaqarfiup ilisimareerpaa arlallit inissaminnik utaqqisut. Aningaasartuutitigut naatsorsuutigisani allanngornerit taakku illuatungilerniarlugit iluarsiinissat saqqummiunnissaat naatsorsuutigineqarpoq.

	N2017	AI2018	AIS2019
Inissinneqarsimasut amerlassusaat	6	9	11
Kr.-it t.kr.-ini	13.860	25.180	28.093

b) *Aningaasartuutit allat konto pingaarnemit matuminnga matussuserneqartartut pillugit ataatsimiititaliaq aamma taama kissaateqarpoq.*

Akissut a-p akineqarneranit takuneqarsinnaavoq.

c) *Tarnimikkut napparsimasunut eqqartuunneqarsimasunut aanngajaarniutinik atorneerluinerup kingunerinik eqqorneqarsimasunut aningaasaliissutit aamma atorneqarsinnaappat?*

Akissut:

Tarnimikkut napparsimasut eqqartuunneqarsimasut amerlanertigut atorneerluinermit katsorsagassanngorlugit eqqartuussaasarput, ilaatigut eqqartuussutip ilaatut, tassa marloqiusamik nappaateqaramik (tarnimikkut napparsimallutik aamma atorneerluisutut). Marloqiusamik nappaatilinnik ajornartorsiutaasoq tassaavoq nalinginnaasumik atorneerluisunut neqeroorummut ilaanissaasa sapernartarnera taamaattumillu immikkut neqeroorutitik neqeroorfigineqartarlutik assersuutigalugu R3-imi imaluunniit paaqqinniffimmi inissiffigisaanni.

d) *Uninnganernit taakkunannga misilittakkat katersorneqartarpat?*

Akissut:

Aap, ingerlaavartumik R3-mik oqaloqatiginnittoqartarpoq, misilittakkat il. il. nalilersorneqarlutik.

e) *Pinerluuteqarnissaq pinngitsoortinniarlugu suliani taakkunani pinaveersaartitsinermut suliniutit qanoq atorneqarsinnaappat?*

Akissut:

Amerlanertigut inuit pineqarput meeraanermi sumiginnagaasimasut, siusissukkut imigassanik kimittuumik ikiaroorartumillu ilisimasaqalersimasut siusissukkullu pinerluttunngorsimasut. Taamaattumik pitsaaliuinnermut kaammattuutigineqartoq tassaasarpog meeraaneranniit isumaginninnermi ataqatigiissarneqartumillu suliniutit annertusineqarnissaat kiisalu imigassamik kimittuumik ikiaroorartumillu atornerluinnermi ajornartorsiutit isiginiarneqarlutik.

f) *Tarnimikkut napparsimasunut eqqartuunneqarsimasunut suliaasaqarfimmi pissutsit atuuttut siunissamullu periarfissat Naalakkersuisunit qanoq isumaqarfigineqarpat?*

Akissut:

Meeqqani tarnikkut nappaatilinni, inersimasuni tarnikkut nappaatilinni napparsimasut aamma tarnimikkut napparsimasut eqqartuunneqarsimasut amerliartuinnarput, ineriartornerlu taanna immaqa siunissami inuiaqatigiinni ineriartorneq naapertorlugu ingerlassagunarlu.

Tigummineqartussat eqqartuunneqartunut paarnaarussivimmi matoqqasumi tarnikkut nappaatilinni tatisimanninnerup annertusinissaa naatsorsuutigineqarpoq.

R3-imi siniffitsigut inissat 1 november 2018-imit siniffinnut 18-init 16-inut allanngortinneqarpoq illunut nutaanut nuuttoqarnera pissutigalugu. Tamatuma aamma tarnikkut nappaateqartunut immikkoortotami tatisimanninneq annertunerulersissavaa.

Nuummi tarnikkut nappaatilinnut illu, 2022-p aallartinnerani neriunartumik naammassisussaq 16-inut siniffeqassaaq, ullumikkut aqqaneq marluusut. Aammattaaq pisariaqartitsineq naapertorlugu immikkoortunik matoqqasunik sananissamut periarfissat pitsaanerulissallutik.

g) Inuusuttunut, meeqqanut inersimasunullu sakkortuumik qisuariartartunut suliniutit qanoq ittut aallartinneqarsinnaappat?

Akissut:

Inuit avatangiisiminnut malugeqqusaartartut, tarnimikkut nappaateqanngitsut amerlanertigut sumiginnagaasimasarput taamaalillutillu tarnikkut nappaateqartutut suliaasaanatik, kisiannili isumaginninnermut oqartussanut suliaasaallutik. Meeqqat, inuusuttut inersimasullu taakku perorsaaniikkut suliniuteqarfigineqarnissamut, ulluinnarmik aqqissugaasumik, erseqqissumik sinaakkuserneqarnissamik isumassorneqarnissamillu atorfissaqartitsipput.

h) *Tarnikkut nappaatit ajornerulernissaat pinngitsoortinniarlugu pinaveersaartitsiniarluni suliniutit qanoq ittut ingerlanneqarniarpat aammalu taakkununga tunngatillugu pinerluuteqarnerit pinngitsoortinniarlugit qanoq suliniuteqartoqarniarpa?*

Akissut:

Akissut e-mut innersuussisoqarpoq. Kiisalu kommunit nalunaarutinut iliuuseqarnissaasa qulakkeerneqarnissanut pitsaaliulluni suliniutit eqqaaneqarsinnaalluni ilaqutariinnut tapersersuineq siusissukkullu suliniuteqarneq.

i) *Pinerlussimasunik inissiisarfimmi nutaami tarnimikkut napparsimasunik qulaajaanermut tunngatillugu Danmarkip Kalaallillu Nunaata akornanni akisussaaffik qanoq agguataagaava?*

Akissut:

Pinerlussimasunik inissiisarfimmi nutaami tarnimikkut napparsimasunik qulaajaanermut tunngasup akineqarnissaa Pinerluttunik Isumaginnittoqarfiup suliassaraa. Inissiisarfimmi paarineqartussatut eqqartuunneqarsimasunik peqqinnissaqarfimmit sullinneqarneri pillugu akiliinissamut pisussaaffik pillugu Inatsisunik Atuutsitsinermut ministereqarfik peqatigalugu qulaajaaneq suli ingerlanneqarpoq.

j) *Tarnikkut nappaatinut tunngatillugu sulisussarsiniartarnermi pissutsit qanoq ippat?*

Akissut:

Kalaallit Nunaanni Peqqinnissaqarfiup sinnera assigalugu tarnikkut nappaatit sulisunik aalajangersimasunik atorfiit inuttalerneqarnissaat annertuumik unamminarpoq, taamaattorli tarnikkut pissutsinik ilisimasalinnut atorfiit tamarmik inuttalerneqarsimallutik.

Assersuutigalugu maannakkut peqqissaasutut atorfiit aqqanillit, taakkunanga arfineq marluk piffissamut sivikitsumut atorfeqartunit inuttalerneqarsimallutik. Atorfiit sinneri perorsaasunit imaluunniit peqqinnikkut ikiortinik inuttalerneqarsimapput.

k) *Inissinneqarsimasunik illersorneqarsinnaasumik tigumminnitarneq kiisalu tarnikkut nappaatinik katsorsaasarneq tarnikkullu katsorsaasarneq qanoq ingerlappat?*

Akissut:

Paarineqartussatut eqqartuunneqarsimasumik tarnikkut nappaatinut katsorsaansamut pisariaqartitsisoqarpat tamanna tarnimikkut nappaatilinnut pinerluuteqarsimasunut immikkoortortami ingerlanneqassaaq. Assersuutigalugu Herstedvesterimiit paarineqartussatut eqqartuussaasimasut R3-mut nuunneqartarput, tamanna pisariaqartoq tarnip nappaataannut nakorsat akornanni nalilerneqarsimappat.

Paarineqartussatut eqqartuunneqarsimasut Nuummi paarnaarussivimmiilerpata siumut sammisumik tamanna qanoq ingerlassanersoq suli aalajangersimasumik sinaakkuserneqanngilaq. Taamaattorli Nuummi tarnikkut nappaatilinnut immikkoortorta q tassaanngilaq tarnimikkut nappaatilinnut pinerluuteqarsimasunut immikkoortorta q taamaalillunilu paarineqartussatut eqqartuunneqarsimasunik tigusinissamut sinaakkuserneqarsimanani soorlu aamma sulisut taakkuninnga passussinissamut ilinniarsimanngitsut.

8.4 Konto pingaarneq 34.11.03 Dronning Ingridip Napparsimmavissua

a) *Meeqqanut tarnimikkut nappaatilinnut tunngasumik angusat qanoq ippat?*

Akissut:

Qulaajaanissamut ingerlatsinissamullu meeqqanut tarnimikkut nappaatilinnut nakorsanik meeqqat pillugit tarnikkut pissutsinik ilisimasalinnik piumasaqarneq annertusiartorpoq.

Meeqqat pillugit tarnikkut pissutsinik ilisimasallit marluk atorfinitsinneqarsimapput, Bispebjerg Hospitalimi meeqqat pillugit tarnikkut pissutsinik ilisimasalinnik sapaatit akunnikkaartumik siunersiuisarlutillu oqaloqateqartatut. Aammattaaq meeqqat pillugit tarnip pissusaanik ilisimasallit ukiumut sineriammi sapaatit akunnerini arfineq pingasuni angalasoqartarpoq.

Unitsinneqarani katsorsartinnerit amerlanerusut aqputigalugit meeqqanut neqeroorutit annertusineqarnissaat pillugit eqqarsaasersortoqarpoq, tamannali peqqinnissaqarfimmi suliniummik pisariaqartitsiinnarani, kisianni aamma isumaginninnermi suliasaqarfimmi suliniuteqarnissamik pisariaqartitsilluni, assersuutigalugu qulaajaasoqassatillugu ingerlaqqinnissaq qulakkeerniarlugu periarfissaasussat.

b) *MANU-mik suliniummi suliniutissat ingerlatassallu suut naatsorsuutigineqarpat?*

Akissut:

MANU ilaqutariinnut sisamanik ukiullit tikillugit meeraarartalinnut tamanut anngunnissaat suli 2019-imi aallunneqassaaq.

Anguniagaavoq 2019-imi illoqarfiit/nunaqarfiit tamarmik atortumik atulersitsissasut. Meeqqat pillugit ilisimasaqarnerulernissaq sulisunit salliusunit annertuumik soqutiginnittoqarpoq, ilaatigut tamanna atuartitsisunut MANU-mi pikkorissarnissaq annertuumik soqutigineqarluni.

MANU-mi internetsi aqputigalugu ilinniartitsinermik inerisaalluni aallartittoqarsimavoq, atuartitsisunut nutaanut tamanut neqeroorutigineqarsinnaasoq. MANU pillugu Innuttaasunik ataatsimiisitsineq, MANU-mi meeraq 1-2-nik ukiulik. Meeraq 3-4-nik ukiulik, angajoqqaat ataatsimiinnerat 3-6-nik ukiulinnut. Internetsikkut ilinniartitsineq MANU-p nittartagaanut (maannakkut piareersarneqartumut) atassuserneqassaaq. Nittartagaq aqputigalugu ilisimasanik paarlaasseqatigiittoqartassaaq, misilittakkanik katersisoqarluni aamma illoqarfinni nunaqarfinnilu assigiinngitsuni suliniutit malitseqartinneqarlutik.

Sulisut salliusut siunersiornerisigut, siunnersornerisigut ilitsersuunnerisigullu MANU ingerlatsinermut tapersersuissaaq.

8.5 Konto pingaarneq 34.11.04 Kalaallit peqqissartut angerlarsimaffiat

a) *Inissat qassiuppat?*

Akissut:

Inissiat sisamaapput ineeqqallu 53-iullutik, taakkunannga tallimat ineeqqat marluuttariaallutik.

b) *Kalaallit nerisassaataannik nerisartaqartitsineq qanoq ingerlava, tamanna tikeraanut pinnani napparsimasunuinnaq atuuppa?*

Akissut:

Napparsimasunut ingiaqataasunullu immikkut nerisassiortoqarneq ajorpoq, taamaalilluni kalaallit nerisassaataat aamma ingiaqataasunuupput.

Peqqissartut angerlarsimaffiat Lilleholmimit (pilersuisoq patajaatsoq akuerisaasorlu) kalaallit nerisassaataannik inniminniisarpoq - nerisassani qinigassani apeqquataasarpoq

ukiup qanoq ilinera, aamma sumiiffimmi piniartut aalisartullu sunik tunisaqarsimansut. Nalinginnaasumik peqqissartut illuat puisit, umimmaat, savat tuttullu neqaannik aamma panertunik kiisalu qallersuutunik pisisinnaasarpoq. Aalisakkanik nioqqtissiat Royal Greenlandimit pisarineqartarput, taakkulu tassaannerusarput suluppaakkat, saarulliit, qalerallit kapisillillu kiisalu pujuukkat.

Kalaallit nerisassaataat tamarmik qerisuupput aamma nerisassat sumi pisarineqarsimani apeqqutaatillugu tamanna susunninnermik misigisaqarnissamut sunniuteqartarpoq kiisalu qaammatini arlalinni qeritinneqarsimasarlutik. Najugaqartut taakku kalaallit nerisassaataannut nutaanut sungiussisimapput, taamaattumillu susunninnermik misigisaqarnikkut pakatsinnaallutik.

Assersuutigalugu kemomik/qinnguartaartittarluni katsorsartinneqarnerup kiisalu nakorsaait aamma tarnikkut qanoq innermik sunnertissimanagerup malitsigisaanik katsorsaanermit aalajangersimasumit katsorsaanerit ingerlasut saniatigullu sunniutit aamma nerisassat susunninnermik ataasiakkaat misigisaqarnerinut annertuumik sunniuteqataasinnaapput.

c) *Kalaallit Nunaata Danmarkillu akornanni napparsimasunik nuussinermi nunatsinni peqqinnissaqarfimmik suleqateqarnek qanoq ataqatigiissaariffigineqartarpa?*

Akissut:

Innersuunneqarnerup, aggersarneqarnerup, qularnaveeqqusiinerup, billetsimi inniminniinerup il. il. kingorna Danmarkimi katsorsagassanngorlugit napparsimasut aallartinneqartarput. Tamanna danmarkimi peqqinnissaqarfiit, Kalaallit Peqqissartut Najugaqarfianni nunanut allanut ataqatigiissaarisup kiisalu Dronning Ingridip Napparsimmavissuata nunallu immikkoortuisa akornanni qanittumik suleqatigiinnerisigut ingerlavoq.

8.6 Konto pingaarneq 34.11.07 Kræfti pillugu pilersaarut

Siunertanut kontonut 34.11-mut, immikkut ittumik katsorsaanernut tunngasumut, 34.12-imut, peqqissaaveqarfinnut ataatsimullu aningaasartuutitut tunngasumut, 34.13-imut, peqqissaaveqarfinni kigutigissaasunit sullinneqarnermut tunngasumut, aamma 34.15-imut, pinaveersaartitsinermut peqqinnissamillu siuarsaarnermut tunngasumut, oqaasertaliussaqqarpoq, tassani kontot pingaarnarit arlallit akornanni aningaasaliissutinik nuussinissamut Naalakkersuisut piginnaatinneqarlutik. Nuussinermi Aningaasaqarnermut Akileraartarnermullu Ataatsimiititaliamut siumoortumik ilisimatitsissuteqarnikkut pisarnissaat ilanngunneqassasoq ataatsimiititaliamit kissaatigineqarpoq. Ataatsimiititaliap naatsorsuutigaa siunnersuutip aappassaaneernejarneranut imaluunniit pingajussaaneernejarneranut atatillugu tamanna pillugu Naalakkersuisut allannguutissamik siunnersuuteqassasut.

Akissut:

Oqaasertaliussaq naapertorlugi Naalakkersuisut akuerisaanni isummernissamut tunngaviliussap assilineranik ullumikkut ilisimatitsinikkut ataatsimiititaliaq ilisimatinneqareerpoq, taamaattumik allannguisoqarnissaa pisariaqartinneqarnani.

8.7 Konto pingaarneq 34.11.08 Atornerluisunik katsorsaarnermut pilersaarut Ilinniartut inaannik sanaartorneq

a) *Atornerluisunik katsorsaannermut pilersaarutip sunniutai paasissutissiissutigineqassasut ataatsimiititaliamit kissaatigineqarpoq.*

Akissut:

Allorfik periutsinik arlalinnik neqerooruteqarpoq. Ilaatigut Allorfinni kajumissaaraluni oqaloqateqarneq, paasinnilluni pissutsinik katsorsaaneq eqqaamasanullu alaatsinaanneq, ilaatigut Nuummi Katsorsaavik pilersuisutut CENAPS (Minnesota tunngavigalugu katsorsaaneq).

Neqeroorutini tamani qaammatini arfinilinni kingornatigut katsorsaaniisaq aamma ilaqtanik katsorsaaniisaq neqeroorutigineqartarput, tamanna aamma toqqaannartumik katsorsaannermut tapersersuisarluni. Taamaattumik allatigut neqerooruteqarsinnaaneq periarfissaavoq. 2019-imiit Allorfik ilaqtariinnik katsorsaannermik aallartitsissaaq, ilaqtariinni aamma meeqqat ilaatinneqassallutik.

b) *Uteqqiannissap pinngitsoortinnissaanut periutsinik atuineq qanoq peqataaqataanersoq paasissutissiissutigineqassasoq ataatsimiititaliamit kissaatigineqarpoq.*

a)-mut akissut takuuk.

c) *2017-2019-imi nalilersuineranut aningaasaliissuteqartoqarsimanngitsoq ataatsimiititaliamit maluginiarneqarpoq. Tamatumunnga suna tunngaviua?*

Akissut:

2019-ip kingorna nalilersuineq tassaavoq atulersitsinermik sunniutaanillu nalilersuineq. Atulersitsineq Syddansk Universiteti suleqatigalugu PHD-tut ingerlatsinertut aallartilparput. Kisitsisitigut sunniutinik nalilersuineq aatsaat ingerlanneqarsinnaavoq uuttuinerup kisitsisitigut paasissutissat atorluarneqarsinnaaneri qulakkeerniarlugit ingerlatsinerit arlallit naammassineqareerpata. Mannali tikillugu 2016-imut aamma 2017-imut ukiumut nalunaarusiorpugut, tamannalu nammineq aningaasat atugassatta iluanni suliarineqarluni.

d) *Naammattunik piginnaasalinnillu sulisoqarniarnermik suliasaqarfik ajornartorsiorfiua?*

Akissut:

Ajornakusoortumik aallartereernerup kingorna sulisut piukkunnaateqartut aalajangiussimaneqalersinnaalersimapput taakkunanga pingasuinnaat akunnattumik sivilissusilimmik ilinniagaqarsimanatik. Taamaattorli Allorfik neriuppoq akissaatit pitsaannerusut suli qulakkeersinnaallugit, tassa sulinermut isumaqatigiissutit pissutigalugit katsorsaasut ilai Allorfimmi sulilernerminni akissarsiamikkut appagaatsiarsimmata.

e) *Innersuussisarnermik suliasaq qanoq aningaasalersorneqarlunilu aqunneqarpa?*

Akissut:

Allorfik nammineq neqeroorutiminut innersuussisarpaq namminerlu suliasat aningaasalersortarlugit.

f) *Inuit atornerlueriaatsinik assigiinngitsunik arlalinnik atugaqartut qanoq amerlatigaat?*

Akissut:

Innuttaasorpasuit arlalinnik ajornartorsiuteqartuupput:

- 2016-imi innuttaasut 620-it innersuunneqarput aamma 2017-imi innuttaasut 629-it, taakkunannga 486-it aamma 598-it katsorsartinneqalerlutik.
 - Taakkunannga 2016-imi 56 %-it aamma 2017-imi 50 %-it pinngitsuugaqarsinnaasimangillat,
 - ukiunilu taakkunani marlunni 32 %-it aamma 38 %-it annertuumik atuisuusimallutik imaluunniit imigassamik ajoqusiisumik atuisuusimallutik aamma
 - ukiuni taakkunani marlunni 40 %-it aamma 36 %-it sapaatip akunneranit akulikinnerusumik ikiaroorartortarsimallutik.
 - Taamaallaat 42 %-it aamma 36 %-it ukiuni taakkunani marlunni ikiaroorartortarsimangillat.

Aningaasanoornerit eqqarsaatigalugit ukiuni marlunni 14 %-it aningaasanoornermik pinngitsuugaqarsinnaasimangillat sulilu allat 2016-imit aamma 2017-imi 10 %-it aamma 14 %-it aningaasanoornermik ajornartorsiuteqarsimallutik.

g) *Inuit atornerlueriaatsimik ataatsimik arlaqanngitsunnguanilluunniit atugaqartut qanoq amerlatigaat?*

Qulaani akissutigineqartut takukkit.

h) *Sulisitsisut akiligaannik katsorsaanerit qanoq isikkoqarpat?*

Akissut:

Allorfiup neqeroorutai akeqanngillat, kisianni Katsorsaavik Nuuk sulisitsisumit akilerneqartut nalunaarutigisarlugit. 2016-imi aamma 2017-imi ukiumut innersuunneqartunit 60-ingajannit ukiumut ikitsuinnaat tallimat missaaniipput.

8.8 Konto pingaarneq 34.12.01 Nunap immikkoortuini peqqinnissaqarfii, nakorsanit sullinneqarneq

a) *Aningaasaliissutit ilaat qanoq amerlatigisut angerlarsimaffimmi peqqissaasunut atorneqartarpat?*

Akissut:

Nunami katillugit angerlarsimaffimmi peqqissaasut 20-it missaaniittut atorfinitsinneqarsimapput taakkunannga arfineq pingasut Nuummi.

b) *Akiuussutissamik kapuisarnermik atuineq qanoq ippa tamatumanilu qanoq ineriartortoqarpa?*

Akissut:

Akiuussutissamik kapuisarneq qulaajarniarlugu aamma nunami qaffasinnerusumik akiuussutissami kapuisarnerup siumut sammisumik qanoq qulakkeerneqarnissaa pillugu suliniut ingerlanneqarpoq. Naatsorsuutigineqarpoq suliniut 2019-ip aallartinnerani naammassineqassasoq.

c) *Timikkut sungiusaaneq piginnaanngorsaqqiinerlu konto pingaarnermut matumunnga ilaappat?*

Akissut:

Aap.

8.9 Konto pingaarneq 34.12.02 Nunatsinni Peqqinnissakut Ilinniartitaanikkullu suliniutit

a) *2017-imi atuinikinnerussuteqarnermut suna tunngaviua?*

Akissut:

Annikinnerusumik atuneq naak nalunaaruteqartut naammattut anguniarneqaraluartut ikippallaartut nalunaarsimani pissutigalugu ilinniartitaanerit amerlanerit naammassineqannginnerinut innersuunneqarsinnaavoq. Tamanna tunngavigalugu maannakkut ilinniartitaanerit qanoq allannortinneqarsinnaanerit ilinniartitaanernik arlalinnik naliliisoqarpoq, taamaalilluni amerlanerusut peqataarusulersinnaallutik.

b) *Peqqinnissaqarfimmi sulisussarsiortarnermut sulisorinniinnarniartarnermullu periuseq qanoq ippa?*

Akissut:

Taanna piareersarneqarpoq naatsorsuutigineqarporlu 2019-ip aallartinnerani naammassineqassasoq.

c) *Sulisut sulinerminni atugaannik misissuinerit kingulliit qanoq takutitsippat?*

Akissut:

Sulisut sulinerminni atugaannik misissuineq 2016-imi akissuteqartut procentiat appasissorujussuuvoq 22,4 %-iulluni, taamaattumik pingaarnertigut isigalugu eqqortumik arlaannaatigulluunniit inerniisooqarsinnaanani. Akerlianilli 2016-imi sumiiffimmi tunngaveqalernissaq suliffeqarfimmilu malitseqartitsinissaq sulisutigineqarluni. Peqqinnissaqarfimmut ilisarnaataavoq arlalippassuit pimoorussisuuneri, tunniussimalluartauneri, kisianni aamma ulapittuik sulisoqarluni. Akissutit malunnartut ilai uani tigulaariffigineqarput:

- 56 %-it isumaqarput sulinertik pillugu annertuumik tamatigut/akuttunngitsumik sunniuteqarlutik.
- 86 %-it misigipput sulinerminni piffissami tamarmi/piffissap annersaani kajumissuseqarlutik pimoorussillutillu.
- 85 %-it misigipput suliffimminni ataatsimoortunut tamatigut/akuttunngitsumik ilaallutik.
- 79 %-it atorfimminnik tamakkiisumik tamatigut/akuttunngitsumik naammagisimaarinnipput.
- 13 %-it misigipput nalinginnaasumik tamatigut/akuttunngitsumik qasoqqasarlutik.
- 8 %-it misigipput akuttunngitsumik ulapippallaarlutik.
- 13 %-it nalinginnaasumik ajortumik eqqissisimanatik sinittarput.
- 15 %-it misigipput pitsaasumik suliaqarnissamat qaqutigoortumik imaluunniit iluarineqartaralik.

8.10 Konto pingarneq 34.12.05 Nuna tamakkerlugu nakorsaaserisoqarfik

EU-mi nunanilu avannarlerni poortuutissanut piumasaqaatinut tunngatillugu nunatsinni peqqinnissaqarfiup iluani nakorsaatinik poortuisarnermi ajornartorsiut qanoq ippat?

Akissut:

Suliaq taanna sulii ingerlavoq Peqqissutsimullu Naalakkersuisoqarfik ineriartorneq pillugu ilisimatinneqartarluni.

8.11 Konto pingarneq 34.12.06 Ataatsimut aningaasartuutit

Konto pingarnerup matuma ataani Meeqqat inuusuttullu pillugit siusissukkut iliuseqarnermut kiisalu Tuberkulosemut atatillugu suliniutissatut suut eqqarsaatigineqarnersut itisilerneqassasoq ataatsimiititaliamit kissaatigineqarpoq.

Akissut:

Tuberkulosemut tunngatillugu sulinerup 2019-imi aaqqissuunneqarnera allanngortinneqassaaq, taamaalilluni suliniut ataatsimut katersorneqarluni ataatsimillu aqunneqalerluni. Tamatuma ilisimasat pitsaanerusut, suliniut, najoqqutassat il. il. assigiissaarnerusut qulakkiissavai.

Peqqinnissaqarfimmi siusissukkut suliniummut tunngatillugu ernisussiortut marluk aamma peqqissaasut marluk atorfinitsinneqarnerinut atorneqarput, sumiiffinni atorfinitsinneqarfimminni suleqatit allat assigalugit sulisut, tassunga ilanngullugu siusissukkut suliniuteqarluni sulineq. Aammattaaq atorfimmi affarmi meeqqat nakorsaat sinerissami angalasarpoq meeqqat immikkut pisariaqartitsisut aallullugit.

8.12 Konto pingarneq 34.13.01 Peqqinnissaqarfiit

a) Katsorsaanerup annertusarneqarnissaa, pinaveersaartitsineq aammalu anniarnermut tunngasumik pilersaarut pillugit killiffiit pilersaarutillu qanoq ippat nunaqarfimmi isorliunersunilu kigutit nakorsaasigut sullissinermi?

Akissut:

Kigutit nakorsaannik sullissinerup annertusinissaa pilersaarutigineqanngilaq. Tamanna ilaatigut sulisussarsiornikkut ajornartorsiuteqarnermik kiisalu aningaasaqarnermik piginnaasanillu tunngavilersorneqarpoq. 2019-imut ukiup nikinnerani maannakkut Kalaallit Nunaanni kigutilerinermi kigutit nakorsai qulit aalajangersimasumik atorfeqarput, taakkunannga arfineq pingasut Nuummi. Sinneri taartinik atorfeqartitsinikkut aaqqinniarneqarput, amerlanertigut qaammatini pingasuni taartaasartunik.

Akerlianilli meeqqanut suliniutit ilai allanngortinneqassapput. 2019-imi sumi najugaqarneq apeqqutaatinnagu atuartunut fluorimi nalinginnaasumik errortuineq atulersinneqassaaq, taanna 2019-2024-mut kigutitigut periusissiassami suliniutitut nutaatut ilanngunneqassaaq. Tassani misilittakkat takutippaat kigutit putusarneri fluor atorlugu errortuinermi 25 %-it missaannik annikillisinneqarsinnaasoq.

Ukiuni kingullerni tallimani Uummannami fluor atorlugu taamatut errortuineq ingerlanneqarsimavoq (kigutit nakorsaat aalajangersimasooq tassani atorfeqarsimalluni) tassanilu erseqqissumik meeqqat kigutaasa peqqissusaasa pitsaanerulernerat takuneqarsinnaalluni. Tamanna meeqqani inuusuttunilu kigutit peqqissusiat pillugu SCOR-imi kisitsisitigut paasissutinit takuneqarsinnaavoq. Flour atorlugu

errortortarnerup aallartinneqarnissaanut atuarfiit, atuarfinni pisortat ilinniartitsisullu pitsaasumik suleqatiginissaat pisariaqarpoq, kiisalu angajoqqaanut pitsaasumik ilisimatitsisoqarluni.

Flour atorlugu errortuineq nunaqarfinni ilinniartitsisunit ingerlanneqarpoq, kigutileriffinni sulisunit tassani ilinniartinneqarlutik. Aammattaaq flourip, immiartorfiit allallu atortut nunaqarfinnut nassiunneqarnissaat kigutileriffimmit isumagineqarlutik.

Nalinginnaasumik ilisimatitsissutigineqarsinnaavoq nunaqarfimmiut meeqqat kigutaat Kalaallit Nunaanni meeqqat allat kigutaannit allaanerunngimmata.

b) *Sulisut angalasut sunniuteqarluartumik atorneqarnissaannut periarfissat qanoq ippat?*

Akissut:

Sullissineq qulakkeerniarlugu ullumikkut ikinnerpaamik ukiumut ataasiarluni nunaqarfinnut "angalartosartooq". Kiffartuussinerup taassuma annertusinissaa ajornarpoq, tassa aningaasaqarnerup saniatigut kingutit nakorsai ikiortilu amerlanerusut atorfinitsinneqarnissaat pisariaqassamat, tamannalu pisinnaanngitsoq nalilerneqarluni.

8.13 Konto pingaarneq 34.14.01 Nunatsinni nakorsaaneqarfik

Peqqinnissaqarfimmi katsorsarnerlunneqarsimaneq pillugu naammagittaalliutit pinaveersimatinniarlugit suliniutinik ingerlatsisoqarpa?

Akissut:

Nunatsinni Nakorsaaneqarfik pilersaarummik aallartitsisimavoq napparsimasut naammagittaalliutaannit ilisimasanik katersuisussamik siunertaqartoq. Anguniagaq tassaavoq pissutsit isornartut allallu tulluurtumik ingerlanngitsut aaqqinneqarnissaannut peqqinnissaqarfimmit atorneqarsinnaasumik ilisimasanik aalajangersimasunik pissarsinissaq. Anguniagaq tassaavoq pissutsit assingi pillugit naammagittaalliutit ingerlaannannginnissaat aamma peqqinnissaqarfimmi katsorsaanerup pitsaanerulernissaa.

8.14 Konto pingaarneq 34.15.01 Inuuneritta

a) *Ilaatigut imigassamik ikiaroorartumillu atornerluinermut akeqanngitsumik katsorsaaneq aqutugalugu pinaveersaartitsilluni sulinissamik siunertamut aningaasaliissutit immikkoortinneqartut naammattut Naalakkersuisunit nalilerneqarpat?*

Akissut:

Aningaasanut inatsisissamat siunnersuut pissusissamisoortumik suliassaqarfinni pineqartuni aningaasaliissutinik tulluurtut Naalakkersuisut isumaqarfigisaannut takussutissaavoq, soorlu aamma aningaasanut inatsisissaq pillugu isumaqatigiinniarnertit aningaasanullu inatsimmik inaarutaasumik akuersineq aningaasartuutit pillugit ataatsimoortumik politikkimut sinaakkusiussat iluanni inaarutaasumik pingaarnersiunermt takussutaasoq.

2019-imi aningaasanut inatsisissamat siunnersuut taassumalu siullermeerneqarnera allaavigalugu maannakkut pingaarnersiunerit allanngortinneqarsinnaaneri oqallisigineqarput. Tassunga ilanngullugit peqqinnissaqarfik pillugu apeqqut immikkoortut ilaavoq, siusissukkut, pitsaaliuisumik suliniutinut annertunerusumik

periarfissiisoqarsinnaanersoq annertunerusumik paasisaqarfiginissaanut pisariaqartitsisoqarluni, tassunga ilanngullugu peqqinnissaqarfiup iluani napparsimasunut tunngasuunngitsut aningaasartuutit ikilisinnerisigut. Tamatuma erseqqinnerusumik qulaajarnissaanut aningaasartuutigt misissueqquissaarnissaq atorfissaqartinneqarunarpoq. Pissuseq taanna aningaasanut inatsit pillugu isumaqatigiissutigisassami ilaassasoq taamaattumik naatsorsuutigineqarpoq.

Kontomut pingaarnermut pineqartumut naleqqiullugu ilassutitut eqqaaneqassaaq pitsaaliuinermi imigassamik ikiaroorntumillu atorneerluinerup annikitsumiitinnissaat taamaallaat pineqanngimmat. Tassani pineqarpoq nunami peqqissutsikkut siuarsaanissaq innuttaasullu peqqissusiannik kivitsinissaq. Innuttaasunik misissuinerit, atuartunik misissuinerit, MIO-p nalunaarusiai, politiit ukiumoortumik nalunaarusiaat, kommunimi kisitsisigut paasissutissaataasa takutippaat pitsaaliuinerup peqqissutsikkullu siuarsaanerup nukittorsarnissaanut annertuumik pisariaqartitsisoqartoq.

Inuuneritta II-mi piffissami qiteqqunnerani nalilersuinerup takutippaa akisussaaffeqarfiit akornanni suliniutini suleqatigiiffiusunilu nukittorsaasoqassasoq, pitsaaliuinermi suliniutit peqqissutsikkullu siursaalluni sulinerit iluatsinneqassappata.

Inuuneritta II-mi maannakkut missingersuutit 6,2 mio. kr.-upput, taakkunanga 1,2 mio. kr.-t innuttaasumik misissuinermut atorneqarlutik sinnerilu suliniutit Imigassaq & Ikiaroorntoq, Pujortartarneq, Timillu atorneqarnerata, nerisassat, imminortarnerit pitsaaliorneqarneri kiisalu paasissutissiinermi atortut akornanni agguarneqarlutik.

Unamminartut kommunini annertuujupput aamma kommunimiit kommunimut, illoqarfimmiit illorfirmut aamma nunaqarfimmiit nunaqarfimmut assigiinngitsuullutik. Nunap isorartunera assigiinngitsuuneralu pissutigalugit nuna tamakkerlugu pitsaaliuinermi suliniutinik tamanut eqquisumik sananissaq ajornarpoq.

Taamaattumik Naalakkersuisut isumaqarput pitsaaliuinerup peqqissutsikkullu siursaaneq pitsaanerpaq sananeqassappat kommunit ataasiakkaat aallaavigineqassasut. Tamanna qulakkeerneqarsinnaavoq Peqqissutsimut Naalakkersuisoqarfiup, Peqqinnissaqarfiup, kommunini meeqqat atuarfiisa kiisalu politiit ilinniarfeqarfiillu akornanni suleqatigittoqarneratigut.

Kommunini ataasiakkaani tamani pitsaanerpaamik aallartisarnissaq atulersitsinissarlul iluatsinneqassappata taava Paarisami peqqinnissakkut suliaqartut sulisut annertunerusumik angalasarnissaat pisariaqarpoq. Naak suliniut tamaviaarfiusussaagaluartoq piffissap ingerlanerani atulersitsinerillu iluatsinneri naapertorlugit taava angalasarnissat pisariaqarneri aamma annikillissapput.

b) *Inuunerinnerunissaq pillugu saaffissat naliliiffigineqarsimappat?*

Akissut:

Naamik.

8.15 Konto pingaarneq 34.29.01 Naligiissitaanissamut Siunnersuisoqatigiit

Matumani aningaasaliissutinut suliasami kisitsisit ataatsimiititaliamit ujartorneqarput.

Akissut:

Ataatsimiititaliap noqqaassutaa tusaatissatut tiguneqarpoq. Aammattaaq siunnersuisoqatigiit ukiumut nalunaarusiaannut innersuussisoqarpoq.

8.16 Konto pingaarneq 34.29.02 Inuit Pisinnaatitaaffiit Kalaallit Nunaata Siunnersuisoqatigiivi

a) *Siunnersuisoqatigiit ukiut allortarlugit Inatsisartunut nalunaaruteqartartut Naalackersuisut paasissutissiissutigaa. Sunik suliniuteqarnissamut nalunaaruit taakku pissutissaqalersitsisimappat?*

Akissut:

Inuit Pisinnaatitaaffiit Kalaallit Nunaata Siunnersuisoqatigiivi Naalackersuisunut attaviitsuupput taamaalillutillu suliniuteqarfissatik nammineq toqqartarlugit. Siunnersuisoqatigiit sulinerat nalunaarusiortarnerallu pissutigalugit nunani tamalaani isumaqatigiissutini Kalaallit Nunaata akuerisaanik killiffimmik malitseqartitsinermillu pisariaqartitsipput, tassunga ilanngullugu issittumit isigalugu inuit pisinnaatitaaffiini aallussineq.

b) *Ilumini avammullu sulinini Siunnersuisoqatigiiffiup naliliiffigisimavaa? Taamaassimappat qanoq eqqarsaatersuuteqarnissamut taakku tunngavissiisimanersut paasissutissiissutigineqassasoq ataatsimiititaliamit kissaatigineqarpoq?*

Akissut:

Avataaneersunik suliffiullu iluaniit nalilersuisoqarnikuuvoq. Tamanna tunuliaqutaralugu UKA2018-imi inatsisissatut siunnersuut nutaaq saqqummiunneqarpoq, annertunerusumik siunnersuisoqatigiit attaviitsuunerannik qulakkeerisussa q kiisalu avataaniit aningaasalersuisussanik ujartuinissamut siunnersuisoqatigiinnut periarfissiisussa.

8.17 Konto pingaarneq 34.30.01 Ilisimatusarneq

a) *Konto pingaarnerup matuma ilinniartitaanermut suliassa qarfirmmit peerneqarnera suliassat isumagineqarnerannut qanoq kinguneqarsimava?*

Akissut:

Akisussaaffiup allanngortinneqarnera ilisimatusarnerup iluani suliassat isumaginerinik allannguinngilaq.

b) *Ilinniartitaanerup pingaaruteqartutut naalackersuinikkut oqariartuutigineqarneranut sanilliullugu konto pingaarnermi matumani aningaasaliissutit taama ikitsiginerat eqqarsaatigalugu ilisimatuarnermut suliassa qarfirmmi Naalackersuisut qanoq anguniagaqarpat?*

Akissut:

Nunani tamalaani ilisimatusarnermi nunatta peqataanerata siuarsarnissaanut Naalackersuisut sulissuteqassapput. Soorlu aamma ilisimatusarnermi ilisimasanik katersuiffiup pilersinneqarnissaata piviusunngortinneqarnissaa Naalackersuisunit pingaartutut isigineqartoq.

Aningaasaliissutit 2019-imi ukiunilu missingersuusiorfiusuni 300.000 kr.-nik qaffanneqarput.

c) *Ilisimatusarnermut suliassa qarfirmik maanna pingaannginnerusunngortinneqarpa?*

Akissut: Naamik.

8.18 Konto pingarneq 34.30.02 Nunatsinni Ilisimatusarnermik Siunnersuisoqatigiit

a) *Ataatsimiinnernut angalanernullu kiisalu allatsip akissarsiaanut aningaasartuutit akilerneqareerneranni aningaasaliissutinit qassit sinnerutissappat?*

Akissut:

2018-imut ukioq naatsorsuusiorfiusoq suli naammassinngimmat ukiu naatsorsuusiorfiusoq 2017 aallaavigineqarpoq.

Kotomut pingarnermut matumunnga ingerlatsinermut aningaasaliissutit 1 mio. kr.-upput. Tassani aningaasartuutit allatsip siunnersuisoqatigiinnilu ilaasortat akissarsiaannut kiisalu ataatsimiinnerni angalanernilu aningaasartuutitut tunngasuupput. Aningaasartuutit taakku agguarneri 2017-imi imaassimapput:

- Allatsip akissarsiai: 410.136,81 kr.

- Siunnersuisoqatigiinni ilaasortat akissarsiat: 119.578,83 kr.

- Ataatsimiinnernut angalanernullu aningaasartuutit, nerisaqarneq ilanngullugu: 327.402,61 kr.

Kotomi aningaasat sinneruttut 142.881,75 kr.-t allaffissornermut aningaasartuutitut soorlu qarasaasianut, allaffimmi atortunut, ussasaarutitut qaammarsaaniarnermullu atorineqarput.

Peqatigisaanik ilisimatitsissutigineqassaaq konto pingarneq manna Nunatsinni Ilisimatusarnermik Siunnersuisoqatigiit ingerlanneqarnerinut atorineqarmat. Konto pingarneq 34.30.01 Ilisimatusarnermit ilisimatusarnikkut siuarsaernermit immikkoortitaniit Nunatsinni Ilisimatusarnermik Siunnersuisoqatigiit aningaasanik aningaasaliisarput.

b) *Suliassami kisitsisit ataatsimiititaliamit ujartorneqarput.*

Akissut:

Suliassani kisitsisinik allanngortitsinissamut siunnersuut aningaasanut inatsisissamut siunnersuutip suliareqqinneranut atatillugu saqqummiunneqarnissaa naatsorsuutigineqassaaq.

8.19 Konto pingarneq 34.30.03 Ph.d.-mik ilinniagaqartutut ilisimatusarnermik ilinniarneq

I. *Grønlandsbankens Erhvervsfondip isumaqatigiisummik atorunnaarsitsisimaneranut suna tunngaviua?*

Akissut:

Grønlandsbankens Erhvervsfondip isumaqatigiisummik atorunnaarsitsinermut tunngavilersuutai tassaapput: "Allannguinermit tunuliaqutaasoq tassaavoq Erhvervsfondi isumaqarmat PHD-mi ikiorsiissutini aningaasatigut aningaasaliineq PhD-nik naammassineqartunik naammaginartunik amerlassuseqartunik kinguneqarsimanginnera, tassa arlallit piffissap ingerlanerani unitsitsisimmata".

2. *Aningaasaliissutit konto pingaarneq 34.20.02, Nunatsinni Ilisimatusarnermut Siunnersuisoqatigiinnut tunngasoq, akissarsianut aningaasartuutit akilereerneranni ½ mio. kr.-t missaannik aningaasaliissuteqartoq, aaqutigalugu siunissami akilerneqartalernissaat suliatigut angorusutanut qanoq kinguneqassava?*

Akissut: Suliatigut angorusutanut tamanna pingaaruteqarsimangilaq.

9. Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq – Suliassaqarfik 40

9.1 Konto pingaarneq 40.01.08 Ilinniartitaanermut tunngasuni immikkoortumut pilersaarut

Ataatsimiititaliap isumaa malillugu allaffissornikkut suliassanut aningaasat ikigisassaangitsut immikkoortinneqarput, suliassamilu kisitsisit pigineqanngimmata aningaasaliissutit akuersissutigineqarneranni ilisimaneqarani aningaasat sumut atorneqassanersut. Kiisalu ilinniarnermik unitsitsinnartarnerup akorniarneqarneranut ilinniartullu inaannut aningaasaliissutit ilinniartitaanermut tunngasuni tassangaannartumik pisariaqartitsilernermik tunngaveqarnissaat ataatsimiititaliamit takujuminaappoq. Matumani innersuussutigineqarput konto pingaarnermi 40.02.01-imi, ilinniartut ineqarfiisa allaffeqarfiannut tunngasumi, kiisalu konto pingaarnermi 40.90.15-imi, ilinniartut inissaannik attartornermut tunngasumi, suliassami kisitsisit, tassani ilinniartut ineqarfinut suliassami kisitsisit aalaakkaasupilussuupput. Konto pingaarneq una sillimmatinut kontotut atuussorinarpoq. Aningaasaliissutit suliassaqarfimmi 20.11-mi sillimmatinut kontonit arlalinnit atugassiissutigineqarsinnaannginnerinut suna pissutaava? Taakku assersuutigalugu tassaasinnaapput konto pingaarneq 20.11.50, ingerlatsinermit sillimmatinut tunngasoq, imaluunniit konto pingaarneq 20.11.70, suliniutinut nutaanut sillimmatinut tunngasoq. Konto pingaarnermut matumunnga suliassami kisitsisit ataatsimiititaliamit ujarorneqarput. Siunnersuutip aappassaaneerneqarnissaanut pingajussaaneerneqarnissaanulluunniit Naalakkersuisut tamanna pillugu allannguutissatut siunnersuuteqarnissaat ataatsimiititaliamit naatsorsuutigineqarpoq.

Akissut:

Kontomi pingaarnermi 40.01.08-imi AIS 2019-imi siunertanut allaaserineqartunut 10,7 mio. kr.-t immikkoortinneqarsimapput. Kontomi aningaasat siusinnerusukkut annertunerusimapput, nalinginnaasumilli sipaarutit aamma suliniutit arlallit ingerlatsilersimani kingornalu kontomut aningaasanik nutaanik ikisisoqarsimanginnerata malitsigisaanik aningaasaliissutit annikilliarorusaarsimapput. Assersuutigalugu kontomi pingaarnermi 40.90.15-imi 'Ilinniartut inissaannik attartornermi' aningaasat aallaqqaammut konto pingaarneq 40.01.08-imi aningaasaneersuupput. Kontomut ilisarnaataasoq tassaavoq annertuumik eqaassuseqarnera, tassangaannartumik ajornartorsiutaalersunik sukkasuumik iliuuseqartoqarsinnaalerluni. Assersuut ataaseq tassaavoq Maniitsumik efterskolimi oquttoqalenera, tassani atuartut ullormiit ullormut inissaarussimassallutik, taakku inissaqarnissaat tassangaannartumik qulakkeerneqarnissaannut periarfissaqarsimangippat. Pisuni taamatut ittuni ingerlaannartumik iliuuseqarsinnaaneq pisariaqartarpoq, suliamik suliarinnittoqarnissaa utaqqinagu.

Ingerlatat arlallit kontomi tassani ataatsimoornerat ingerlatallu amerlanersaasa ineriartortitsinermik pilersaarutaaneri pissutigalugit pilersaarutini aningaasaliissutini ataasiakkaani qummut amullu iluarsisooqarsinnaalluni, pilersaarutip ingerlanneqarnera

apeqqutaatillugu. Taamatut iluarsisoqarneratigut qulakkeerneqarpoq pilersaarutit akornanni aningaasanik ilasisoqarsinnaallunilu tunniussisoqarsinnaavoq, imaluunniit ingerlaavartumik nutaanik aallartitsisoqarsinnaalluni, apeqqutaalluni pilersaarutit ataasiakkaat qanoq ingerlanersut. Ineriartortitsinermi pilersaarutit ingerlatat eqqarsaatigineqartut pilersaarut eqqoqqissaarlugu aallartinneqarsinnaasut qassiusinnaaneri pillugu ilaatigut nalornisitsisinnaapput, pilersaarutit piviusumik ingerlanneqalersillugit. Tamatuma saniatigut missingersuutit amerlanertigut missiliuinernek tunngaveqartarput, pilersaarutit piviusunngortinneri naapertorlugit tulluarsarneqartarlutik. Taamaattumik aningaasat pilersaarutit akornanni ingerlaavartumik nuuttarnerisigut eqaassuseqarnissamik pisariaqartitsisoqarpoq. Ukiumi pineqartumi aamma ukiut arlallit ingerlaneranni. Pilersaarutit ineriartortinnerisa aama pisariaqartitani naatsorsuutiginnigisani sukkasuumik iliuseqartarnerit eqaatsumik aaqqissuussinerup qulakkeerpaa, taamaalilluni pilersaarutit unittoorneq ajorlutik. Tassa kontomi ataatsimi ingerlatat arlallit katersorsimaneri iluaqutaasinnaavoq, tassa ingerlatap ataatsip annikinnerusumik atuiffiusup ingerlataq alla pilertortumik annertunerusumik pisariaqartitsisoq qulakkeersinnaammagu.

Nalinginnaasumik tassanngaannartunut atatillugu kisianni aamma siunissamut ungasinnerusumik ineriartortitsinermi pilersaarutitut atatillugu ilinniartitaanermi suliassa qarfiit ingerlaavartumik kontomit ineriartortinneqarneri qulakkeerneqarput. Kingullermik assersuutaasoq tassaavoq 40.01.08-imi ilinniarnertuunngorniarfimmuut aningaasat. 10,7 mio. kr.-nit ilinniarnertuunngorniarfimmuut nalinginnaasumik allaffissornermut ineriartortitsinerimullu immikkoortinneqarsimasut 7,3 mio. kr.-upput. 2015-imi IKIN-imit 40.01.01-imiit ilinniarnertuunngorniarfinni allaffissornermut atorneqartut 4,8 mio. kr.-t 40.01.08-mut nuunneqarput. Taamaaliortoqarpoq ilinniarnertuunngorniarfinni aningaasat katersorniarlugit, tassa 40.01.08-imi aningaasat uninngasuutigineqartut ilinniarnertuunngorniarfinni immikkut ingerlatanut immikkoortinneqarsimammata, ilinniarnertuunngorniarfinni aaqqissuusseqinnermi ineriartortitsinermi atulersitsinerullu kingunerisaanik. Taamaalilluni maannakkut ilinniarnertuunngorniarfinni ingerlaavartumik ineriartornermut allaffissornermullu katillugit 7,3 mio. kr.-t immikkoortinneqarsimapput. Ilanngunneqassaaq ilinniarnertuunngorniarfik ilinniartitaanermit suliassa qarfimmi kisiartaammat suliassat ingerlaavartumik allaffissorneq, nakkutilliineq ineriartortitsinerlu Ilinniartitaanermit Naalakkersuisoqarfimmi toqqaannartumik inissisimallutik.

Taamaattumik ilinniartitaanermi suliassa qarfinni allani taamatut aaqqissuusineq nassaarineqarsinnaanngilaq, ingerlaavartumik nalilersuinermit, allaffissornermut ineriartortitsinerimullu aningaasat assersuutigalugu aqutsisoqarfimmi imaluunniit ilinniarfeqarfimmi namminerimi inissinneqarsimallutik. Ilinniarnertuunngorniarfinni aningaasat ilai pinngitsoorneqarsinnaanngitsunut aningaasartuutitut atorneqartaraluartut asersuutigalugu qitiusumiit suliassiissutigineqartussanut suliassanik suliqaartartut suliassat pillugit ataatsimiititaliat, ilinniartitsissutitut siunnersortit assigisaallu, taava ingerlatat taakku iluanni aamma ineriartortitsisoqarpoq. Assersuutigalugu 2012-imiit ilinniarnertuunngorniarfinni ilinniartitaaneq nutaami ingerlaavartumik atuartitsissutit nutaanik inerisaasoqarsimavoq, taamaalillunilu misilitsinnermi suliassanik nutaanik inerisaanissamut pisariaqartitsisoqalersimalluni. 7,3 mio. kr.-t ilinniarnertuunngorniarfiit aalajangersimasumik suliassaannut atugassaapput, taakkunanani ingerlaavartumik nalilersuineq ineriartortitsinerlu ilinniartitaanerup inatsisillu suli ineriartortinnerisa atulersinnerisalu malitsigisaanik pingaaruteqartutut ilaapput. Tassunga ilanngullugit assersuutigalugu ilinniarnertuunngorniarfinni maannakkut missingersuusiit pillugit

takussutissaq ikkunneqarpoq, taannali ukiup ingerlanerani allangorsinnaalluni, apeqqutaalluni ingerlatassat pilersaarutaasimasut.

Atuartitsinermi atortussat	600.000
Paasissutissiineq (assersuutigalugu ilitersuutini atortut)	50.000
Angalanerit (assersuutigalugu ineriartortitsilluni nakkutilliillunilu angalanerit)	50.000
Ilinniaqqinnerit - ilinniartitsisoqatigiit, peror. pisor, rektori, ilinniart. oqaatsit tullinut ilinniartitsineq, inuusuttut atugarliortut, ilinniartitsisut nutaat, ilinniartitsisoqatigiit	450.000
Nalilersuineq (atuarfinni sumiiffinni nalilersuinerit ineriartortitsinerillu)	790.000
Ilinniaqqinneq kalaallisut Ilinniagartuutut Allagartartaarneq	500.000
Ilinniaqqinneq kalaallisut Masteri	240.000
Atuartitsinermi ilinniarneq	435.000
Suliassat pillugit ataatsimiititaliat	1.500.000
Atuartitsissutini siunnersortit pilersaarutinilu aqutsisut (tassunga ilanngullugit ilaatigut kalaallisut atuartitsisunut immikkut ilinniartitaanerit ingerlannerinut atatillugu Kal.Nun. ulloq naallugu atuartitsissutini siunnersorti, kiisalu atuartitsissutit ineriartortinnerinut immikkoortitat)	2.400.000
Soraarummeernut atatillugu censureqarneq	250.000
Rektorit ataatsimiittarneri	58.000
GUX-imut qinnuteqartunut atatillugu isernissamut misilitsinneq	40.000

Ilinniarnertuunngorniarnermi suliassat iluanni ineriartortitsinermi pilersaarutit angisuut, 'nalinginnaasumik' ingerlatanut ilaanngitsut, kontomi kiisalu Ilinniartitaanermut pilersaarummi immikkut pilersaarutit inissimapput. Assersuutigalugu taaneqarsinnaavoq GUX-S 1.05 mio. kr.-t (atuartut immikkut pisariaqartitsisut nappaateqartullu ilinniarnertuutut soraarummeernissaannut pitsaanerumik periarfissinniarlugit pilersaarut) aamma eGUX-ip aallartinnera 0,86 mio. kr.-t (ilinniarnertuunngorniarnermi ungasianiit ilinniartunut atuartitsineq, taamaalilluni atuartut illoqarfinnut ilinniarnertuunngorniarneqartunut nuuttariaqarnatik).

Tamatuma saniatigut EU-mik peqateqarnermik isumaqatigiissutip atulersinneranut aningaasat ukiumut immikkoortinneqartut 200.000 kr.-t aamma Naalakkersuisut Ilinniartitaanermut pilersaarutaannik II-mik piareersaanermut atatillugu aningaasartuutitut 50.000 kr.-t.

Tassani kiserngorupput ingerlatanut allanut 3,15 mio. kr.-t, Ilinniartitaanermut Naalakkersuisup tassangaannartumik pisariaqartitsinermi imaluunniit periarfissanut atatillugu piviusunnngortissinnaasai. 2018-imi tassani ilaatigut pineqarput palasinngorniat ilinniarfiannik aningaasalersuineq, ilinniartitaanerit ingerlaqqiffiusut pitsaassusaannik qulakkeerineq, meeqqat atuarfianni pitsaanerpaamik periuseqarnermut tunngasoq suliniut aamma ilinniartitaanermik aqqissusseqqinnermik sulinerup aallartisarnera. Tamarmik suliniutit ilinniagaqartunut neqeroorutit pitsaassusaannik kivitsinermi inuussuttut pitsaanerumik aalajangiussimanissaannik qulakkeerisussat.

9.2 Konto pingaarneq 40.02.01 Ilinniartut ineqarfiisa allaffeqarfiat

Ilinniartut ineqarfiisa allaffeqarfianni sulisunut tunngasumik pissutsit paasissutissiissutigineqarnissaat ataatsimiititaliamit kissaatigineqarpoq.

Akissut:

Sulisut katillugit 18-t. Ilinniartut ineqarfiini nakkutilliisutut aqutsisuugallartoq saniatigut allaffissornermi sulisut arfineq marluupput, eqqiaasartut tallimat taakkunanga ataaseq ataqatigiissaarisutut sulilluni, pedelit tallimat taakkunanga ataaseq ataqatigiissarisutut sulilluni. Ilinniartut ineqarfiini nakkutilliisutut aqutsisumut taartitit ulloq 1. november 2018-imi allaffimmi pisortamik atorfinitsitsisoqarpoq, Ilinniartut ineqarfiisa allaffeqarfiannik ingerlatsisussa.

9.3 Konto pingaarneq 40.02.06 Ilinniarnermi tapiissutit meeqqanullu tapit

2016-imi 2017-imilu minnaarilluni missingersuusiortoqarsimasorinarpoq. 2018-imut Naalakkersuisut naatsorsuutigisaat taamaaginnarpat? Ukiuni missingersuusiortofinni aningaasaliissutissatut pisariaqartitat ukiumut 3 mio. kr.-nik qaffakkiartuaarnerat ilutigalugu 2018-2021-imi suliaasat allannguuteqartinnagit missingersuusiortoqarpoq. AIS 2019-imi aningaasaliissutit taamatut qaffakkiartuaarput, tamatumani suliaasami kisitsisit aamma taama qaffakkiartorlutik. Tamatumunnga suna pissutaava?

Akissut:

Naatsorsuutigineqarpoq konto pingaarneq 40.02.06 Ilinniarnermi tapiissutit meeqqanullu tapit inatsisinik tunngaveqartumik 4,8 mio. kr.-t missaannik annertunersumik atuiffiussasoq. Tamatuma annertunersaanut pissutaavoq ilinniagaqartut arlallit Danmarkimi ilinniagaqarnerisutitut taarsiullugu kalaallit nunaanni ilinniagaqarnerisuteqarsimanagerat.

2017-imi ulloq 1. oktobarimi ilinniartut katillugit 4.295-iupput, taakkunanga 700-t Danmarkimi ilinniagaqartuullutik kiisalu ilinniagaqartut 29-t nunani allaniillutik. 2018-imi ulloq 1. oktobarimi ilinniartut katillugit 4.298-iupput, taakkunanga 650-it Danmarkimi ilinniagaqartuullutik kiisalu ilinniagaqartut 31-t nunani allaniillutik. Danmarkimut naleqqiullugu Kalaallit Nunaanni ilinniartut 53-inik qaffariarput, kiisalu nunani allani marlunnik amerlanerullutik, taakkunanga amerlanerit kalaallit nunaanniit ilinniagaqarnerisuteqarlutik.

Kalaallit Nunaanni ilinniartumut ilinniarnermi qiortagaq ataaseq annerpaamik 4.700 kr.-t meeqqanik tapeqqanngitsunut naapertuuppoq, tassani ilinniagaqartut 53-it ukiumi ataatsimi tamarmiullutik 2017-imut naleqqiullugu 2.989.200 kr.-nik annertunerusumik atuillutik. Nunani allani ilinniagaqartut qaammammut 5.300 kr.-nik ilinniagaqarnersiuteqartarput, taamaattumik 2017-imut naleqqiullugu 2018-imi nunani allani ilinniagaqartut marlunnik amerlanerunerat 127.200 kr.-nik annertuneruneranut naapertuulluni.

AI 2018-imi ukiuni missingersuusiorfiusuni aningaasaliisoqarnissaannik pisariaqartitsineq qaffakkiartorsimavoq naak ilinniagaqartut amerlaqatigiikkaluartut kiisalu ukioq naallugu atuartut aamma taamatut amerlatigigaluartut. Tamatumunnga pissutaavoq Danmarkimi ingerlannagu Kalaallit Nunaanni ilinniarnerminnik ingerlassinissamik kalaallit ilinniagaqartut amerlanerit toqqaasalernerisa pissusiulerneru. Ukioq naallugu atuartut amerlassusaat taamaattumi AI 2018-imi allangussanngilaq, akerlianilli aningaasaliissutissanik pisariaqartitsineq allangussalluni, pissusiulersoq pissutigalugu. AIS 2019-imi ingerlatat qaffakkiartornerannut pissutaavoq ilinniartitaanerit nutaat aallartisarneqartut, taakkunannga Ilisimatusarfimmi inatsisilerituutut ilinniarneq.

9.4 Konto pingaarneq 40.02.07 Immikkut ikiorsiissutit, angalanermut aningaasartuutit il. il., suliffeqarfii

Konto pingarnermi matumani aningaasartuutit tamarmik inatsisitigut pisussaaffiusut missingersuutitut ilanngussami allassimavoq, tamatumali peqatigisaanik konto pingaarneq tapiissutitut aningaasaliissutitut nalunaarneqarsimalluni. Tamatumunnga suna tunngaviua?

Akissut:

Ilinniagaqarnersiutit aningaasanik tapiissutinik immikkullu ikiorsiinernik imaqarmata konto pingaarneq manna tapiissutitut aningaasaliissutaavoq, tassa nerisaqarnikkut najugaqarnikkut, akiliunneqarluni angalanikkut, pequtit assartornerinut, atuakkanut, assartuinermi atuarnermi akitsuutit il. il. immikkut immikkut akiliutinut ilaanissamut immikkut piunasaqaatinik ilinniagaqartut naammassinnissammata, tak. ilinniagaqarnersiutit pillugit nalunaarut nr. 9, 19. juli 2017-imeersoq.

9.5 Konto pingaarneq 40.10.10 Kalaallit Nunaata avataani atuartinneqarnissamut neqeroorutit

Suna atuartitsissutigineqartarnerisooq paasissutissiissutigineqassasoq ataatsimiititaliamit kissaatigineqarpoq.

Akissut:

Kontomut pingarnermut matumunnga ilaapput Rigshospitalimi meeqqanut katsorsartittunut imaluunniit angajoqqaanut katsorsartittunut meeqqanut angalaqataasunut napparsimmavissuarmik atuartitsineq, atuartut piginnaasaat pisariaqartitaallu aallaavigalugit meeqqat atuarfianni atuartitsissutini atuartitsisoqarluni. Rigshospitalimi ilinniartitsisumik aalajangersimasumik atorfinitsitsisoqarsimavoq. Herstedvesterimi paarnaarussat timelærimit kalaallisut atuartinneqarput.

9.6 Konto pingaarneq 40.10.15 Atuarfimmi nerisaqartitsineq

a) *Matumani aningaasaliissutit ikilineqarsimanerannut suna tunngaviua?*

Akissut:

Aningaasaliissutit piffissami 2015-2018-imi allangorpiarsimangillat. Kommunimit akisussaaffiusup ilaatut aaqqissuussinerup ilaanik annertunerusumik siumut sammisumik kommunit ataasiakkaat nammineq aningaasalersuisinnaanerat siunertaralugu 2015-imi aningaasaliissutit 2 mio. kr.-nik ikilineqarput, tak 2015-imut aningaasanut inatsit q. 328. Ukiumut atuarfiusumut 2017/2018-imut atuarfimmi nerisaqartitsinerumut tapiissutinik qinnuteqartuni Kommuneqarfik Sermersooq kisiartaasimavoq, tassani aningaasaliissutit nungunneqarnatik. Ukioq atuarfiusoq 2018/2019 eqqarsaatigalugu Kommuneqarfik Sermersuumiit aamma Qeqqata Kommunianiit atuarfimmi nerisaqartitsinerumut tapiissutinut qinnuteqaatinik Ilinniartitaanermut Aqutsisoqarfik tigusaqarsimavoq. Ilinniartitaanermut Aqutsisoqarfik ukioq atuarfiusumut 2018/2019-imut qinnuteqaatit pillugit kommuninut allanut tuavisaarissaaq.

- a) Suliassami kisitsisit ataatsimiititaliamit ujartorneqarput.

Akissut:

Suliassami kisitsisit atuartut amerlassusii tapiissutisisimasut ilanngullugit kommunit sorliunersut ikkunneqarsinnaapput.

9.7 Konto pingaarneq 40.40.01 Ilinniartitaanermut Aqutsisoqarfik

- a) *Atuarfimmi 2,0 mio. kr.-inut immikkut suliniutissat suut kommunit peqatigalugit aaqqissuunneqarsimappat?*
- b) *Aningaasanut inatsiseqarfimmi 2018-imi immikkut aningaasaliussat sumut atorneqarsimappat aammalu ukiuni missingersuusiorfiusuni suliniutit suut immikkut aningaasaliiffigineqarniarpat?*
- c) *Konto pingaarnermut matumunnga suliassami kisitsisit ataatsimiititaliamit ujartorneqarput.*

Ataatsimut akissut:

Ilinniartitaanermut Aqutsisoqarfik kommunillu ukiumut atuarfiusumut 2018/2019-imut aningaasat immikkoortinneqarsimasut piviusunngortinnissaannut ingerlatanik ukuninnga pilersaaruteqarput:

- "Ilinniartitsisumiit ilinniartitsisumut videot pillugit pilersaarutip ilaa - tuluttut aallarterlaanut atuartitsineq isiginiarneqarluni" (pilersaarut Qeqqata Kommunია suleqatigalugu).
- "Ilinniartitsisumiit ilinniartitsisumut videot pillugit pilersaarutip ilaa - matematikki isiginiarlugu" (kommunit tallimat tamaasa suleqatigalugit).
- CSR Greenland, Qaqisamik suliniutip nanginneqarneranut tapiissutit, angajullerni atuartut meeqqat amerlanerusut atuarfiata kingorna ilinniagaqarnissamik toqqaanissaannut kajumissaanissaq siunertaralugu inuussutissarsiortut meeqqallu atuarfiisa akornanni ikaarsaarnermi suliniut.
- Nunaqarfimmiut atuartut najugaqarfii pillugit pilersaarutit, nunaqarfimmiut atuartut najugaqarfii pillugit nalunaarusiamik eqqartuinerup kingorna nassuiarneqartussaq.

Ilinniartitaanermut Aqutsisoqarfik pisariaqartitsineq pillugu kommuninik ingerlaavartumik oqaloqateqarpoq, tamannalu pissutigalugu aalajangersimasumik suliassami kisitsineq saqqummiinissaq sapernarluni. Naatsorsuutigineqarpoq 2019-imut pilersaarutit kommunit ataatsimoorlutik pilersaarutaannut tunngatillugu suliniutit pillugit tapersersuissasut "Kalaallit nunaanni meeqqat atuarfiannik kivitsineq".

9.8 Konto pingaarneq 40.90.07 Nunani tamalaani pilersaarutitut suleqatigiittoqarnera pillugu ilinniarnerni paasissutissiisarnernilu nutaaliorneq

a) *Kontomi pingaarnermi matumani suliassami kisitsisit ataatsimiititaliamik ujjartorneqarput.*

b) *Konto pingaarnerup matuma sunniutaanik tigussaasunik Naalackersuisut nalunaarsuisimappat?*

Naalackersuisut konto pingaarneq 40.90.07 aqutigalugu Fonden for Entreprenørskabimik (FFE) kiisalu ProGreenlandimik angusaqarnissamik isumaqatigiissusiorsimapput. Angusaqarnissamik isumaqatigiissutit taakku kontomut pingaarnermut matumunnga FFE-p kiisalu ProGreenlandimut tunngavissiipput. Tamanna tunuliaqutaralugu kontomi pingaarnermi matumani suliassami kisitsiseqanngilaq. FFE-mik isumaqatigiissuteqarnikkut siunertamut immikkoortinneqarsimasut aningaasat Namminersorlutik Oqartussanit nuunneqarput. Aningaasat nuunneqartut 1.300.000 kr.-nik annertussuseqarput. Aningaasat taakku atorlugit FFE suliassanik makkuninnga angusaqarlunilu ingerlataqassaaq:

- FFE Grønlandimut siulersuisut isumannaallisarneri, tak. nunap immikkoortuini malittarisassat

- Siulersuisut siulersuisut inissisiterlutik ulloq 28 august 2018-imi ataatsimiinneranni pilersinneqarput.

- Utaqqiisaasumik nunap immikkoortuani aqutsisoq nunap immikkoortussaani atasussamik taarserneqarpoq

- Siulersuisut nutaat nunallu immikkoortuani aqutsisumik siunersiuinikkut tapersersuineq ilaatigut aningaasaliisinnaasut sulii allat pilersaarnerisigut.

- Aningaasaliisut arlallit FFE-p ingerlataanut atassuserneqarsimapput. Taakku saniatigut Sisimiuni Arctic Circle Businessi suleqatigalugu atuartunut ilinniagaqartunullu aallarnisaasunik unammisitsineq. Sisimiuni aamma Kangerlussuarmi nutaaliornerni aallarnissaanermilu ataqatigiinnik aallartitsisoqarsimavoq.

- Atuartitsinermi atortussanik sulii allanik nutserisoqarnissaanut tulluarsaanissamullu pilersaarut nunap immikkoortuani aqutsisoq suleqatigalugu suliarineqassaaq.

- Nunap immikkoortuani aqutsisoq Danmarkimi suleqatit suleqatigalugit atortunik pingasunik toqqaasimavoq, maannakkut nutserneqartunik titartaasartumullu nassiuunneqarsimasut. Atortut ilaasa Kalaallit Nunaannut tulluarsartinniarlugit Norami aningaasanik qinnuteqartoqarsimavoq, taamaalilluni atuisunut atugassat ilisarineqarsinnaallutik. Tamanna pingaartumik atortunut marlunnut-pingasunut atuuppoq, islandimi savalimmiunilu assinganik suleqatigiiffinnit ataqatigiissarneqartut. Ilinniartitsisut tamarmik ilisimatitsilluni ataatsimiinnermut atortunut nutaanut tunngatillugu webinarimut apeqqutinut aggersarneqarput.

- Saqqummersitsinerup/ nunap immikkoortuani naggataarnerup naammassineqarnissaanut pilersaarut ukiaq 2018.
- 2. Aappassaannik ilinniartitsisunut atuartitsisunullu ilinniartitseqqinneq. Tamanna ingerlanneqassaaq Nuummi ulloq 25.-26 mak 2018-imi Greenland Businessimit ingerlanneqartumik ataatsimeersuarnermi "nutaaliornermik- atuartitsineq"-mi FFE DK-ip peqataaffigisaanik.
- Nuummi aamma Sisimiuni septembarimi ilinniaqqinnerit ingerlanneqarput. Ilinniaqqinnerit pilersaarutaasunut Nuummi ulloq 3.-4. sep. aamma Sisimiuni ulloq 6.-7. sep. 2018-imi ingerlanneqarput. Nuummi 20-it sinnerlugit aamma Sisimiut arfinillit peqataapput. Aamma ulloq 7.-8- septembarimi GUX-imut immikkut ilinniaqqinnerit ingerlanneqarput, atuartitsisut 40-it kiisalu ilinniartitaanermi aqutsisut il. il. Katillugit FFE Kalaallit Nunaanni aallarnissaanermik atuartitsinermi atuartitsisut 100-it missaaniittunik ilinniartitsisimavoq. Atuartitsisut taakku Danmarkimi atuartitsisunut atassuteqartumik webinarini nutaatut pilersinneqartut aqutugalugit allarnissaanermik piginnaasanik atuartitsinermik nangitsinissaannut sulisinneqarlutillu kajumissaarneqarput. Peqatigisaanik kalaallinik piukkunnaateqartunik ujartuisoqarpoq, atuartitsisut maannakkut pigisatta saniatigut aallarnissaanermik atuartitsinermi atuartitsisinnaasunik amerlanernik ilinniartitsisinnaasut. Piukkunnaatillit marluk nassaarineqarput, taakkulu soqutiginninnernut nalilersorneqarlutik aamma suli ilinniaqqinnissaat neqeroorutigineqassalluni taamaalillutik kalaallisut aallarnissanissamik atuartitsinermi qanoq atuartitsinissaannut siunissami atuartinneqarlutik.
- Legateeqqat aallarnisaasutut ilinniagaqartunut 2018-imi neqeroorutigineqarput
- Legateeqqat Kalaallit Nunaanni nittarsaanneqarsimapput, sulili qinnuteqartoqarsimanani. Suliniut nanginneqassaaq neriuutigineqarluni naatsorsuutigineqarlunilu legatinut taakkununga amerlanerusut qinnuteqassasut. Aallarnissaasinnaanerup ilinniartitaaneri aamma kalaallit nunaanni inuiaqatigiinni erseqqinnerulernera naapertorlugu legatit amerlinissaat naatsorsuutigineqarpoq. Ilisimatusarfimmi nutaaliorneq aallarnisaanerlu pillugit atuartitsissutini ilinniartitsisunik ilinniagaqartunillu oqaloqatiginnittoqarpoq, soorlu aamma Nuummi Sisimiunilu atuarfinni pisortat ilinniarfinnilu pisortat tamarmik periarfissaq taanna pillugu ilisimatinneqarsimasut. Oktober 2018-imi legateeqqanik qinnuteqarsinnaanermut periarfissaq pillugu qaammarsaaneq ingerlanneqassaaq. Aamma inuusuttunut ingerlaqqillunilu ilinniarfinni ilinniarfinni aqutsisut atuartitsisullu sulinermut tassunga ilanngunneqarput.
- Ukiumut nalunaarut, tassunga ilanngullugit naatsorsuutit. Naatsorsuutit FFE'p kukkunersiuisuanut ingerlatseqatigiiffimmit kukkunersiorneqarput kingornalu pigineqalerpata kukkunersiorneqarsimasut nassiunneqassallutik.

ProGreenlandimik isumaqatigiissuteqarnikkut siunertamut Namminersorlutik Oqartussat aningaasat immikkoortitaat nuunneqassapput. Aningaasat nuunneqartussat 354.000 kr.-nik annertussuseqarput. Anguniagaavoq EU-p kulturimut, ilinniartitaanermut ilisimatusarnermullu pilersaarutai pillugit suliffeqarfiit paasissutissanik ilitersuutinillu maannamut annertunerusumik atuisinnaalernissaat siunertarineqarpoq. ProGreenland taamaattumik EU-mi suliniutit pillugit atuarfinnut ilinniarfeqarfinnullu

siunnersuisarpoq, ilaatigut Erasmus+ Kalaallit Nunaannut ataqatigiissaarisutut suliassap kivinneratigut.

9.9 Konto pingaarneq 40.90.08 Ilinniartitaanermi PAT-i

- a) *Ilinniartunut nittartakkaq ATTAT-ip ungasianit ilinniartitsinermut atorineqarnissaanut qanoq periarfissaqarpa?*
- b) *Ilinniartitaanernut naatsuararsuarnut aammalu pikkorissartitsinernut ATTAT-ip atorineqarnissaanut qanoq periarfissaqarpa?*
- c) *Taama ilusilerlugu ungasianik ilinniartitsineq angalanermut najugaqarnermullu aningaasartuutit ikilisinneqarnissaannut, ilinniartut inissaannik piffissamillu atuinerup annikilisinneqarnissaanut peqataaqataasinnaasutut ataatsimiititaliamit takorloorneqarpoq. Naalackersuisut tamatumunnga qanoq oqaasissaqarpat?*

Ataatsimoortumik akissut:

Imaatigut kabelip TELE POSTimit tallinerata aamma Radiukkut atassutip pitsaaninngornerata nanginneratut TELE POST ukiaq 2018-imi internettikkut atassutip ATTAT-ip pitsaanerulersinnissaa aallartippaa meeqqat atuarfiini ilinniarfeqarfinnullu amerlanernut pingaaruteqartumik. Taamaalilluni Naalackersuisunit naatsorsuutigineqarpoq ungasianiit atuartitsinermi annerujussuarmik ATTAT-imi attaveqaat atorineqalissasoq.

ATTAT attaveqaat Kalaallit Nunaanni ilinniarfeqarfinit tamanit atorineqarpoq (Ilisimatusarfik Peqqissaanermullu Ilinniarfik minillugit, nammineq aaqqiissutiminnik atuinissamik toqqaasimasut). Internetsikkut attaveqaatit pitsaanerulernerit ilinniartitaanernik naatsuaqqanik imaluunniit pikkorissaanissamut neqeroorutitut atatillugu ungasianiit ilinniarfeqarfiit atuartitsisinnalernerat teknikikkut akornuteqarunnaassaaq.

Ilinniarnertuunngorniarniit manna tikillugu digitalikkut attaveqaatit pitsaaninngortinnissaat sioqqullugu ungasianiit atuartitsinermik misilittagaqalersimapput tamannalu ukiuni aggersuni annertusineqarsinnaalluni. Assersuutigalugu GUX Sisimiuni september 2018-imiit ungasianiit ilinniarnertuunngorniarsinnaaneq pilersinneqarpoq, atuartitsissutit ataasiakkaat atuartitsissutillu tapertaasut neqeroorutigineqarlutik, soorlu ilinniarfik 2021 tikillugu pilersaarut malillugu GUX-
imik ilinniarneq ungasianiit ilinniarnertut ukiuni marlunni aamma ukiuni pingasuni ilinniarneq ingerlassinnaalissagaat, taamaalillutik atuartut illoqarfimmut ilinniarnertuunngorfeqartumut nuunnatik angerlarsimaffimminnit malinnaasinnaallutik atuartitsinermillu naammassinnillutik.

Ungasianiit atuartitsineq pitsaasutut Naalackersuisunit isigineqarpoq, angalarnerit najugaqarnermilu aningaasartuutit, ilinniartut ineqarfiini ilanngunnissaaq aamma ilinniarfeqarfinni isumalluutinik atuneq annikilisinneqarsinnaallutik.

9.10 Konto pingaarneq 40.90.10 CopyDanimut isumaqatigiissut

- a) *Aningaasaliissutit N 2017-imit AI 2018-imit nikeriarnerat qanoq nassuiaatissartaqarpa?*

Akissut:

N2017-imiit AI2018-imut nikeriarnermut pissutaavoq ukiumut naatsorsuutitut atavillugu taamanikkut Qaasuitsup Kommunanut akiligassap kukkunikkut Avannaata Kommunanut aamma Qeqqata Kommunit inissinneqarsimanera Avannaata Kommunit aamma Kommuni Qeqertalimmut agguarnissaannut taarsiullugu. Akiliineq inaarutaasoq taamaattumik aatsaat 2018-imi akilerneqarpoq.

b) KANUKOKA-p isumaqatigiinniarnermi illuatungerisatut inissisimanera kommunit tiguneqarpa?

Akissut:

Isumaqatigiissuteqarpoq, taamanikkut Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoqarfiup, KANUKOKA-p aamma Copydanip akornanni isumaqatigiissutaasimasoq. Isumaqatigiissummi Kalaallit Nunaanni ilinniarfeqarfiit atuartsinermik ingerlatsinernut allaffissornikkullu atuinermi atortunik illersugaasunik assiliinissamut akuerisaalerlutik. Naalakkersuisoqarfik kommunit peqatigalugit isumaqatigiissut taanna attatiinnarneqassanersoq imaluunniit kommunit siunissami immikkoortlutik Copydanimik isumaqatigiissuteqartarusunnertut qulaajaaniassaaq.

9.11 Konto pingaerneq 40.90.13 Nuna Tamakkerlugu Ilitsersuisarfik

a) *Ilitsersuisarfiup suliniutaasa iluatsittutut isigineqarnissaannut suut piumasagaataappat?*

b) *Ilitsersuisarfiup suliniuteqarnerani sakkut suut atorineqartarpat?*

c) *Tamatamani tarnip nappaataanut nakorsat, ilitsersuisut tarnillu pissusaanik ilisimasallit akornanni suleqatigiinneq qanoq ingerlasarpa?*

Ataatsimoortumik akissut:

Siullermik inatsimmi allassimavoq kikkut tamarmik piukkunnartumik siunnerfeqartumillu ilitsersuussissasut. Tamanna anguneqarsinnaappat ilitsersuisussarsiorlut Majoriaqarfinni nammineq saaffiginninnerannit allaanerusumik neqeroorfigineqassapput. Majoriap suliniut Internetsikkut ilitsersuussineq atulersinniarlugu sulissutigaa, oqarasuaatikkut, chatikkut imaluunniit SMS-ikkut ilitsersoqqusut apeqqutaannut ilitsersuisut akissuteqartarlutik. Taamaaliornikkut ilitsersuunneqarnissamik ujartuinngikkaluartunut ilitsersuussisinnaaneq periarfissaalersinnaalluni. Majoriap nunaqarfinnut tikeraarnissamut immikkoortitanik peqarpoq, kisianni kikkut tamaasa piukkunnartumik siunnerfeqartumillu ilitsersuunnissaa sapernarluni. Tamanna aamma ilinniarnertuunngornianut siunnersuisarfimmi sulinerlut atuuppoq. Inooqataanikkut aamma tarnikkut siunnersorneqarnissamut atorfissaqartitsisunik ilinniagaqartut tamaasa angunissaat sapernarpoq, kommuniti ataatsimi tarnip pissusaanik ilisimasallit taamaallaat marluinnaappata Sermersuumilu sisamaappata. Majoriap nutaaliorsinnaasariaqarpoq. Taamaattumik majoriap Nuummi misileraalluni "Ammasumik siunnersuisarnermik" aallartitsisimavoq, tassa Ilinniarnertuunngornianut siunnersuisarfimmi tarnip pissusaanik ilisimasalimmik oqaloqateqarniarlutik Nuummi utaqquisut amerlammata.

Majoriap aamma inatsimmi immikkoortunik allani iluatsitsinissamut piumasagaatinik anguniarneqartunik peqarpoq. Taakku suli tamakkiisumik anguneqannginnerinut

pissutaasoq tassaavoq suliassat ataani allassimasut isumaginissaannut sulisut marluk taamaallaat atorfinitsinneqarsimmata:

- i Ilitsersuisarnikkut suliniummik nalilersuineq inerisaanerlu,
- ii ilitsersuussinerit ataatsimut aaqqissuunneri,
- iii ilitsersuussineq pillugu paasissutissiineq,
- iv ilitsersuisarnermi atortut suliarissallugit siaruartissallugillu,
- v ilitsersuisartut ilinniartittassallugit ilinniarteqqittassallugillu,
- vi sumiiffinni ilitsersuisarfinnut tunngatillugu ilitsersuisarneq,
- vii misilittakkanik ilisimasanillu paarlaasseqatigiittarneq, aammalu
- viii attaveqarfinnik pilersitsinissamut tapersersuineq.

Ilinniarnertuunngornianik siunnersuisarneq Majoriami sulisussarititaasut ilaannik tigussilluarmat, 17+1-nimik sulisut 13--iullutik, taava suliassanik qulaani allassimasunik suliartussat sulisut amerlassusissaannut ilaqqinnissaat sapernarpoq. Taamaattumik suliniummut internetsikkut ilitsersuisarnermut avataaniit aningaasalersuisinnaaneq Majoriamit anguniarsarineqarpoq, tassa suliassap naammaginartumik isumaginissaannut sulisut naammangimmata. Suliniut piffissami ukiuni pingasuni ingerlassaaq, tamanna aningaasalersorneqassappat.

Konto pingarneq 40.90.15 Ilinniartut inissaanik attartorneq

AI 2018-imi ilinniartut inissaannik avataanit attartornermut ilinniartumut ataatsimut naatsorsuullugu aningaasartuutit ukiumut 60.000 kr.-erluinnaasut imaluunniit qaammammut ataatsimut 5.000 kr.-erluinnaasut ataatsimiititaliamit naatsorsorneqarsinnaavoq. Ilinniartuq qaammammut 850 kr.-nik akiliuteqartarmat, aningaasartuutit arfinilerarterutaannaanik akiliisarpoq. Aningaasartuutit ilinniartullu namminneq akiliutigisartagaasa ataqatigiinnerulernissaannut Naalakkersuisut qanoq periarfissaqarsoraat?

Akissut:

Soorlu Naalakkersuisut Ilinniartitaanermut periusissiaanni II 2018-imi allaaserineqartoq ilinniagaqarnersiutinik ilinniagaqartullu ineqarfiinut akiliutit nutarterinissamik sulineq 2017-imi Naalakkersuisunit aallartinneqarpoq, ilaatigut ilinniagaqarnersiutinut ilinniartullu ineqarfiinut akiliummut naleqqiullugu akitigut nalimmassaanermik isertitatigullu nalimmassaanermik imaqartumik. Siunertaq tassaavoq ilinniagaqartut ilaasa aningaasaqarnikkut sannginnerusut nukittorsarneqarnissaat. Tamanna pissaq paasinarsimmat inuusuttut ilinniagaqarnerminnut atatillugu angerlarsimaffimminnit nuunnerminni amerlasuutigut sunngiffimminni suliffissamik nassaaruminaatsitsisartut suliffimmillu ingerlatsiuminaatsitsisartut. Peqatigisaanik piffissaliussap iluani ilinniarnep naammassineqarnissaannut kajumissusermik Naalakkersuisut tapersersuerusupput maannakkut ilinniartut ineqarfiini inissat pitsaanerusermik iluaqtigerusullugit.

Ineqarnermut akiliut ukiuni arlalissuarni iluarsineqarsimanngilaq, ineqarnermullu akiliut inip qanoq ittuunera angissusialuunniit malillugu iluarsineqarsimanani aamma inoqutigiit isertitaat apeqqutaatinneqarnatik. Ilinniartut Ineqarfiisa Allaffeqarfiannit aamma Kalaallit Nunaanni Teknikimik Ilinniartumut Aqunneqartunik Nuummi

Sisimiunilu ilinniartut ineqarfiini inooqatigiittunik misissuinerup takutippaa 6 %-ii ukiumut 500.000 kr.-t sinnerlugit inoqutigiinni isertitaqartut. Qulaani allassimasut tunuliaqutaralugit ilinniartut ineqarfiinut tunngasumi aaqqissusseqqinnissamik Ilinniartitaanermut, Kultureqarnermut Ilageeqarnermullu Naalackersuisoqarfik suliaqarpoq. Ilaatigut aningaasartuutiviit tunngavigalugit ineqarnermut akiliut ineqarnermut tapiissutitaqartumik aaqqiinissaq nassaariniarneqarpoq.

9.13 Konto pingaarneq 40.91.03 Pikkorissartitsineq

a) *Kontomi pingaarnermi matumani aalajangersimasunik sunniutinik Naalackersuisut nalunaarsugaqarpat?*

Akissut:

Konto annerusumik angalanerni najugaqarnermilu aningaasartuutitut kiisalu ullormusianut atorneqarpoq. Sulisitsisut pikkorissarnermi akitsuutinik akiliisarput. Ilinniartitaanermut, Kultureqarnermut Ilageeqarnermullu Naalackersuisoqarfik pikkorissartitsineq ajormat pikkorissarnermik nalilersuineq pikkorissartitsisunit isumagineqartarpoq.

b) *Inuussutissarsiutinik ilinniartitsineramik kiisalu pisortanik ilinniartitsineramik imaqartunik pikkorissartitsinerit imarisaannik inuussutissarsiortut oqaasertalersueqataasimappat?*

Akissut:

Pikkorissarnerit inuussutissarsiuteqartut kissaataat suliaqarfiillu ataasiakkaat pikkorissartitsineramik pisariaqartitsinerat malillugit pilersinneqarput.

c) *Konto pingaarnermut matumunnga oqaasertaliussaqarpoq atuinerussutit atuinikinnerussutilluunniit, taamaattorli annerpaamik 5.000.000 kr.-t aningaasat ukiuannut tullermut nuunneqarnissaannut Naalackersuisunik piginnaatitsisumik. Periarfissaq taanna qanoq annertutigisumik atorneqarsimava?*

Akissut:

Ukiut tamaasa periarfissaq atorneqartarpoq pikkorissartitsineranut annertuumik pisariaqartitsisoqarnera pissutigalugu.

Kantomut pingaarnermut naatsorsuutitigut nassuiaatinit 2017-imi Nunatta Karsiata Naatsorsuutaanit uku takuneqarsinnaapput:

AI 2017-imi, ilanngussaq 2-mi, konto pingaarneq 40.91.03-mut oqaasertaliussat tunngavigalugit atuinikinnerussutit -2.852.000 kr.-t ukiumut aningaasanut inatsiseqarfiusumut 2018-imut nuunneqarput. 2017-imiit 2018-imut -2.852.000 kr.-nik atuinerunissamik immikkoortitsisoqarpoq ukiup 2018-ip aallartinnerani aningaasartuutitut nalunaarneqartunik.

9.14 Konto pingaarneq 40.91.05 Inersimasunut ilinniartitaaneq

Inuussutissarsiutinik ilinniarfiit nuunneqarnissaannik pilersaarutit piviusunngortinneqarnissaat Naalackersuisunit suli pilersaarutigineqarpa?

Akissut:

Aningaasaliissutitigut tunngaviup pisariaqartup pissarsiarinissaa nangaassutigalugu Naalakkersuisut anguniagaraat Saviminilerinermik Ilinniarfik Sisimiini illutassaanik sanasoqassasoq. Nuummi Saviminilerinermik Ilinniarfik ullumikkut nalilerneqarpoq ukiuni pingasuni-tallimani atuussinnaassasoq. Anguniagaq tassaavoq Nuummi Saviminilerinermik Ilinniarfiup ukiut atuuffiisa iluanni Sisimiuni sanaartorneq naammassineqassasoq. Naalakkersuisut taamaattumik Sisimiuni Saviminilerinermik Ilinniarfimmik nutaamik sanaartornissamik pilersarusiorneq aallartippaat. Tassannga sanaartornissaq naatsorsuutigineqarpoq 2018-ip naanerani aallartisarneqassasoq.

Aammattaaq ilisimatitsissutigineqassaaq Campus Kujalliup allilerneqarnera Naalakkersuisunit aallartinneqarmat, ilinniartitaanernik TNI-mik kiisalu Kiffartuussinermik aqutsisunik illusimatitsisussaq. Allilerineq taanna naatsorsuutigineqarpoq novembarip qiteqqunnerani inaarlugu naammassineqarsimassasoq.

9.15 Konto pingaarneq 40.91.07 Center for Arktisk Teknologi

- a) *Ilinniarnermik naammassinnittut ilinniartut nutaat affaanik amerlassuseqarnerannut suna pissutaava?*
- b) *Ilangaaseereerluni aningaasartuutitut sanilliullugu ilinniarnerminnik naammassinnittartut ikinnerat Naalakkersuisunit qanoq isumaqarfigineqarpa?*
- c) *Assersuutigalugu aalisarnermi ingeniøritut ilinniartitsinermut tunngatillugu neqeroorutit nunatsinni pissutsinut naleqqussarneqarsinnaaqqullugit DTU-mut attaveqarnerup annertusarneqartariaqarneranik Naalakkersuisut ataatsimiititaliaq isumaqatigaat?*
- d) *Aalisarnermi ingeniøritut ilinniartitsinerup aallarnisarneqarnissaa aningaasalersorneqarnissaalu sumut killippa?*

Ataatsimoortumik akissut:

Uppernarsarneqarsinnaavoq taamaatiinnartartut aallarlerlaat affaasa missaannik amerlassuseqarmata tamannalu ajuusaarnarpoq. Tamanna unamminartuuvoq aamma ilinniarnertuunngorniartarfinni, inuussutissarsiutinik ilinniartarfinni aamma ilinniartitaanerni ingerlaqqiffiusuni takuneqarsinnaasoq. Juni 2015-imi Ilinniartitaanermut Naalakkersuisoqarfik EU suleqatigalugu inuussutissarsiutinut ilinniartitaanerni unitsitsiinnartarneq pillugu misissuititsivoq "Study of dropout and completion at Vocational Education and Training programmes in Greenland". Nalunaarusiaq Naalakkersuisut nittartagaani nassaarineqarsinnaavoq.

Misissuineq inuussutissarsiutinut ilinniartitaanernut sammigaluartoq naliliisoqarpoq nalunaarusiami inerniliineq aamma ilinniartitaanernik ingerlataqarfiit ilaannut allanut nuunneqarsinnaasut. Nalunaarusiamimi inerniliisoqarpoq atuartunit/lærlinginit tamarmiusunit affai sinnerlugit ilinniarnernerup ingerlanerani piffissap ilaani unitsitsiinnartartut, tamannalu aamma assersuutigalugu Center for Arktisk Teknologiiimi naammassisartunut atuulluni.

Misissuinerimi inerniliineq pingaartoq tassaavoq ilinniartut taamaatitsiinnartarnerisa ingerlarna piffissami sivisunerusumi pilersartoq pisumillu ataasiinnaangitsumik peqquteqartarluni. Pissutsit amerlasoorpassuit paatsiveerussinnaasullu pisoqataasarput,

peqqutit inuttut, ilinniarfinni aaqqissuussaannermilu pissutsinut kiisalu inuiaqatigiit qanoq inissisimanerannut tunngasinnaasut. Taamaatitsiinnarneq pisarpoq piffissami sivisunerusumi ineriartortinneqarsimalluni pisumillu ataasiinnarmik peqquteqassanani. Ilisimatitsisut arlallit unitsitsiinnarnerminni arlalinnik peqqutinik takutitsipput taakkulu ataatsimut peqqutaallutik taamaatitsiinnarnermut tunngaviusimallutik. Pisumik ataasiinnavimmik tamatuma peqquteqartarnera qaqutigoorpoq: pissutsilli arlallit imminut atasut piffissami sivisuumi nalorninermi qularnermillu naggataatigut uniinnarnermut peqqutaasartut. Ilinniarnep misissuiffigineqarnerani siusinnerusukkut pissutsit taakku misissorneqartarsimapput, pisulli allat ilaat aalajangersimasumik misissorneqarsimanatik.

Issittumi ingeniøritut ilinniartitaaneq DTU-mi ilinniartitaanertut nalunaarsugaavoq. Taamaattumik Naalakkersuisut isummaminnik oqaaseqarsinnaanngillat.

Naalakkersuisunit uppersarneqarsinnaavoq DTU-mut attaveqarneq annertusarneqartariaqartoq taamaalilluni neqeroortigineqartut kalaallit nunaanni pissutsinut tulluarsarneqarsinnaallutik assersuutigalugu Aalisakkerivinni ingeniøritut ilinniartitaanermi pissutsini. Ilinniartitaanerup Danmarkimi ilinniartitaanermut aqutsisoqarfimmiit akuerineqarnissani utaqqivaa. Tamatuma kingorna AIS2019-imi sillimmatit konto 20.11.70 aqutigalugu imaluunniit allatigut ilinniartitaanerup aningaasalersornissaanut periarfissanik misissuisoqassaaq. Taamaalilluni Danmarkimi ilinniartitaanermut aqutsisoqarfimmiit akuerineqariarpat ilinniartitaaneq aallartissinnaalissaaq

9.16 Konto pingaarneq 40.91.16 Niuernermik Ilinniarfik, Nuuk

Illup iluarsaanneqarnissaa aamma allilernerqarsinnaanera pisariaqartinneqarpa?

Akissut:

Nalinginnaasumik aserfallatsaaliuineq eqqaassanngikkaani illuutit qanoq innerinut nalunaarsuineri Niuernermik Ilinniarfik ukiuni qulini atasinnaasutut nalilernerqarsimavoq. Naalakkersuisut isumaqarput Nuummi Niuernermik Ilinniarfiup illua atuariup pisariaqartitaanut naleqquttoq. Illugineqartoq pissutaalluni pisariaqartitat naammassineqarsinnaajunnaassappata NI Nuuk ilinniartitaanermi sanaartorneq pillugu immikkoortuni pilersaarutinut ilanngunneqarsinnaavoq. NIN aamma ilaatillugu pilersaarutip aningaasaateqarfinniit aningaasalersorneqarsinnaaneranut periarfissanik maannakkut misissuisoqarpoq, taanna taaneqarluni Campus Nuuk.

9.17 Konto pingaarneq 40.91.20 Perorsaaneermik Ilinniarfik

- a) *Suliaqarfimmut tunngatillugu piginnaasalinnik amerlanerusunik pisariaqartitsisoqarneranik naliliinissaq qanoq qulakkeerneqartarpa?*
- b) *Suliffeqarnermi kommuninilu pisariaqartinneqartut imminnut naammattumik tulluartuunissaat qanoq qulakkeerneqartarpa?*
- c) *Piginnaasalinnik amerlanerusunik, ilinniagalinnik qaffasaanissamik allanilluunniit pisariaqartitsinerit qulakkeeriniffigineqartarpa?*
- d) *Ilinniartitaanerup iluani immikkut piginnaasaqarfigisassanik allanik – assersuutigalugu innarluutinnut tunngasunik il. il. – pilersitsinissaq pisariaqartinneqartoq Naalakkersuisut isumaqarpat? Perorsaasunik amigaaqarnerup iliuuseqarfigineqarnissaanut Naalakkersuisut qanoq pilersaaruteqarpat?*

Ataatsimoortumik akissut:

Piginnaasat pillugit piumasagaatit kiisalu suliffeqarnermi piumasagaatit naammassineqarnissaannut SPS suliniuteqarpoq. Ukiut tamaasa agguaqatigiissillugu perorsaasut 29-t ilinniarsimasunngortarput. Perorsaasut amigaataanerannut iliuuseqarnissamut tamanna naammangilaq. Ilinniarnertuunngorniarfimmik tunuliaqutaqartumik qinnuteqartut amerlanerunngippata siunissami qaninnermi perorsaasunik amigaateqarnermik matussusiineq taamaallaat pisinnaassaaq perorsaasunngorniarluni sinerissami ilinniarneq aqutigalugu ilinniarsimasut amerlanerulersinnaapput.

Perorsaasunik piukkunnartunik amerlanernik sulisoqalernissamik kissaatip ilaatigut angunissaa siunertaralugu konto pingaarneq 40.91.26-imi isumaginninnermut tunngasuni ilinniartitaanernut 16,2 mio. kr.-nik Naalakkersuisut 2018-imiit immikkoortitsisimapput.

Tassunga ilanngullugu eqqaaneqarsinnaapput immikkut perorsaanermi (amma innarluutillit iluanni) perorsaasutit allagartartaarluni ilinniartitaaneq amma sinerissami perorsaasunngorniarluni ilinniarnertit eqqaaneqarsinnaapput amma pikkorissaanerit arlalissuit isumaginnittoqarnermi sulisunik piukkunnarsaasussat.

9.18 Konto pingaarneq 40.91.23 Campus Kujalleq

Ilinniartitaaneq ukioq ataatsimik sivisussusilik sumut killippa?

Akissut:

Campus Kujallermi ukiumi ataatsimi ilinniartitaanerit uku marluk neqeroortigineqarput:

- TNI-tunngaviusoq
- Qangatut tunngaviusumik allaffimmiutut ilinniartitaanerusoq.
- TNI-Flex
 - TNI-Fleximi ilinniakkap siunertaraa inuusuttut ilinniagaqalernissamut piumasuseqalernissaat kiisalu inuusuttut inuusutissarsiutinik ilinniagaqarusuttut imaluunniit inuusutissarsiutinut ilinniartitaanerup iluani pikkorissarusuttunut periarfissaqalersinniarlugit. Aammattaaq inuusuttut namminneq piumasusillit inuutissarsiornissaminnullu ilimanaatillit pitsaasumik piginnaasaqalernissaannut periarfissinnissaat siunertaavoq. Aammattaaq TNI-FLEXimi ilinniartitaanermik siunertaq tassaavoq ilinniagaqartut suliatigut pikkorissarnissaat inuusuttullu TNI-imi ilinniartitaanermi imaluunniit inuusutissarsiutitigut ilinniartitaanernik allani aallartissinnaanerit inuttut piginnaasaasa nukittorsarnissaat. TNI Flex-imit qinnuteqartut amerlapput. Qaqortumik Campus Kujallermi amma Nuummi Niuernermik Ilinniarfimmik TNI-Fleximi ilinniartitaaneq ingerlanneqarpoq, ilinniarfimmik taakkunani marlunni atuaqatigiinnik pilersitsisoqarsimalluni. TNI-Fleximut qinnuteqartuni ilisarnaatit tassaapput qinnuteqartut inuusuttuummata atugarliortut, amerlanertigut suliatigut inuttullu arlalinnik unamminartuuteqarsimasut. Ukiut agguaqatigiissinneri TNI-imi ilinniartitaanernut qinnuteqartunit amma appasinnerupput. Taamaattumik atuartut taakku ulluinnarni immikkut tapersorsorteqalernissamik atorfissaqartitsisuupput, tamanna

atuartitsinermi kiisalu sunngiffimmi atuulluni atuartut
aalajangiussimanissaat siunertaralugu taamaalillunilu unitsitsisut
pinngitsoortinniarlugit. Aammattaaq illoqarfimmi
ilinniarnertuunngorniarfimmi siunnersortit annertunerusumik
suleqatigineqalerput.

9.19 Konto pingaarneq 40.91.26 Isumaginninnikkut suliaasaqarfimmi ilinniartitaanikkut suliniutit

a) *Ilinniartitaanerup pitsaassusia misissuiffigineqarsimava?*

Akissut:

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi § 36 naapertorlugu ilinniartitaanerit sulianut tunngassuteqarnerannut qitiusumik ilinniarfimmi sulersuisut Naalakkersuisunut akisussaaffigaat.

Taamaattorli tassani eqqaaneqassaaq Perorsaasarnermik ilinniartit 2018-imi qitiusumik ilinniartinnormat. Isumaginninnikkut suliaasaqarfup iluani ilinniartitaanikkut suliniutini aningaasaliissutini ilinniartitaanernik nalilersuinerit immikkut sillimaffigineqarput. Kontoli una aatsaat 2018-imi pilersinneqarmat suliniutit taakku aatsaat maannakkut piareersarneqalerput.

b) *Suliaqarfimmi pisariaqartinneqartut ilinniarlutillu naammassisut amerlassusiat siumoortumik imminnut tulluarsarneqartarpat?*

Akissut:

"Isumaginninnikkut suliaasaqarfup iluani ilinniartitaanikkut suliniutit" pillugit suleqatigiissitaq pilersinneqarpoq sulineralu oktober 2018-imi aallartinneqarluni. Suliaasaqarfimmi aqutsisoqatigiit tassaapput Ilinniartitaanermut, Kultureqarnermut Ilageeqarnermullu Naalakkersuisoqarfik, Aatsitassanut Sulisoqarnermullu Naalakkersuisoqarfik kiisalu Isumaginninnermut Inatsisinillu Atuutsitsinermut Naalakkersuisoqarfik.

Aqutsisoqatigiit ilinniartitaanernut, ilinniaqqinnernut pikkorissarnernullu pioreersunut nutaanullu qulaajaallunilu, paasiniaallunilu pilersaarusiussapput, kiisalu inunnut ataasiakkaanut suliniutinik ataqatigiissaraluni nalilersuillunilu. Tassunga ilanngullugu qulaajarneqassalluni isumaginninnikkut suliaasaqarfimmi piginnaangorsaanikut kivitisoqarnissaanik pisariaqartitsisoqarnersoq, taakkulu ilinniartitaanerni pioreersuni akuersaarneqarsinnaanersut.

c) *Perorsaasunut diplomeqalissutaasumik ilinniartitsineq neqeroortigineqartarpoq. Taanna assigalugu pisortanut diplomeqalissutaasumik ilinniartitsineq neqeroortigineqarniarpa aammalu tamatumunnga aningaasanik immikkoortitsisoqarnissaa naatsorsuutigineqarsinnaava?*

Akissut:

Nunami maani aqutsisutut ilinniagaqalernissamut arlalinnik periarfissaqarpoq. Pisortatut Ilisimatusarfimmi, Nuummi Niuernermik Ilinniartinnormat, tunngaviusumik pisortatut ilinniartitaanissamut, Aqutsisumi ilinniaqqinnissamut periarfissaqarpoq.

Aammattaaq pisortat ilinniagartuutut ukiuni marlunni affarmilu ilinniartitaaneranni ilinniaqqinnissamat Århusimi inuussutissarsiutinut ilinniarfik suleqatigineqarpoq, pisortatut ilinniartitaaneq allagartartaarfiusoq (60 ECTS). Taamaattorli ilinniartitaaneq taanna tapiiffigineqarsinnaanani.

d) *Psykoterapeutitut ilinniartitaanerup namminersortuni taamatullu pisortani HR-imut immikkoortoqarfinnut, isumaginninnermut suliaasaqarfiup avataaniittunut aamma iluaqutaasumik sammitinneqarsinnaanera qulakkeerniarlugu Naalakkersuisut qanoq iliorpat?*

Akissut:

Psykoterapeutitut ilinniartitaaneq inunnut sivisuumik imaluunniit akunnattumik sivisussusilimmik ingerlaqqiffiusumi ilinniagaqareersunut siunnerfeqarpoq, assersuutigalugu isumaginninnermi siunnersortit, perorsaasut, ilinniartitsisut, tarnip pissusaanik ilisimasallit, nakorsat peqqissaasullu, pisortani sulisut. Tamatumunnga pissutaasoq tassaavoq kinguneqarluartumik sulianik suliarinninnermi pingaarutilimmik isiginninnissamat meeqqanut ilaqtariinnullu tarnikkut tunngasutigut suliniutinik patajaatsunik malitseqarnissaat pisariaqarmat. Ilaqtariinnermi suliaasaqarfimmi pinaveersaartitsilluni aallussinerup nukittorsaanaasaq kissaatigineqarpoq. Taamaalillunilu aamma angerlarsimaffiup avataanut inissiisarnerit pitsaaliornissaannut ajortumillu inuuniarnikkut kingornussaqaarnerup kipitinnissaanut suliniutit salliutinneqarput. Tassunga ilanngullugu pingaartumik tarnimikkut misigissutsikkullu artorsaatit nalaataqaarnerlussimaneerillu, angajoqqaanut aamma angajoqqaanngortussanut artorsaaasunik katsorsarneqartussanik assigiinngitsorpasuaarnik suliaqarnissaq. Sumiginnaasarnerit inuiaqatigiinnut kingunerlutsitsisarnerat uppersarluarneqarsimavoq, taamaattumillu sulianut tunngasumi tassani aallussinerup salliutinissaa pingaarluni.

Konto pingarneq 40.91.27 Teknikkimik Ilinniarfik

Illoqarfinni ilinniarfiusuni ilinniartunut ineeqqat agguataarneqarnerat qanoq aqunneqarpa?

Akissut:

Illoqarfinni ilinniarfiusuni ilinniartunut ineeqqat agguataarneqarnerat ilinniartut ineqarfiit pillugit Namminersornerullutik Oqartussat nalunaarutaat nr. 18, 1. november 2007-imeersoq naapertorlugu aqunneqarput. Ilinniartut ineqarfinni aqutsiviit illoqarfinni ilinniarfiusuni ilinniarfeqarfinnit ukunanga isumagineqarput:

- Ilulissat: Isumaginninnermi Perorsaasunngorniat Ilinniarfiat
- Aasiaat: GUX-Aasiaat
- Sisimiut: Kalaallit Nunaanni Teknikmik Ilinniarfik
- Nuuk: Ilinniartut Ineqarfiisa Allaffeqarfiat (KAF) kiisalu GUX-Nuuk GUX-imi atuartunut
- Paamiut: Kalaallit Nunaanni Imarsiornermik Ilinniarfik
- Narsaq: INULI
- Qaqortoq: Campus Kujalleq

9.21 Konto pingarneq 40.92.13 Ilisimatusarfik

a) *Atuarfimmi ilinniartitsisunut ingerlaqqiffiusumik ilinniartitaaneq Naalakkersuisunit neqeroortigineqalersaarpa?*

Akissut:

Ilinniartitsisunngornianut ilinniarfik 2016-imi nalilersuinerup kingorna aaqqissuuteqqinneqarpoq. Maannakkut ingerlaqqiffiusumik imaluunniit ilinniaqqiffiusumik peqalerpoq. September 2018-imi Ilinniarnermut Instituti, pisariaqartitsinerit kissaatillu ataqatigiissarnissaat siunertaralugu ilinniartitaanernut ingerlaqqiffiusunut soqutiginnittunut tamanut isumasioqatigiissitsivoq.

b) *Atuarfimmi ilinniartitsisut ilinniaqqinneranni illoqarfinit ataasiakkaanit peqataasusaa qanoq amerlatiginissaat killiligaava?*

Akissut:

Ilinniarfeqarfii tungaanniit illoqarfinit ataasiakkaaniit peqataasut amerlassusaasigut killilersuisoqanngilaq.

c) *Ilinniarfissuarmi ilinniartitaanerit pitsaassusiat Naalackersuisunit qanoq qulakkeerneqartarpa?*

Akissut:

Nunani tamalaani pitsaassutsinut naleqqiullugu ilinniartitaanerit pitsaassusaanik qulakkeerinissamut kalaallit nunaanni pitsaassutsinik qulakkeerisarnikkut aaqqissuussinermik pilersitsinissamut sulineq aallartinneqarsimavoq. Ilinniarnissamut pilersaarutit nutaat Ilisimatusarfimmi ilinniagaqartuut siunnersuisoqatigiivini pitsaassusaat qulakkeerneqareersimapput.

9.22 Konto pingaarneq 40.92.18 Oqaatsinik pikkorissartitsinerit

Namminersorlutik Oqartussani sulisut kontop matuma ataani pikkorissartitsinernik kisimik neqeroorfigineqartarpa?

Akissut:

Kalaallit Nunaanni innuttaasut 18-it sinnerlugit ukiullit tamarmik kontomi pingaarnermi matumani pikkorissarnernik neqeroorfigineqarsinnaapput.

9.23 Konto pingaarneq 40.94.13 Timersornermut tapiissutit

a) *Kalaallit Nunaat sinnerlugu nunanut allanut unammiartornermut atatillugu sulinnigiffeqarnermi annaasanut 1.250.000 kr.-t immikkoortinneqarput. Piumasaqaatit qanoq ittut tunngavigalugit agguaaassisoqartarpa?*

Akissut:

Aningaasat Elite Sport Greenlandimut (ESG) tapiissutit nunneqarnerisa peqatigisaannik nuunneqarput. ESG nammineq najoqqutassaliorsimavoq, aningaasanut inatsimmi allassimasut aallaavigalugit suliarineqartoq. Piumasaqaatigineqartut tassaapput Kalaallit Nunaat sinnerlugu nunanut allanut unammisartut pillugit aaqqissuussinerni peqataanermut atatillugu sulinnigiffeqarnermi annaasaqarsimanermik timersortartoq pineqartorluunniit uppersaasannaassaaq. Sulinnigiffeqarnermi annaasanut aningaasat ESG-mut tunniunneqarput immikkut kattuffinnut toqqaannartumik tunniunneqarnatik.

b) *Aalajangersimasumik timersuutillit kattuffiannut aningaasaliissutinik agguaaassisarnermut suna tunngaviua?*

Akissut:

Sulinngiffeqarnermi annaasanut immikkoortitaqarnermut tunuliaqutaasoq tassaavoq nunani tamalaani unammiaarnerni unammersuarninilu Kalaallit Nunaannut sinniisuunermi sapinngisamik pitsaanerpaamik timersortartugut atugassaqaanissaasa qulakkeerneqarnissaat. Nunanut allanut unammisartut peqatigalugit sulinngiffeqaqnginnissamut akissaqaqngikkunik tamanna pisariaqaqngitsumik ernumassuteqarnermik kinguneqarsinnaavoq, timersornermik aallussineq pitsaanerpaamillu timersorsinnaaneq tammartissinnaallugu. Tamanna timersortartunut aamma inunnut timersortartut pitsaanerpaamik atugaqaqarnissaannik qulakkeerinermi peqataasunut atuuppoq, tassa sungiusaasunut timersortartullu aqutsisuiunut.

9.24 Konto pingaarneq 40.94.14 Nuna tamakkerlugu meeqqanut inuusuttunullu suliniaqatigiiffinnut tapiissutit

Kattuffiit pineqartut naatsorsuusiornissaannik aammalu aningaasat siunertanut pineqartunut atorineqarnissaannik piumasaqaatit eqquutsinneqartarpat?

Akissut:

Sorlak, Sukorseq, Avalak aamma Ili Ili ukiut tamaasa naatsorsuutininik nassiussisarput IKINip aningaasaliinissamut allakkiaani tamatuminnga noqqaasoqarneratigut. Naatsorsuutini misissorneqartarpoq aningaasartuutit taakku naatsorsuutininut ilaanersut, tamatigullu taamaattoqartarluni.

Konto pingaarneq 40.94.15-imut, Kulturimut tunngasunik isumaqatigiissutinik tunngaveqartunut tapiissutit

Meeqqanut inuusuttunullu atuakkiat nersornaasigassatut inassutigineqartut oqaatsinut allanut nutserneqartarpat?

Akissut:

Nunat Avannarliit Killiit Siunnersuisoqatigiivisa Meeqqanut Inuusuttunullu atuakkianut nersornaasiineq pillugu aalajangersakkat malillugit Nunani avannarlerni killerni kultureqarnermut ministerit atuakkit nunat inassutigisaasa nunani avannarlerni killerni oqaatsinut marlunnut kiisalu skandinaviamiusut (qallunaatut, norskisut imaluunniit svenskisut) nutsertinnerisa aningaasalersornissaannut akisussaapput. Kalaallit Nunaanniit Maja-Lisa Kehletip atuakkiaa assitalik: "Kammagiitta! Ikinngutigerusuppinga?" Nunat Avannarliit Killiit Siunnersuisoqatigiivisa Meeqqanut Inuusuttunullu atuakkianut nersornaasiinissamut 2018-imut inassutigineqarpoq. Atuakkiap inassutigineqartup nutsertinnissaanut aningaasartuuteqarnissaq naalackersuisoqarfimmit naatsorsuutigineqaqngilaq, tassa atuakkiaq oqaasertaqaqngimmat.

9.26 Konto pingaarneq 40.94.16 Najukkani TV-kkut Najukkanilu radiukkut aallakaatitsisarfiit peqatigiiffiit tapiissutit

a) *Suliffeqarfiit pineqartut naatsorsuusiornissaannik piumasaqaatit eqquutsinneqartarpat?*

Akissut:

Aap, Nunatsinni Tusagassiuutilerisut Kattuffiata (NTK) aamma Ilinniartitaanermit, Kultureqarnermut Ilageeqarnermullu Naalackersuisoqarfiup akornanni isumaqatigiissut

naapertorlugu ukiup affakkaartumik nalunaarusianik NTK Ilinniartitaanermut, Kultureqarnermut Ilageeqarnermullu Naalakkersuisoqarfimmut nassiussisarpaq.

b) *Najoqqutassat suut atorpeqartarpat?*

Akissut:

Aningaasaliissutit tapiissutinut assigiinngitsunut NTK-p aqutarisaanut piviusunngortinneqartut najukkami radioqarfinnut aamma tv-qarfinnut tapiissutit pillugit Namminersorlutik Oqartussat nalunaarutaat nr. 29, 13. december 2016-imeersumi agguaassinissamut malittarisassat malillugit tapiissutit agguarneqassallutik.

c) *Konto pingaarneq una malillugu tapiissutinik pissarsisut qanoq agguataagaappat?*

Akissut:

Ukioq manna uku agguanneqarput:

Tunngaviusumik tapiissutit: 998.000 kr.-t

Tunisassiornermut tapiissutit: 499.000 kr.-t

Pikkorissarneq: 200.000 kr.-t

9.27 Konto pingaarneq 40.94.17 Kalaallit Nunaata Radioa - KNR

a) *Sinerissap sinneranit aallakaatitat imaluunniit nammineq aallakaatitassarineqartut amerlisinniarlugit qanoq iliortoqarpa?*

b) *Radioavisit ikilineqarnerannut suna pissutaava?*

c) *KNR-ip aallakaatitassiai toqqaannartut qanoq pilersaaruteqarfigineqarpat?*

d) *KNR-ip nutaarsiassiineri qanoq agguataarneqartarpat?*

e) *Inatsisartut isumaqatigiinniarnersa radiokkut nuna tamakkerlugu aallakaatinneqarsinnaanerisa KNR-ip innuttaasunik kiffartuussinissamik pisussaaffiit tunngatillugu KNR-ip Naalakkersuisullu akornanni anguniagassat pillugit isumaqatigiissummut ilanngunneqarnissaannut qanoq periarfissaqarpa?*

f) *Oqaasertaliussat allanngortinneqarnerannut suna tunngaviua?*

Ataatsimoortumik akissut:

KNR-imit ukiut kingulliit marluk ingerlaneranni najukkami radioqarfiit aamma tv-qarfiit kiisalu avataaneersut kalaallit tunisassiorlut suleqatigalugit sinerissamiit avataani tunisassiornerit annertusineqarsimapput. Tamanik Kiffartuussinissamut isumaqatigiisut naapertorlugu KNR 2017-imi minnerpaamik 70 tiiminik radiomik aamma 105 tiiminik TV-mik pisinissamut pisussaaffeqarsimavoq. KNR aamma Qanoruumi aamma Sinerissatsinniit sapaatip akunnikkaartumik pilersuinissaq pillugu Aasiaaanni kingullermi Ilulissani inunnik ataasiakkaanit suleqateqalerpoq. TV-ikkut peqatigiiffeqanngitsuni sinerissami sumiiffinnik amerlaneranik suleqateqarneq KNR-imit annertusarneqarusuppoq. KNR-ip aamma sinerissamiit radiokkut tunisassiornerit tiiminik arlalinnik annertusarusuppai. KNR-ip radioqarfinnik aamma tv-qarfinnik kiisalu

avataaneersunik tunisassiorunik pioreersunik siunissami suleqateqarneq ingerlatiinnarusuppaa.

Radioaviisimik aallakaatitsisarnerit annikillinerinut pissutaavoq akunnermut nutaarsiassanik immersuisinnaasunik sulinik KNR-ip amigaateqarnera. KNR-i ilisimatitsivoq ulapippallaarneq tunngavigalugu sulisut napparsimasimasut sinneruttullu sukkanerujussuarmik sulisariaqarsimallutik amerlanertigullu tamatuma kingunerisarlugu imarisamik pitaassutsikkut piunasaqaatinut nammineq inissitanut eqqortitsisinnaannginneq. Uteqqiinerpassuaqarsimavoq, piffissaliussaq sioqqullugu atortunik nutaanik suliarinnissinnaanissamut nukissat ikippallaarneri pissutigalugit. Nutaarsiassat tamarmik aamma kalaallisuunngorlugit aamma qallunaatuunngorlugit nutserneqartariaqarneri isumalluuterpassuarnik pisariaqartitsisarlugit. Nalunaaquttap akunnikkaartumik nutaarsiassat ikilineqassasut KNR-imi siulersuisut aalajangiisimapput, taamaalilluni annertussuseq pinnagu pitsaassusermik naammassisaqarsinnaallutik. Pissutaasoq alla annertoq tassaavoq Webimi qupperneq. Inuit tusagassiuutitigut ileqqi 2014-imi nikingaatsiarsimapput, assersuutigalugu KNR 2014-imi 514.910-inik atuisoqarsimavoq aamma quppernik 6,3 mio.-inik takutitsisimalluni. 2017-imi atuisut katillugit 1 mio.-it sinnersimavai quppernillu takutitsinerit 12 mio. sinnersimallugit. Taamaattoqarnera pissutigalugu ullumikkut allaalluinnartumik periuseqarput.

KNR ullumikkut nammineq pisinnaatitaaffigisaminnik internetsikkut toqqaannartumik nammineq tunisassiorpoq. TV-mi KNR YouTube- kanali atornerqarpoq, tunisassiat tamarmik internetsimut immiunneqartarlutik. Radiomi SoundCloud pigineqarpoq, taamatut internetsikkut toqqaannartumik kiffartuussinerunngitsoq. Tassani aamma KNR-ip nammineq tunisassiai nammineq taakkununga pisinnaatitaaffeqarfigisaat tusarnaarneqarsinnaapput. 2018-ip aallartinnerani TV-kkut atortunik nutaanik pisinermi atatillugu webimi aamma SoMe-mi (inoqutinut attaveqaatit) internetsikkut toqqaannartumik tunisassiornerissamut piareersartoqarsimavoq, kisianni maannakkut taamatut tunisassiornerissamut aningaasatigut suli akissaqarnatik. Aamma immiussanik toqqorsiviup, radiomi aamma TV-mi, digitalinngortinneqarnissaat pillugu pilersaaruteqarlutik. Suliassaq annertoqarsimavoq naatsorsuutigineqarlunilu suliassamut ukiuni 15-inik sulisoqassasoq. Suliassaq uninngatinneqarsimasoq, kisianni KNR-ip aqutsisuisa aamma siulersuisuisalu 2016-imi aallartissimasaat. Radiop tungaaniit sulisoqarput ataatsimik aamma TV-p tungaaniit ataaseq. Radiop tungaaniit KNR-imit eqqarsaatigineqarpoq Podcastimik aallakaatitassiorniarlutik, radiukkulli teknikkikkut maannakkut nutarterineq naammasseqqaarneqassalluni aamma podcasti allallu webimi aamma oqarasuaatini angallattakkani toqqaannartumik kiffartuussinerit suliariumannittussarsiuunnissaannut aningaasatigut akissaqartussaallutik.

KNR-ip radioaviisia ataasinngornermiit tallimanngornermut, nal. 7, 8, 9, 12, 14, 16 aamma 18 kalaallisut qallunaatullu sapaatillu akunnerisa naaneranni nalliuttunilu nal. 14 aamma 18-imi aallaatinneqartarpoq. TV-mi Qanoruumi nutaarsiassat ataasinngornermiit tallimanngornermut nal. 19-1920-mi aallakaatinneqartarput. Aasaanerani sapaatit akunnerini arfineq pingasuni taamaallaat minutsini qulini Qanoroq aallaatinneqartarput, aamma taamatut juullip ukiortaallu akornanni. Webimi quppernermi ulluni nalinginnaasunik tamani nal. 8-16-imi tamatigut sulisoqartarpoq. Nalliuttuni sapaatillu akunnerisa naaneranni radioaviiseqartitsisut webmi suliassanik isumaginnittarput.

Tamanna isumaqatigiisummut ilanngunneqarnissaanut qinnutigineqarsinnaavoq. Taamaattorli oqaatigineqassalluni Inatsisartut ataatsimiinnerat KNR2-imi toqqaannartumik aallakaatinneqartarmata ullorlu taanna kingusinnerusukkut aallakaateqqinneqartarlutik. Tamatuma saniatigut knr.gl-imi kiisalu Inatsisartut nammineq nittartagaanni Inatsisartut ataatsimiinnerit isiginnaarneqarsinnaallutillu tusarnaarneqarsinnaapput.

Taamatut oqaasertaliussap allanngortinnissaanut tunuliaqutaasoq tassaavoq immikkut ataatsimiititaliamut allakkatigut ilisimatitsisoqaannarani ukiumut nalunaarusiani inissiisimanagerit katersorneqarsimasut pillugit tamanut ammasumik nassuiaasoqarpat paasiuminernerpaajussasoq.

9.28 Konto pingaarneq 40.94.18 Katuaq

- a) *Missingersuutininut ilanngussami taaneqartut saniatigut kulturikkut suliniutit allat suut tapiissuteqarfigineqarsinnaasutut eqqarsaatigineqarsinnaappat?*
- b) *Katuaq aaqqissuussaasa sapinngisamik annertunerpaamik nunatsinnut tamanut anngunnissaat Naalackersuisunit qanoq qulakkeerneqalersaarpa?*
- c) *Kujallermi Kulturikkut Illuarsuarmut tapiissuteqarsinnaaneq isumaliutigineqarsimava?*

Akissut:

Kulturikkut ingerlatanut sunut tapiissutit atorneqarnissaannut immikkut piumasaaqatitaqanngitsumik Katuaqmut tapiisoqartarpoq. Aningaasaateqarfiup kalaallit kulturiala Kalaallit Nunaanni nunanilu tamalaani qaammarsaavigineqarnera peqataaffigissavaa, taamatuttaarlu aningaasaateqarfiup Kalaallit Nunaata nunarsuup sinneranik kulturikkut suleqateqarnera paasissutissiissutigalugu. Katuaq nammineq siulersuisoqarlunilu aqutsisoqarpoq, Naalackersuisunit ilitersuunneqarnissamut pisussaaffigineqanngitsunik taamaattumillu aningaasatigut aqutsinermi politikerit akulerutinnginnissaannik tunngaveqartumik sulisoqarluni. Taamaattumik qulaani allassimasunut atatillugu kulturikkut ingerlatat suut ingerlanneqarnissaannut Katuaq nammineq aalajangiisinaavoq.

Kommuni Kujalleq Aningaasaqarnermut Naalackersuisoqarfimmit AIS2019-imut atatillugu kommunip sanaartornikkut kissaatigisaminik nassiussaqaarsimavoq. Qaqortumi kulturikkut klubbitullu illutut nutaatut atorneqarnissaanut Qaqortumi innaallagissiorfeqarfitoqqamik taaneqartumik akeqanngitsumik tigusinissaq kommunimit kissaatigineqarpoq. Pilersaarutip killiffia kommunimit allaaserineqarpoq isumassarsiami inissisimasoq taamaattumik tapiissuteqarnissaq assigisaaluunniit pillugit Naalackersuisuni politikikkut eqqarsaasersuutit suli naammassineqarnatik.

9.29 Konto pingaarneq 40.94.20 Arctic Winter Games aamma Island Games

Arctic Winter Gamesimi ilaasortaanermi peqataanissamik sunniuteqaqataanissamillu aalajangersimasumik timersuutillit kattuffiisa kissaateqarnerannik piviusunngortitsinissamut qanoq periarfissaqarpa?

Akissut:

Aalajangersimasumik timersuutillit kattuffik ullumikkut Arctic Winter Gamesimi imaluunniit Island Gamesini peqataanissamik kissaateqarnermik nammineq sunniuteqarpoq. Aalajangersimasumik timersuutillit kattuffiup peqataanissaminnut

nammineq piginnittuunissaat Kalaallit Timersortartut Kattuffiani pineqarpoq, taamaalillutik unamminerni peqataaffigisaminni angusaqarfigerusullugit siunnerfeqarfigalugillu. Tips og Lottomit aamma Aningaasanut Inatsimmiit timersornermut tapiissutit tallimararterutaasa missaaniittut AWG-mi peqataanermut atatillugu aningaasartuutininut atorneqartarput. Taamaattumik maannakkut imaappoq aalajangersimasumik timersuutilit kattuffiata aki tamarmiusoq nammineq akilertarlugu. Tamanna soorunami isumaqarpoq ingerlatsinermit tapiissutinit annertunerusunik tunineqarsinnaallutik.

9.30 Konto pingarneq 40.94.23 Eqqissisimatitsineq kulturikkullu kingornussatut illersuineq

Suliassat ingerlataluunniit aalajangersimasut suut aningaasaliissutinit piffissami kingullermi matussuserneqarsimanersut Naalakkersuisunit paasisutissiissutigineqarsinnaava?

Akissut:

Konto pingarneq 40.94.23-imi eqqissisimatitsinermit aningaasat iluarsaassilluni sulinerit taamaallaat atorneqarneq ajorput, kisianni aamma qangarnitsat eqqissisimatitat allangutsaaliornernit ingerlanneqarnerinullu ingerlatanut atorneqartarlutik, soorlu aamma UNESCO-mi nunarsuarmit kingornussaannut tunngasunik ingerlatat qulaani konto pingarnermit akilerneqartartut.

Aningaasaliissutit annerusumik 2018-imi pilersaarutini aalajangersimasuni ataani allassimasunut atorneqarsimapput. Tassunga tunngatillugu oqaatigineqassaaq pilersaarutit arlallit naammassillugit isumannaarneqarsimangimmata taamaattumillu nalunaarsukkanut ilaanatik.

- Qaortumi illu allangutsaaliugassaq pillugu isumasioqatigiinneq (30.000): Kujataani ingerlataqartunut tunngasunik isumasioqatigiinneq illut kulturikkut kingornussanik ingerlatsinermit suliaqarnermullu tunngasoq (illut eqqissisimatitat allangutsaaliukkallu).
- Katersugaasiviup angalanera 2018, Tunu (61.000): Ukiumi katersugaasivinnut angalaneq siulleq Tasiilamat ingerlanneqarpoq, tassani kulturikkut oqaluttuarisaanermi sumiiffiit nunallu pillugit ilisimasat katersorneqarlutik, kiisalu katersugaasivik pulaarneqarluni.
- UNESCO-workshop Kujataa (99.000): Sumiiffimmi aqutsisoq, pinngortitami nakkutilliisoq, nunamik arkitekti aamma Kujataani nunarsuarmit kingornussaqaarfimmi katersugaasivinni sinniisut peqatigalugit angalaneq kulturikkut oqaluttuarisaanermi soqutiginarlut pisariaqartumik nakkutiginnissaat ineriartortinnissallu pillugit suleqatigiinneq aallartisarlarlugu.
- Nutarsaalluni sulineq (160.000): Nutarsaalluni sulineq Qaortukuluup aamma Igaliku Kujalliup eqqaani ingerlanneqarpoq.
- Kujataani nutaanik allagartalersuineq (150.000): Kujataani nunarsuarmit kingornussaannit allagartarsuarnik nutaanik tunisassiorneq, kulturikkut kingornussap I Kalaallit Nunaata allagartalersornissaa pillugu misiligutaasumik suliniut.

- Nunniffiit (120.000): Katersugaasiviup internetsikkut toqqaannartumik isertarfia qangarnisat pillugit toqqorsiviup ingerlanneqarneranut, nutarterneranut ingerlateqqinneranullu atasut aningaasartuutit.

9.31 Konto pingaarneq 40.94.27 Oqaasileriffik

Retskrivningsordbogip digitalinngortinnissaa pilersaarutaava?

Akissut:

Oqaasiliortut Oqaasileriffillu ataatsimoorussamik periusissiorlutik ingerlapput ukiup naanerani naammassineqartussatut naatsorsuutigineqartumik. Periusissiornermut atatillugu pisortatigoortumik kalaallisut allattaatsimik aalajangersakkamik ordbogimik suliaqarnissaq saqqummersitsinissarluni ilaatinneqarput.

Tamatuma saniatigut ilisimatitsissutigineqarsinnaavoq konto pingaarneq manna AIS 2019-imi ukiumut 900.000 kr.-nik qaffaaffigineqassasoq siunnersuutigineqarpoq, kalaallisut allattaatsimik aalajangersakkamik ordbogiliornermut ukiumi ataatsimi sulisussamut, aamma oqaasileriffiup allineqarnissaanut ukiumi ataatsimi sulisussamut.

Pilersaarutit malillugit atuakkatut, nittartakkakkut app-itullu saqqummersinneqarnissaa takorloorneqarpoq. Atuakkatut aamma saqqummersinneqarnissaa pisariaqarpoq atuarfeqarfinni ilinniarfeqarfinnilu sakkussaammat misilitsinnernilu tigorianaasariaqartussaalluni.

9.32 Konto pingaarneq 40.94.28 Nunatsinni tusagassiutinut naqitanut tapiissutit

- a) *Ingerlatsisut kikkut qanorlu amerlatigisunik tapiissuteqarfigineqarsimanersut pillugit suliassami kisitsisit ataatsimiititaliamit amigaatigineqarput.*

Akissut:

Tapiissutinik qassinik kina pissarsisimanersaq pillugu takutitsisumik suliassami kisitsisinik suliaqartoqarsimanngilaq, tassa tusagassiutinik tapiissutit pillugit Inatsisartunut inatsisaanni nr. 20, 28. november 2016-imeersumi § 3 aamma § 7-imi tapiissutit tunniunnerinut atatillugu piumasaqaateqarmat. Eqqarsaatigineqarsinnaavorli tapiissutisartut amerlassusaat suliassami kisitsisitalerlugit naatsorsuutinut ikkunneqarsinnaassasut.

- b) *Tapiissutinik agguaassinermi piumasaqaatit qanoq ittut atorineqartarpat?*

Akissut:

Tapiissutisinnissamut qinnuteqaat ukiumi pilersaarutip aallartinnissaani kingusinnerpaamik majip aallaqqaataani ataatsimiititaliamit tunniussisartumik tigueqareersimassapput. Tapiissutinik qinnuteqarfiusunut pilersaarutinut ataasiakkaanut tamanut immikkut qinnuteqaatit nassiunneqassapput. Qinnuteqaat allanneqarsimassaaq. Qinnuteqaammatt ilanngunneqarsimassapput: sukumiisumik suliniutip allaaserineqarnera, missingersuutit aningaasalersuinissamullu pilersaarut, ukiup siuliani tusagassiorfiup qinnuteqartup naatsorsuutai, tusagassiorfik ukiumi qinnuteqarfiusumi pilersinneqarsimanngippat aamma qinnuteqartup aningaaserivimmi konto allanneqassalluni.

c) *Tusagassiorfiit tusagassiorfillu naqitat pisariaqartitsinerannut imaluunniit aningaasat soqutigineqarnerannut aningaasaliissutit amerlassusiat ersersitsinerua?*

Akissut:

Tapiissutisisut pilersaarutip naammassineqarneraniit kingusinnerpaamik qaammatit pingasut kingorna tapiissutit pillugit naatsorsuutininik atsiorneqarsimasunik Naalakkersuisunut nassiussissapput. Minnerpaamik 150.000 koruunit tapiissutigineqarsimappata, naatsorsuutit kukkunerisuiisumit naalagaaffimmit akuerisaasumit imaluunniit kukkunerisuiisutut nalunaarsukkamit kukkunerisiorneqarsimassapput. Naatsorsuutit naalagaaffimmit akuerisaasumit imaluunniit kukkunerisuiisumit nalunaarsugaasumit kukkunerisiorneqarsimassapput, 150.000 kr.-nik amerlanerusunilluunniit tapiissutisisimasoqarpat. Aningaasat apparitsineranut naapertuuttut 40.04.29 Nunatsinni tusagassiuutinut naqitanut ingerlatsineranut tapiissutitut nuunneqarput.

9.33 Konto pingaarneq 40.94.29 Nunatsinni tusagassiuutinut naqitanut tapiissutit

a) *Nunatsinni tusagassiuutinut naqitanut suliniutinut- ingerlatsinerummullu tapiissutit nalilersorneqarnissat Naalakkersuisunit isumaliutigineqarsimava?*

Akissut:

Naalakkersuisut inatsisunik ingerlaavartumik nalilersuisarput. Tusagassiuutinut tapiissutit pillugit Inatsisartut inatsisaat nr. 20, 28. november 2016-imeersoq ulloq 1. januar 2017-imi atulersinneqarpoq, taamaattumillu ukiuni marlunni taamaallaat atuussimalluni. Tapiissuteqarnermi aqqissuussineranut taakkuninnga marlunnik nalilersuineramik aallartitsinissamut Naalakkersuisut taamaattumik nammattumik tunngavissaqarsimangillat.

b) *Nunatsinni tusagassiuutinut naqitanut suliniutinut ingerlatsinerummullu tapiissutit tusagassioriaatsinut allanut atuutsinneqarsinnaanerak Naalakkersuisunit isumaliutigineqarsimava?*

Akissut:

Tusagassiuutitigut pilersaarutinut tapiissutit taamani tusagassiuutinut allanneqarsimasunit allaanerusunut tusagassiuutinut allanut tunniunneqartartussatut pilersinneqarput, assersuutigalugu internetsi tunngavigalugu tusagassiuutit, tapiissutinik qinnuteqarnissaannut periarfissiisoqarluni, taamaattorli ingerlatsineranut tapiissutituunngitsoq kisianni pilersaarummut tapiissutitut.

9.34 Konto pingaarneq 40.95.01 Eqqumiitsuliornermut kulturimullu tapiissutit allat

a) *Kalaallit Nunaata Eqqumiitsulianut Toqqorsiviata ukiumi ataasiinnarmi aningaasanik tunineqarsimaneranut suna tunngaviua?*

b) *Konto pingaarneq una naapertorlugu tapiissutinik tunniussinermit maleruagassat tapiissuteqariaatsinut tamanut assigiippat?*

c) *Kalaallit Nunaani aalajangersimasumik najugaqarnissamik piumasaqaat konto pingaarneq una naapertorlugu tapiissuteqariaatsinut tamanut atuuppa?*

- d) *Aalajangersimasumik najugaqarnissamik piunasaqaateqarnissaq pisariaqartutut Naalackersuisunit isigineqarpa, oqaativummi ikittuinnarnit atorineqarsinnaammata atorsinnaagaanni Kalaallit Nunaannut attuumassuteqarsimasariaqarmat?*
- e) *Kalaallit nunani allani ilinniartut konto pingaarneq una malillugu tapiissutinik pissarsisinnaannginnerannik Kalaallit Nunaanni aalajangersimasumik najugaqarnissamik piunasaqaat kingunerpa?*
- f) *Tapiissutinik agguuassisarnermut tunngatillugu nakkutilliissutit qanoq ittut atorineqarpat aammalu naatsorsuutinik tunniussinissamik piunasaqaat pisuni tamani atuutsinneqarpa?*
- g) *Ilaatigut aningaasaliissutit siunertanut eqqortunut atorineqarnissaat qulakkeerniarlugu ilaatigullu atornerluisoqarnissaa pinngitsoortinniarlugu utertitsiffigineqarnissamik suliaasanut atatillugu ilanngussanik nassiussisarnermi nakkutilliissutit qanoq ittut atorineqarpat?*
- h) *Uppernarsaasiinissamik piunasaqaateqarneq piunasaqaatinillu eqquutsitsinissaq malinneqanngikkaangata Naalackersuisut qanoq iliortarpat?*

Ataatsimoortumik akissut:

Kalaallit Nunaata Eqqumiitsulianut Toqqorsivianut aningaasat suleqatigiissitap pilersaarummik siuarsaalluni sulineranik aningaasalersuissapput, taamaattumik ataasiaannarlutik tunniunneqarlutik.

Kontomut pingaarnermut 40.95.01-imut malittarisassat marluk tunngaviupput: Eqqumiitsuliornermik ingerlatsineq pillugu Inatsisartut inatsisaat nr. 11 6. juni 2016-imeersoq aamma kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq. Eqqumiitsuliortunut, eqqumiitsuliortut kattuffiinut, ataatsimoortut peqatigiiffiinut, qimussertartut peqatigiiffiinut, atuagassiortunut, nipilersuutinik nuusiortunut kiisalu Naalackersuisut kulturikkut nersornaasiinernut tapiisoqartarpoq. Taamaalilluni kontomi aningaasanut tamanut ataasiinnarmik najoqqutassiaqanngilaq. Eqqumiitsuliortunut tapiissutit (Namminersorlutik Oqartussat Kulturimut aningaasai) tapiissutinut nipilersugassianullu najoqqutassiaqarput.

Immikkoortitat "Kulturikkut Sulinermit legatit" aamma "Filmiliorneq" taakku marluullutik aalajangersimasumik Kalaallit Nunaanni najugaqarnissamik piunasaqaateqarput, immikkoortitalli allat annerusumik eqqumiitsuliortunut maani najugaqartunut tutsinneqartarlutik.

Naalackersuisut isumaqarput asersuutigalugu Kulturikkut sulinermit legatimut aalajangersimasumik najugaqarnissamut piunasaqaateqarnermut ajunngitsumik tunngavissaqarpoq, tassa legatit Namminersorlutik Oqartussani akissarsiat allat assigalugit akissarsiatut tunniunneqartarmata. Naalackersuisut aamma isumaqarput aningaasat killeqartut nunanit allaneersunut qinnuteqaatinut ammaanpeqartariaqanngitsut, taamaalilluni Kalaallit Nunaanni innuttaasut eqqumiitsuliornermut kulturimullu aningaasaniit sapinngisamik amerlanerpaanik pissarsisinnaallutik.

Kontomit pingaarnermit matumaniit tapiissutit tassaunerupput maani najugaqartunut eqqumiitsuliortutut inuussutissarsiuteqartunut aamma nunatsinni kulturikkut

aaqqissuussinernut. Taamaattorli attuumassuteqartumik ingerlataqartut tamarmik tapiissutinik qinnuteqarsinnaapput, kisianni Filmiliornermiit tapiissutisinnisaq imaluunniit sulinermi legatinik tunineqarnissaq ajornarluni.

Kinalunniit Namminersorlutik Oqartussat Kulturikkut aningaasaannit tapiissutisimasooq pilersaarut pillugit naatsorsuutininik saqqummiussissaaq. Neriorsorneqarluni allagarsigaanni naatsorsuutininik saqqummiussisoqarnissaa tamatigut piumasaaqatigineqartarpoq. Tapiissutit 150.000 kr.-nik amerlaneruppata kukkunersiuisooq nalunaarsugaasoq atorneqassaaq.

Tapiissutit aningaasaliiffigineqartut saniatigut allanut atorneqarsimappata imaluunniit sinneqartoortoqarsimappat sammisarluunniit unitsiinnarneqarsimappat aningaasat uterteqquneqarsinnaapput. Najoqqutassiani erseqqissarneqarpoq nakkutilliinermut atugassanik takussutissanik nassiussisoqarnissaa naalakkersuisoqarfimmit piumasarineqarsinnaasoq.

Siusinnerusukkut sammineqarsimasunut naatsorsuutit qinnuteqarnissamut piffissaliussap nallitunnginnerani tiguneqarsimanngippata qinnuteqaat nutaaq itigartinneqassaaq.

9.35 Konto pingarneq 40.95.05 Nunatta Isiginnaartitsisarfia

a) *Oqariartaaseq "kalaallit kulturiat ileqquilu" qanoq paasineqassanersoq ersarissumik nassuiarneqarsimava?*

Akissut:

Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersumi § 8-imut nassuiaatini qupperneq 21-imi "kalaallit kulturiat ileqquilu" qanoq isumaqarnerooq erseqqinnerusumik allassimavoq. "Naalakkersuisuniit pingaartinneqarpoq Kalaallit Nunaata Isiginnaartitsisarfiata sulinera aallaavittut kalaallit kulturianik ileqqutoqaannillu tunngaveqassasoq. Tamatumani kisimik pingaartut pineqanngillat kalaallit isiginnaartitsisarnermi kulturiat isiginnaartitsinikkullu ileqqi, kisiannili kalaallit kulturiat ileqqutoqaallu tamakkiisumik pineqarlutik. Tamatumunnga ilaasutut Naalakkersuisut pingaartippaat kalaallit kulturiat isiginnaartitseriaasiallu siuarsavigineqassasoq, tamatumunnga ilanngullugit inngerneq uajaernerlu. Oqaatsimi "aallaavittut tunngaveqassasoq" a/2> siunertaavoq isiginnaartitsisarfiup ilaata aamma kalaallit kulturianit ileqqutoqaanniillu aammattaarli nunanut tamalaanut sammisumik allaaneruumik tunngaveqarsinnaanera. Tamanna ima paasineqassaaq Kalaallit Nunaata Isiginnaartitsisarfia nunap isiginnaartitsisarfiatut aammattaq nunarsuarmioqatinut qanillattornermi nunani tamalaani isiginnaartitsisarfiittut naatsorsuunneqassasoq.

b) *Ilinniartunik akuerinninnissamut qanoq piumasaaqateqartoqarpa aammalu isiginnaartitsisartut ilinniarneq sunik imaqarpa?*

Akissut:

Ilinniartitaanermut isernissamut piumasaaqat tassaavoq qinnuteqartup 18-inik ukioqalersimanissaa tiguneqarnissamik misilitsinnermik angusisimassasoq. Tiguneqarnissamut aalajangiineq qinnuteqartup piukkunnaateqarnera, piginnaasai pisinnaasaanillu aalajangersimasumik naliliineq tunuliaqutaralugu Kalaallit Nunaata Isiginnaartitsisarfiarit aalajangiiffigineqassaaq. Isiginnaartitsisussatut ilinniartitaaneq sisamik semestereqarpoq. Immikkoortunut ataasiakkaanut atuartitsissutaasut allaaserineqarneri ilinniarnermik aaqqissuussinermi nassaarineqarsinnaapput.

9.36 *Konto pingaarneq 40.97.03 Kalaallit Nunaanni ilagiit*

a) *Assersuutigalugu ajutoornermik nalaanneqartunut siunnersuinerup ikiorsiinerullu, imminut toquttarneq pillugu oqarasuaatikkut ajutoortunik aliasuuteqartunillu katsorsaanerup, tarnikkut aliasuuteqartunik sullissineq aammalu nunatsinni isumaginninnikkut suliniutini akuutinneqarneq ilagiit suliassaannut ilanngunneqarnissaat pillugit Naalakkersuisut qanoq eqqarsaateqarpat?*

Akissut:

Naalakkersuisut ilisimavaat biskopeqarfik februar 2018-imi internetsimi www.artorsarneq.gl-imi kinaassuseq isertuullugu tarnikkut artorsaatit pillugit kiffartuussivimmik aallartitsisimasoq. Tassani inersimasut meeqqallu saaffiginnissinnaapput aamma artorsarnermut ajornartorsiutinullu tunngasunik sammisanik sunilluunniit palasi allaqatigisinnaallugu. Augustip qaammataani tarnikkut artorsateqartunik kiffartuussivik allineqarpoq aamma SMS-ikkut kiffartuussisoqalerluni, taamaaqataanik kinaassuseq isertuullugu 1771-imi allattoqarsinnaalluni. Palasit arlallit kiffartuussiffinni marlunni nikittaallutik sulipput.

2015-imili Kalaallit Nunaanni Ilagiit inuuniarnikkut ikiuisarsimapput ilagiinni kajumissutsimik sulillutik "Diakoni"-mik taaguuteqartoq qaffasissumik pingaartillugu. Diakonimi sulinermit ukiut tamaasa 450.000 kr.-t ilagiit iluanni immikkoortinneqartarput. Aamma sulisunut ilagiillu sinniisuinut pikkorissartitsisoqartarpoq, soorlu aamma upernaq 2017-imi diakonimi sulinermit isumassarsiat katersat saqqummersinneqarlutik. Arriitsumik kisianni qularnaatsumik ukiumiit ukiumut ilagiinni diakonimi pilersaarutit amerliartorput. Naalakkersuisut taamaattumik isumaqarput ilagiit annertumik suliqaarsut siunnersuineq, ajornartorsiuteqartunik passussineq kiisalu diakoniomi sulinerit eqqarsaatigalugit. Suliat taakku palasip suliassaasa ilaannamininnguunerinut atatillugu taanna isigineqassaaq.

b) *Nuugaatsiami ajunaarnersuaqarneranut atatillugu angalatitanik atuinermi tamanna pillugu qanoq misilittagaqarnikkut sunik angusaqartoqarpa?*

Akissut:

Pingaartumik Uummannami palasip aamma biskopip aallartissimasaannik Nuugaatsiami ajunaarnersuarmut atatillugu ilagiit ingerlataqarsimanerat Naalakkersuisunit ilisimaneqarput. Marluullutik pisup kinguninngua Uummannamiippat aamma palaseqarfimmi sulisut allat suleqatigalugit qimagussorneqarsimasut amerlanersaat passussimallugit. Ilagiit tamatuma saniatigut sakkutuuni palasissamut toqqaasimapput, Issittumi Sakkutuut angallataanni najuussinnaasoq, taannali suli sulilinngilaq. Naalakkersuisut ilisimavaat ilagiit taamatut inissisimaneq sakkutuunut provstimut attuumassuteqartumut uparuarsimagaat.

c) *Nunatsinni iliveqarfinnik ingerlatsinermi Naalakkersuisut qanoq misilittagaqarpat? Ilaquttat toqukkut qimagussimasut sumi iliveqarnerat ilaquatasunit nalornissutigineqarsinnaanera ataatsimiititaliamit assersuutitut taaneqarsinnaavoq. Toqukkut qimagussimasut ataasiakkat sumi ilineqarsimanerat pillugu paasissutissat sumi pissarsiarineqarsinnaappat?*